

[illegible]









DANS VENIAM CORVIS, VE-
XANS CENSURA COLUMBAS.

DE


IMMUNITATE

AUTORVM

CYRIACORVM

A CENSURA.

Diatribæ Petri à Valle Clausa S.T.D.



SEV

De Dominicana in Libros Alieno-
rum austeritate ; in proprios , quo-
rum hîc fursures cribrantur , lenitate,
ac indulgentia.

Ad SS. D. N. Alexandrum P.P.VII.

THE NEW YORK PUBLIC LIBRARY
ASTOR LENOX TILDEN FOUNDATION
1892

10

IMMUNITATE

AVTORVM

CYRIL CORAM

A. G. N. V. A.

THE NEW YORK PUBLIC LIBRARY



LECTORI.

SACRA immunitas, argumen-
tum est iam olim ac etiam nu-
per & hodie, multorum calamis stu-
diisque subactum, siue loca spectes,
siue personas, siue quiduis Deo addi-
ctum. Iacobus Vvimpheilingus, &
Anastasius Germonius, vniuersè de
sacra immunitate egerunt. Hierony-
mus Albanus solam Ecclesiarum Im-
munitatem discutiendam suscepit.
Suarez agens cum Iacobo Britanno,
personarum potius immunitati in-
stitit. Diana semel, iterum, tertio, de
immunitate disputauit, nec abster-
ruit ab eiusdem molæ versatione,
Symmisten Thomam Delbenium.
Versant atque reuersant, coquunt, ac
nouis subinde ad singulos Tomos

repetitionibus recoquunt, immunitatis discussionem, omnino multi. Vnam sacram immunitatem omnibus hactenus scriptoribus intactam, suscipio hac lucubratione excutendam; Nempe immunitatem Cyriacorum. Quanquam neque ad eam in toto suo ambitu diffundam considerationem: sunt enim multæ ac magnæ Cyriacorum immunitates ab hoc instituto alienæ; v. g. ante hoc trimestre, in vrbe populosa, grauis inter Cyriacos Magister, cum furtiui amplexus viduæ iuniori vterum tumefecissent, & Parochi assistentia, conficiendo legitimè matrimonio, suspecta partibus esset, per immunitatem Magistris Cyriacis concessam; non exorata, ac ne petita quidem ab ullo ex Ordinariis facultate; (ade-rant in vrbe, Parochus, Vicarius Generalis, & ipse Archiepiscopus;)

Cruionis

Curionis partes obiuit, assistens Ma-
irimonio, per immunitatem à com-
muni lege de non attingendis fun-
ctionibus Ordinariorum, absque co-
rum bona venia, Cyriacis ex Oceano
priuilegiorum suorum, propriam.
Iidem cum iure Pontificio vitetur
ingressus mulierum in sacrum, &
interiora Cœnobij, (non ago de mu-
lieribus viros masculino habitu
ementientibus;) per immunitatem
tamen meritis ordinis attributam,
secùs faciunt; & factis monstrant, se
ea communi lege non teneri. Quin
etiam quod insigne & rarum meritò
videbitur, cùm Clericis ac Religio-
sis omnibus, nefarium habeatur, per
tempus Bacchanalium prodire larua-
tos, Cyriacis tamen immunitas hac
in parte conceditur, etiam in Vrbe;
quam circumcursant quaterni, aut
etiam plures, abiecto Religioso ha-
bitu,

bitu, pia hilaria agitantes, illud veluti Minerual affecuturi, quòd ad sacram quadragenam ex scitis ordinis seuerè decurrendam, erūt habiliores. Alias Cyriacorum immunitates, alteri tractationi reseruo.

Nunc ad illam vnā eorum immunitatem accingor, quæ in omnium incurrit oculos; nimirum immunitatem librorum à censura. Quod dico, est huiusmodi. Libri scriptorum Catholicissimorū, ac Religiosissimorū, frequentissimè prostant in columna infami, cum flagrionibus & furciferis, ac patibulariis; sic enim absque noxa denominari possunt, Hæreticorum, & Atheorum, ac spurciloquorum libri. Pendent cum ipsis probrosis, (vt Christus cum latronibus,) scriptorum Catholicorum ac Religiosorum libri; iure, an iniuria, dolo, an virtute, quis in hoste requirat? Etiam
sydera,

sydera in hoc genere, de cœlo detrahuntur. Indicta causa, (certè tacita, & quam educere Eleusinium crimen sit;) notantur, proscribuntur, supprimuntur, Fratrum præsertim Minorum, & Iesuitarum libri: Hos quippe supra omnes genere, sub Cyriacorum Tyrannide, grauis scriptor, ex Religioso Archiepiscopus, non extimuit dicere, ac chartis committere, c. v. vitæ Scoti. Soli Cyriaci habent suorum librorum plenam immunitatem, quantum attinet ad viam ordinariam. Nam extraordinaria, (cuius vix vnum aut alterum exemplum intra bina sæcula proferre liceat,) prætermittenda merito est, tanquam vnum de rarò contingentibus, quæ sub disciplinam non cadunt. Quid causæ subsit tantæ Cyriacorum immunitati, vestigare consilium est. Et est sanè res satis abdita. Nam pro-

scribuntur libri, vel quia continent doctrinam hæreticam, aut hæresi conterminam; vel quia authores in suis scriptis, sunt erga Sedem Apostolicam irreuerentes; vel quia de sanctis non agunt satis sobriè, & cum conuenienti obseruantia; vel quia doctrinam continēt minùs solidam; vel quia mendacia & imposturas obtrudunt; vel denique quia in alienam famam iniustè grassantur, & immodestia atque acerbitate violant charitatem. An soli Cyriaci, nunquam in aliquid istorum peccant, & ideo soli abeunt à librorum suorum censura immunes? Hoc est quod nosse cupio, & cui inuestigando, hunc laborem addico.



DIATRIBA I.

*An scriptores Cyriaci, sint immunes ab
hæresi, atque adeò etiam, à censura
propter eam.*



IDE TVR hæc immunitas admittenda, & referenda in specialem prærogatiuam Cyriacis diuinitus collatam, propter zelum aduersus hæreticos, quo à sua prima institutione flagrarunt. Inde enim vnus quispiam Cyriacus, audiente Alphonso de Castro, de sacro suggesto dixit, neminem qui vestem Cyriacorum aliquando induerit, posse in hæresim labi. Ita refert Castro l.1. contra hæres. c.9. & Vadinghus anno 1371. num.27. Accedit quod Cyriaci per omnia inhærent S.Thomæ, cuius doctrina est infallibilis; & certò, ab hæresi (etiam materiali,) immunis: vsque adeò vt Cosmas Philiarcus 2.p.summæ l.4. c.22. referat, audiuisse se concionatorem Cyriacum, intrepidè de sacro pulpito contestantem, paratum se esse ad profundendum sanguinem, pro quocumque vel minimo sancti Thomæ dicto. Non dubitauit alius doctor Cyriacus, asserere, doctrinam S.Thomæ esse regulam fidei. Nam & Apostolica Sedes, (inquit Hieronymus Vielmus,

in opere pro S. Thoma;) solius Thomæ doctrinam, probauit publico edicto, & Ecclesiæ sectandam tradidit. Eius nomen & auctoritatem, posteriora Concilia Oecumenica perpetuò venerata sunt, & parem cuiusvis veterum Patrum auctoritati fecerunt. Quin imo S. Thomam quibusvis Patribus superiorem, & post Canonicos scriptores planè primum, quidam curris leuibus typis delineatus, effinxit. Tantumne? Audiantur maiora. Non dubitauit Nicolaus Iansenius Ordinis Prædicatorum in Apologia pro Bzouio, chartis illinere, *hunc virum sanctissimum, electum esse, cui tribueret cælum thesauros Sapientie Dei; cui Spiritus Sanctus ad aurem insideret; Cuius SCHOLAM INGREDERETUR PAVLVS, quem ipse Christus, securum esse suæ doctrinæ iuberet.* Nimirum cum ei Neapoli dixit, *Bene scripsisti de me Thoma.* Vnde adhærens huic Christi oraculo Innoc. VI. pronuntiauit, *Eos qui ab Angelici Doctoris mente discesserunt, fuisse semper de veritate suspectos,* Imò vt refert Alfonsus de Castro, auditum ab se esse de sacro pulpito; *suspectus de heresi est, quisquis à S. Thoma recesserit.* Itaque Cyriaci, doctrinam S. Thomæ, ad eum auctoritatis apicem prouectam volunt (teste Dermisio Thadeo in Bzouio expositulato pag. 36.) *vt agnoscendum sit, nihil hætenus ab Ecclesia contra eam decisum esse, SED NEQUE DECIDI POSSE: Omnes verò libros, esse ad eam normam exigendos, & castigandos; oranèque ad fidem aut mores attinens, esse ex S. Thoma solius sententia determinandum.*

Ex hoc fundamento apertè sequitur, libros Cyriacorum à quavis hæresi, etiam materiali, immunes esse, nec ipsos Cyriacos esse hæresi cuiuscumque obnoxios; quia quæ sunt eadem vni tertio, sunt eadem inter se. Atqui Cyriaci sunt tenacissimi Doctrinæ S. Thomæ, prorsus fermentatæ; cum vt suprà notatum est, sint parati pro minimo eius dicto sanguinem fundere. Sunt igitur ipsi quoque, & libri eorum, prorsus à fermento hæresis alieni: ac proinde etiam immunes à censura, ex hoc capite.

Hic desideratur sobrietas Cyriacorum. Et in primis quod vestis S. Dominici reddat immunem ab hæresi eum qui semel illam induerit, est aperta deliratio. An enim eam vestem non induerant Martinus Bucerus, Ioannes Palæologus Romæ sub Gregorio 13. combustus, Petrus Paulus de Bellis, Agarnus, & alij in hæresim prolapsi, ac hæresi immortui; quorum nomina de consilio Bracharij ad Ianuarium, præstat premere? Quid ille trans Pyreneos Prouincialis, qui sub horam mortis, aduocato cætu Fratrum, iussit allatum silicem immergi vasi aqua repleto; & eductum, extrinsecus planè madentem, findi impacto malleo, addita ea ad Fratres adstantes allocutione? *Silex iste exterius aqua perfusus, interius tamen, siccus & arens est. Equè ego visus sum perfusus aqua baptismatis; interius tamen mansi siccus, & nullo imbutus humore, ac in tali statu apponor ad Patres meos Hebraos; Sicque scdum spiritum expuit, non hæreticus duntaxat, sed etiam Apostata*
à

à fide. Et tamen vestem Cyriaci prætulera; quam item præferebat F. Matthæus Grabon, qui à Martino V. & Concilio Constantiensi, agentibus Petro Cardinali de Alliaco, & Gersonè Academia Parisiensis Cancellario, damnatus est de hæresi, circa largitatem Eleemosynæ ac paupertatem Euangelicam; & liber eius combustus. Euge ad id quod subiicio.

Smolenchus vrbs est munitissima & amplissima, in extrema Lithuania, ad Moschorum fines. Præerat ei lepus, & aduentatibus Moschis, turpiter se ac urbem dedit, cum ab omni apparatu bellico esset instructissima. Vrbe capta Moschus, pro more hostium fidei Romanæ, ablegat Iesuitas, quorum ibi Collegium erat magnificentia visendum. Rati Cyriaci eam sedem cœnobio quod in vrbe habebant commodiorem, Collegium vacuum sibi deposcunt, & vt essent securi commorationis, Sacramentum Moscho dicunt, ac fidem Catholicam eiurant, non vnus aut alter, sed cœnobium vniuersum; Lubentésque consentiunt in Anabaptismum; eo quod Moschi baptismum Romanum quia non peragitur cum trina immersione, censeant irritum. Itaque iteratò sunt baptizati, omnes illius cœnobij fratres. Sed non fuit eiurationis fidei, & inuasæ domus alienæ, diuturna lætitia. Nam vix nefandum baptismum susceperant, cum à Moschis ex vrbe eiekti, & in extremas Moscouiæ oras à Lithuania remotissimas sunt ablegati. Hæc non sunt gesta in vno aliquo angulo, sed in facie orbis vniuersi, & lamentabiliter

biliter describuntur in literis datis Varſavia 14. Decembris anni 1654. quo contigerunt. Quid videtur Frater de Marinis ? Fratres tui , ſuntne circa fidem infallibiles ? Prædeterminantur ne ad non labendum in hæreſim ?

Quid illi quos referebam , aſſerere , S. Thomam eſſe regulam fidei ? Hoc non poteſt accipi de regula viua ; quia ea regula neceſſe eſt vt ſe voce explicet , de ſcitis fidei infallibiliter pronuntiando , quod ſolius Romani Pontificis eſt proprium. Debet ergo accipi de ſcriptura infallibili ; quæ excitante , vel ſcriptoris mentem , & calamum ductante Spiritu ſancto , ſit p̄o oraculo diuino : Cuiusmodi ſcripturam , certum ex fide eſt , eſſe ſolam ſcripturam canonicam , vel eam quæ Eccleſiaſticam de fide definitionem continet. Qui ergo dicit , doctrinam S. Thomæ eſſe regulam fidei ; & qui a Diuo Thoma recedit , eſſe de hæreſi ſuſpectum ; & determinationes Eccleſiæ arctari ad ſenſa S. Thomæ ; nec quidquam poſſe in contrarium ab Eccleſia decidi ; (quæ omnia dicunt & ſcriptis committunt Cyriaci ;) qui inquam talia effutit , quantum abeſt ab hæreſi , transferente prærogatiuam ſcripturæ canonicæ , aut definitionis Eccleſiaſticæ de fide , in doctrinam quæ neque eſt verbum Dei ſcriptum , neque traditum ; neque ex alterutro illo Dei verbo ſuſumptum per euidentem conſecutionem !

At S. Thomæ doctrina , eſt approbata ab Eccleſia ? Multos Pontifices approbatores enumerat Aquarius in *Controuerſiis pag. 133.* addens ,
idcirco

idcirco Gregorium 13. Academia Thomistica Romanæ, singulis primis mensis dominicis, concessisse indulgentiam plenariam. Audio. Sed hoc quomodo sit condiendum, rectè exponitur in tractatu contra Fratrem Ioannem de Montefono, qui habetur ad calcem Magistri sententiarum; ubi statuitur, doctrinam S. Thomæ, non posse iactari approbatam per omnia, tanquam omnimodis indubitata, cum in ea (iuxta alios) multi næui reprehensione digni occurrant, annotati ab aliis; quorum nonnulli, speciales tractationes ediderunt aduersus aliquos illorum næuorum; nec semper satis commodè defensi sunt, siue à Richardo Clangas Anglo apud Pitsæum, siue ab Ægidio Romano, siue à Ioanne Parisiensi, ut testantur Picus q. 1. Apologia, & Leander l. 4. de viris illustribus Ordinis Prædicatorum, qui libros ediderunt titulo *Correptorii, corruptorii doctrinæ S. Thomæ*. Nam præ multis doctrinæ S. Thomæ impugnatoribus, laborandum plerisque; (etiam exteris,) fuit, in eius propugnatione. Autor quoque Tractatus prædicti, contra Fr. Ioannem de Montefono in 3. puncto principali, diffusissimè & subiectis plerisque exemplis monstrat, doctrinam S. Thomæ in plerisque non posse dici prorsus illimem & nitentem. Illa ergo approbatio Ecclesiastica quam iactant, aliud non fert, quàm testimonium doctrinæ ut plurimum bonæ, nec vlla manifesta hæresi sordentis; tametsi non semper immunis ab errore; ac etiam non habentis securitatem ab hæresi materiali: quibus næuis obno-

xia esse scripta Doctorum, etiam Canonismo Ecclesiastico illustrium, docet Nicolaus, Monachus S. Albani apud Cellensem l. 9. Epistola item 9. Fatuitas ergo Cyriacorum, circa tantam eminentiam doctrinæ S. Thomæ quantam retuli ab eis statui, degenerauit in hæresim, saltem materiale; atque aded perperam iactatur Immunitas Cyriacorum ab hæresi.

Non minus luculentum est exemplum quod subiicio. Cyriacorum plerique, (etiam post Sixtum IV. & Concilium Tridentinum,) dixerunt, prorsus falsum, & nullatenus probabile esse, Beatam Virginem fuisse conceptam sine peccato originali. Imo Bartholomæus Spina qui Romæ tanto post Sixtum IV. fuit Magister S. Palatij, in opere de vniuersali corruptione generis humani, parte 5. cap. 9. intrepidè dixit; *Assertionem de B. Virgine concepta absque peccato originali, esse inuentore diaboli satam, & Festum Conceptionis in ea assertionem fundatum, esse detestandum.* At hoc dicere, est hæreticum. Quod ut intelligatur, secernenda sunt duo in hac enuntiatione, *Pium ac probabile est, B. Virginem esse conceptam absque peccato originali;* Vnum est, propositio de inesse, siue dictum illius propositionis, contentum illis verbis, *B. Virgo est concepta sine peccato originali.* Alterum est, modus afficiens illud dictum, quod scilicet *pium est & probabile, conceptionem illam, peractam esse absque labe originali.* Ex dicto illo & modo, simul iugatis, exurgit propositio modalis, qua asseritur, *pium esse ac probabile, conceptionem Deipæ,*
passiuam

passiuam, fuisse expertem peccati originalis. Dictum ergo propositum, non est ex fide certum, ut Sixtus IV. & multi posteriores Pontifices declararunt; firmavitque Concilium Tridentinum. At quod dictum illud sit pium & probabile, de fide est; quia Ecclesia quæ est columna & firmamentum veritatis, docet fideles, illud dictum esse expertis erroris; & qui ita senserit, piè ac probabiliter sentire, nec posse notari ullius temeritatis, aut culpæ. Hoc Pontifices, firmante Concilio Oecumenico, tradiderunt loquentes ex cathedra: Hoc est obligantes vnumquemque fidelium, ita sentire, & abstinere omni censura, & improbatione illius propositionis modalis, enunciantis pietatem ac probabilitatem assertionis prædictæ; *B. Virginis conceptio passiva, fuit absque peccato originali.* Habetur hæc doctrina Pontificia, in corpore iuris, & rata habetur in Oecumenica Synodo Tridentina; atque adeò assertio illa, est de fide; & qui dicit errasse Pontificem, docentem, neminem fidelium posse reprobare eam propositionem, habendus est hæreticus, quia abiicit viuam regulam fidei, quæ ex scripturis & traditione, affirmat talem propositionem esse erroris practici expertem; & omnes fideles obligari abstinere eius reprehensione.

Ex his infertur, multos Cyriacorum, fuisse, aut etiam nunc esse hæreticos. Nam multi eorum, (etiam post Sixtum IV.) inficiati sunt eam propositionem modalem, *Pium est ac probabile B. Virginem esse conceptam absque peccato originali:* quam tamen

tamen propositionem, Pontifices ex cathedra loquentes, (id est obligationem omnibus fidelibus injicientes sic sentiendi, & nullatenus fugillandi sic sentientes,) annuente Tridentino Concilio œcumenico, tradiderunt. In quo docendi modo, Pontifices non sunt obnoxij errori. Vbi ergo immunitas ab hæresi, & errore circa fidem, in Cyriacis illis, quos dixi obstrepere Ecclesiæ circa enunciationem illam modalem? Nec se eximunt à tetra nota quam inurimus, illi Cyriaci, qui insidiâtes Calcaneo Deiparæ tametsi fatentur dici posse, B. Virginem caruisse peccato originali, propter prædicta; tamen negant, pium, esse ac probabile, conceptionem passiuam Deiparæ fuisse immaculatam; & quoties audiunt *conceptionem dici immaculatam*, efferantur; nec patiuntur, hoc vel in libris qui eduntur extare; vel in concionibus doceri. Qui ita se gerunt, non se eximunt à nota quam eis inurebam. Manifestè enim Cyriaci isti, refragantur Pontificibus, ex cathedra docentibus; atque adedò in hæresis casses se induunt. Verum enim est, conceptionem fuisse immaculatam, & caruisse peccato originali. Ridiculè autem, & prorsus ignoranter, admissio nitore conceptionis à peccato, refugitur titulus *conceptionis immaculate*. Quis enim anguis latere potest in illa herba? aut quis ignis supponi potest illi cineri doloso? Nam conceptionem fuisse absque macula, nihil aliud est, quàm fuisse sine peccato originali. Si ergo vnum dici & vulgari potest, quare non aliud? Cogor ineptire cum ineptientibus, vrgens rem per

se claram , & dignam in qua non hæreatur. Sed ferant me ineptientem , qui non nisi ineptientes insequor. Igitur si errat in negotio fidei, qui dicit non esse pium ac probabile Beatam Virginem esse sine originis peccato conceptam, quomodo non errat in negotio fidei; qui prohibet dici, pium esse ac probabile conceptionem illam fuisse immaculatam? Nam duæ illæ propositiones sunt synonymæ, & eundem prorsus sensum sub duplici verborum cortice continent; ita ut si vna approbetur, altera quoque sit approbanda; & posito quod vna repudietur, vtraque sit repudianda.

In eadem naui versantur , & circa fidem æquè naufragant , qui contra expressâ Pontificum decreta, toties iterata, & firmata vñ per centum saltem ac triginta annos recepto , in vniuersa Ecclesia; negant nitorem conceptionis Deiparæ, piè ac probabiliter atque adedò prudenter assertum, esse obiectum idoneum religiosi cultus; qualem Pontifices vigere in Ecclesia agnouerunt, iam à tanto tempore: Et explicatissimè docuerunt festum quod Romana Ecclesia de conceptione Virginis celebrat, esse de prima animatione; (id enim sonat vox *conceptionis* ;) & repulerunt asserentes hoc festum non esse nisi de sanctificatione subsecuta conceptionem. Illi ergo Cyriaci , qui post tam manifestam sensus Ecclesiæ expressionem, contrarium tradiderunt; nec de ea repulsa curarunt, sed pertinaciter institerunt suo sensui, & Ecclesiam in cultu Religioso propositò , irreligiose egisse dixerunt, quomodò sunt ab errore immunes?

Viderit

Viderit verò F. Franciscus Combesis, qui immaculatæ conceptionis festum non semel allatravit, quomodò se pedicis in quas se induit extricet. In sua enim Monothelitarum historia, quam rodendo Baronio quia Canum circa Honorium I. pexuerat, adornauit, c. 3. §. 2. pag. 174. contendit; indubitatos honores conceptionis Deiparæ, esse duntaxat, quòd B. Virgo sit concepta ex coniugio sterili, & quod hic fuerit velut anteambulo gaudij nostri ex Christi natiuitate de hac Virgine consecuturi; quod ipsum ait, à Græcis celebrari in conceptione S. Ioannis præcursoris, ac veluti Luciferi, aduentantis solis iustitiæ. Non plus habuisse conceptionem Deiparæ à tempore sextæ synodi AC ETIAMNUM nihil plus habere religiose festiuium, contendit Frater prædictus; & aliud colere, affirmat, aliud non esse, quàm contentioni studere, ac sibi visa stabilire, præter publicam & vniuersalem fidem. Rursúmque in notis ad orationem Gregorij Nicomediensis de conceptione Deiparæ; ait, festum hoc Deiparæ, inductum esse exemplo similis festi de S. Ioannis conceptione; præsertim cum accessit reuelatio, qua haud satis solide iactabatur, Beatam Virginem, Herluinum Abbatem sancti Anselmi successorem, impulisse ad celebrandum huiusmodi festum à S. Bernardo improbatum, nec à Græcis, præ Latinis hac in parte sobriis, in alio sensu admissum, quàm quo celebrabant conceptionem S. Ioannis; inquinatam quidem peccato originali, sed tamen aduentant-

tium tot bonorum prænunciam, & eorum antecursorem seu prodromum. *Sic sentire de conceptione Deiparæ*, (ait idem Autor in præfatione voluminis secundi inscripti Cancellario Franciæ,) *est eam conceptionem solidè laudare, & ut ex conceptione nulla veris matris famulis, offensio sit.*

Peruelim ab hoc Fratre Cyriaco considerari, quàm hæc eius assertio vacet fermento doctrinæ reprobæ de quo proximè agebam. Et sunt sanè multa in eius dictis compendio nunc relatis, quæ reprehensioni meritò pateant: ut quod per fœdum anachronismum, facit S. Anselmum Herluini prædecessorem; Item quod ait, S. Bernardum improbasse festum de conceptione simile festo natiuitatis; in quo aduersarius, & sibi contrarius est, cum ipsemet tale conceptionis festum admittat; & Bernardum malè intellexit, ut alibi traditur. Ad hæc quod festum conceptionis Deiparæ, in suo illo sensu distorto sumptum, ait, inductum esse exemplo festi S. Ioannis. Quasi verò non sit par, sentire, fideles erga Deiparam meliùs affectos esse, quàm ut dicantur solo exemplo festi S. Ioannis, atque adeò non nisi post hoc inductum, egisse festi diem conceptionis Deiparæ. Tandem quod sobrios præ Latinis fuisse hac in parte Græcos, & sapientiores statuit. Hæc omnia reprehensionem merentur, sed ea dissimulemus in præsentia; in illud vnum intenti quod idem Frater ait, nihil plus nunc habere cultum conceptionis, quàm eius, non quidem sanctæ, sed tamen sanctitatem prænunciantis,

memo

memoriam : & quod detritæ sobrietatis & sapientiae notat Ecclesiam Romanam , & ei adhærentes Latinos , admittentes Religiosum cultum conceptionis , piè ac probabiliter immaculatæ. Id verò est, ipsi Ecclesiæ illudere. Ecclesia enim conceptis verbis declarauit , suam mentem in huius festi celebratione esse , colere conceptionem piè ac probabiliter immaculatam ; mandatque eadem Ecclesia columna & firma mentum veritatis , vt omnes fideles de eo festo sic sentiant ; & illud Religiosè & absque errore ad eum modum coli, sibi persuadeant. Sequuntur hunc Ecclesiæ sensum , præter paucos Cyriacos, fideles omnes. Quis ergo est Philisteus iste , exprobrans aciebus Dei viuientis, (capitibus inquam Ecclesiæ, & Fidelibus ei inhærentibus, defectum sobrietatis ac sapientiae in eo cultu ? Illud verò quam sobrium , quod ait talem sensum esse studentium contentioni , & esse præter publicam & vniuersalem fidem , & eam Deipara laudem non esse solidam , & veris Deipara famulis esse offensionem ; Scilicet paucis Cyriacis ; (Nec enim omnibus inter eos , vt Catharino & Coyffeteo, aliisque , cum primùm per infulas segreges facti, potuerunt sensa sua liberè promere.) Vt autem præter paucos illos , quibus timor maiorum , vel peruiticia propter honorem ordinis fauces obstringit , nulli sint alij veri Deipara famuli ; conuiuium est in frunito otii congruentius , quam Religioso. Nec minuit hanc noxam, toties ab hoc Autote iactatum decretum Pij V. quo festum de conceptione voluit coli adhibito officio,

quale adhibetur in Natiuitate, mutato tantum *Natiuitatis* nomine in nomen *conceptionis*. Hoc enim edixit Pius, quia in reuelatione facta Abbati Herluino, habebatur usurpandum esse in conceptionis festo, tale officium. Et in hoc ipso officio per Pium V. probato, octauum responsum conceptis verbis tradit, *sanctam* Deiparæ *conceptionem*, æquè ac *Natiuitatem*. Sicut ergo certum est, Deiparam in natiuitate sua fuisse sanctam & gratia sanctificante collucentem; ita certum esse debet, Ecclesiam non errare, cum celebrat conceptionem tanquam piè & probabiliter sanctam. Et quidquid Pius V. è Cyriacis assumptus, secundum suum priuatum sensum existimarit, tamen prout Pontifex, & ratum habens officium prædictum quo *conceptio* ipsa *sancta* dicitur, in sensu in quo Natiuitas dicitur sancta; voluit quod affirmabam; Talémque fuisse & esse in huius festi celebratione sensum Ecclesiæ, disertissimè tradiderunt posteriores Pontifices. Itaque viderit F. Combesis, quàm absit ab hæresi, talia proferendo contra Romanam cortynam, fidei Magistram, & Petram fidei vt Damascenus in Iosaphati historia vocauit: Contra quam quisquis arietat, ipse confringitur, vt ait S. Augustinus. Neglectum ab isto silentium, ab eadem Romana Ecclesia Cyriacis indictum, circa suam peculiarem de non sancta & maculata conceptione assertionem, alij virgeant.

Suspectos præterea, vel etiam compertos nonnullos Cyriacos, aliorum contra fidem errorum possum

possum ostendere. Prætermitto quæ in Caietano obseruauit Catharinus hæresi sordentia : & quæ in Fratre Ioanne de Montefono , Lutetiæ hæreseos damnata referuntur ad calcem Magistri. Nec Bartholomæum Carranzam, apud Hispanos Quæsitores, & Romæ apud Gregorium XIII. de hæresi iudicia subeuntem adduco. Æterno item silentio pressam volo Palæologi miseram sortem, qua Romæ iubente Gregorio XIII. consumptus est viui comburio, obuiolatam pertinaciter fidem Catholicam. Audiamus mitiora.

Contritionem perfectam , etiam arte Sacramenti realem susceptionem , in eius voto , conferre gratiam , dogma Catholicum est , traditum à S. Bernardo epist. 77. & à S. Ambrosio in causa Gratiani & Valentiniani fratrum baptismo præceptorum , & aperte à Tridentina Synodo sess. 14. cap. 4. de pœnitentia ; estque certum Catholicis quibuscumque infermentatis. Attamen inquisitor Parmensis Ordinis Prædicatorum anno 1649. assertionem de contritione perfecta , ante susceptum re ipsa Sacramentum sanctificante , tanquam reprobam & à fide ac sana doctrina abhorrentem , obfirmatè reiecit , & vt vulgari pateretur adduci nunquam potuit. An erat de partiariis Baianorum , siue vt vulgò loquimur *Iansenistarum* quos ita sentire compertum est ? Vnde sicut Frater Baptista Marinus exhibuit se Iansenistarum protectorem , & per se Romæ apud Pontificem , & Lutetiæ per suos fortibus literis in eam rem datis ; utrobique infelicitè , & malis ausibus : ita potuit

hunc inquisitorem Parmensem partiarium suum, eodem infecisse fermento.

Panis & vini substantiam, & omnia ad eam attinentia, per consecrationem destrui, vox *transubstantiationis* demonstrat; estque dogma fidei indubitatum. Inuentus nihilominus est apud Cyriacos, qui nescio quid substantiale, (existentiam scilicet substantiarum panis & vini,) superesse post consecrationem, absolute doceret. Ita Bannez 1.p.q.4. in prima editione; quod fidei Catholice prorsus dissonare, tradunt Vasquez 3.p.disp. 180.c.11. Suarez To.3.disp.49.sect.4. & Ægidius de Coninc 3.p.q.75.n.63. fuisseque eam doctrinam, tanquam à fide alienam, ab Innocentio VIII. damnatam, obseruat Albertinus coroll. de quant. dub. 5. num. 11. Recognouit postea eam suam doctrinam Bannez; sed ita correxit, ut tamen voluerit eam esse probabilem. Sed neque hoc ferendum est, quia est perspicue contra doctrinam Ecclesie de transubstantiatione panis & vini, traditam in Concilio Tridentino, & bene pridem expressam à Gaufrido Cardinali Vindocinensi opusc. 1. & antiquis omnino multis, quos adducunt Coccius atque Garetius.

In eadem Eucharistie materia, nuper quidam bardus effutiuit crassam hæresim, negans species sacramentales obiectiue sumptas, esse reales. Quas autem passim censemus accidentarias panis & vini exuias, dixit esse præstigias & inanes species quales sunt colores iridis. Hoc verò est aperte hæreticum, ut patet ex definitione Concilij Constantiensis,

stantienſis, & ex vnanimi conſenſu patrum, & omnium ad hanc diem doctorum Catholicorum, celebrantium Dei omnipotentiam in auulſione accidentium panis & vini, & conſervatione eorum abſque omni materiali ſubiecto, vt eſſet fidei ac noſtro merito locus. Hanc hæreſim tradidiſſe primùm fertur Robertus Holcot Ord. Prædicatorum, qui tamen fortè paſſus eſt calumniã. Sed ei eum primùm à bardo quem dixi vulgata eſt, inhæſit ex eodem Ordine F. Vincentius Candidus, qui inter eos qui ſuffragatione & adſcriptione ſua hæreſim illam firmarunt, inuentus eſt primus. Atque adedò non modò alienum errorem fecit ſuum, ſed etiam paucis quibuſdam improuidis, facti turpis Dux fuit. At docentibus Chryſoſtomo in magni Ignatij Encomio, & Aſterio orat de S. Stephano, qui primus complanat iter ad malum, & cæteris viam munit, tetriùs exerrat. Sicut è contrario, qui dux eſt generoſi facti, auctius meritum aſſequitur.

Aſſertionem cuiſdam Arnaudi, ſtrenui in Gallia veterum errorum mangonis, *de SS. Petro & Paulo duobus ſimul Eccleſiæ capitibus, indiuiduè in vnum coaleſcentibus.* Innocentius X. damnauit hæreſeos. Ei tamen aſſertioni inhæſit F. Franciſcus Combeſis Ord. Prædicatorum in collatione actorum ſextæ ſynodi pag. 244. & 245. nixus ſtramineo argumento, petito ex eo quod aliquando Pontifices dicant, ſe eſſe ſucceſſores SS. Apoſtolorum Petri & Pauli. Hoc extricarunt omnino multi qui egerunt de biçipiti Eccleſia, contra hæreſim. Arnaudianam,

dianam, per cuniculos molientem exaquare Romano Pontifici omnes Episcopos. Et quanquam in ea collatione actorum, hic autor veluti sepia, affuso verborum ac phraseon inuolutarum atramento, tentauerit videri aliud dicere, quàm dixerat Arnaudus; & vel ab aliquo admonitus, vel notam inurendam extimescens, in calce eiusdem voluminis, post notas ad orat. Demetrii Cydonij; velit censeri inhærens definitioni Pontificiæ; tamen non retractat quæ priore illo loco dixerat; totidem verbis cum Arnaudo affirmans, *Paulum unâ cum Petro, indiuiduè, una formati ac per se cathedra, cuius successio sit penes Pontifices, esse potitum*; Quam verborum illuuiem non absterfit posteriore illo loco. Alia exempla stribiliginum circa catholica dogmata, inquinantium libros Cyriacorum, dabit in tempore, index vniuersalis ad singulos eorum Doctores. Nunc hæc specimina sufficiant. Et quamuis F. Ioannes Baptista de Marinis, importunissimis precibus, (an minis?) extorsit à Teutonibus, vt volumen vnius Celtiberi, de hæresibus (queis scatent libri Cyriacorum lucem non videret; tamen pro vno illo abortiuo, nascentur maturi foetus complures, cum res feret. Quæ item diatriba sequenti subiiciam; faciunt ad hoc institutum.

Concluditur apodicticè ex antedictis, libros Cyriacorum non posse statui immunes à censura, propter immunitatem à fermento doctrinæ reprobæ. Dices, S. Cyprianum asseruisse anabaptismum hæreticorum. Et S. Augustinum cum esset iunior, admisisse,

admisſiſſe, primam gratiam præuenientem dari ex merito; & tamen neutrum notatum eſſe hæreſeos, quia caruerunt obſirmatione in illis placitis hæreſi ſordentibus; quæ obſirmatio eſt de eſſentia Hæreſeos, & cuiuſuius completæ infidelitatis, vt docet Couarr. l. 3. variar. c. 1. & Suarez l. 1. contra Iacob. c. 23. & habetur ex c. *damnamus* de ſumma Trinit. & fide Catholica; vbi Ioachimus Abbas excuſatur, quia non laborauit pertinacia. Similiter ergo Cyriaci quos adduximus, non ſunt contumaciter obluſcati definitionibus Eccleſiæ, atque aded cum nõ fuerint formaliter hæretici, meritò libri eorũ in quibus doctrina tantũ materialiter hæretica deliteſcit, non ſunt relati in album nigrum, hoc eſt, in librorum prohibitorum indicem. Sed hæc excuſatio eſt planè friuola; Sic enim nullius planè catholici opera, poſſent referri in indicem librorum vetitæ lectionis; quia nemo qui perſtet Catholicus, eſt contumax aduerſus Eccleſiam. Ad hoc ergo vt liber aliquis ſtatuatur cenſuræ obnoxius, ſufficit in eo tradi hæreſim materialeſſimam, quam interſit fidelium, improbari interpoſita cenſura libri. Sicut ergo libri Cyriacorum (vt monſtratum eſt) non rarò ſordent hæreſibus; ita neque deberent eſſe immunes à cenſura cui aded frequenter ſubiacent libri cæterorum, æquè Catholicorum. Vnde iſta diſparitas?

DIATRIBA II.

An solis libris Cyriacorum, tam bellè per omnia conueniat cum sensis sedis Apostolica, ut immunes à censura esse debeant, ex hoc capite.

QUæcunque doctrina, à sensu summorum Pontificum abiungitur, aut hæretica est, aut confinis hæresi. Doctrina enim sedis Pontificiæ, est lapis lydius Catholicismi puri ac probari terræ, purgati sepultum. Disquirendum ergo est, an Cyriaci nusquam & nunquam à sedis Apostolicæ sensis ac doctrina deflexerint, ut proinde ex hoc capite, iure libri eorum immunes abeant à censura. Et cum hac disquisitione nexum est, considerare quàm reuerenter Cyriaci, scripto & voce se gerant cum Romanis Pontificibus, eorum personas omni veneratione prosequendo. Et videntur sanè Cyriaci, supra omnes adstringi ad eam in sensis & doctrina consensionem, plenamque venerationem. Nam cœtus eorum, tametsi respectu cæterorum Iacobi filiorum, non fuerit principium paterni doloris, est tamen citra dubium, *prior in donis, maior in imperio*. Sunt Cyriaci præcipui administri Pontificum in plerisque tribunalibus, non absque pingui annuo censu, & spe infularum,
aut

aut purpuræ. Iidem omnino insignibus prærogatiuis, ab iisdem exornati sunt, supra omnes Religiosos, ac etiam supra Clericos: Annales Cyriacorum, (non enim Ecclesiastici, ut mentitur titulus,) confarcinati ab Abrahamo Bzouio, scatent fauoribus Pontificum erga eum ordinem. Beneficia autem aded insignia, deuinciunt animos. Quare videtur esse extra dubium, quod Cyriaci stare debuerint semper strenuissimè pro sede Apostolica; proindeque ex hoc capite non esse timendum à nota libris eorum inurenda. Hunc tamen vmbonem malè prætendi Cyriacorum immunitati, monstrabunt specimina quæ subjicio.

Montes pietatis, ex præscripto Leonis X. & aliorum quorundam Pontificum administratos, labe vacare, certum est ac ratum apud omnes Theologos; quorum plerique adducuntur à Lessio lib. 2. de Virtut. cap. 20. num. 192. & in appendice de eodem argumento. Videndi etiam Toletus l. 5. instruct. cap. 38. & Molina Tract. 2. de Iustit. disp. 325. Sanè cum Leo 10. approbante Lateranensi Concilio, eos montes licitos esse, & vsuræ labe vacare pronuntiauerit, idque pertineat ad vniuersalem doctrinam morum; non potest mirum videri, quod nemo Theologorum refragetur, ponens in cælum os suum, & lingua transeunte in terra garriat, quod Pontifex in generali Concilio, statuit carere peccato, reuera sordere culpa; & quod idem & alij varij Pontifices docent honestè fieri, reuera tamen non posse nisi cum culpa & in honestè admitti. Nihilominus Dominicus Soto l. 6.

de iust. q. 1. art. 6. post Concilium Lateranense & Leonem X. Montes pietatis à Leone & Concilio approbatos, explosit vt usurarios; allegans pro excusatione, quod ea Leonis & Concilij doctrina non sit recepta. Hæc verò est manifesta contemptio Pontificij illius decreti: Aliud Pontificium decretum fuit, absoluendum esse à Sacerdote præsentem, ægrum qui Confessarium absentem expetierit, & suam confitendi de peccatis voluntatem; conceptumque de eis dolorem, per idoneos testes prodiderit; quamvis æger cum ad eum venit Confessarius, iam morbo oppressus, noua signa doloris de peccatis, & voluntatis recipiendi absolutionem edere nequeat. Extabat ea de re antiquum decretum S. Leonis, & Concilij 4. Carthaginensis. Sed Cyriaci, Soto ac Cano inhærentes nihil morabantur ea decreta. Cum autem nouo Pauli V. diplomate, vrgerentur ad abjiciendam eam reprobam doctrinam, multiplicibus viis effugere sunt conati, & primum confugerunt ad diplomatis tanquam supposititij vel adulterati, explosionem. Sed cum Scipio Cobellutius Card. S. Susannæ, qui diploma confecerat, magnos ob illud voluntarium & ipsi iniuriosum responsum ciceret rumores, eo deuentum est, vt Fratres, Pontificem in eo diplomate, humani quippiam, passum esse faterentur. At ille ex cathedra loquebatur, & Episcopis ac parochis, omnibusque per orbem animarum curatoribus, modum validè ac legitime administrandi Sacramenta præscribebat, obligatione omnibus iniecta, ad credendum, Sacramenta sic administrata, validè ac legitimè ad-

ministrari. Itaque de sententia Cyriacorum, Paulus Pontifex tradendo eam doctrinam, S. Leoni & Concilio Carthaginensi consentaneam; a Soto autem & Cano reprobata; pavit oves pascuæ Christi pabulo falsæ doctrinæ in re grauissima. Hæc quanta sit in Pontificem irreuerentia, nihil attinet dicere, ut haud inaccuratè monstratum est à nupero confessionis epistolaris examinatore, agente cum Dauila, Coquetio, Candido, Nuguo, Aluare, Petro Fay Cyriacis, quos rituale Paulinum malè habuit.

Martyrologium Romanum comprobauit Gregorius XIII. præfixo diplomate ad perpetuam rei memoriam, quo omnium aliorum Martyrologiorum vsu in sacris interdicat: proptereaque huiusmodi Ecclesiasticæ tabulæ, sunt omnibus Catholicis in magna veneratione. At Frater Franciscus Combesius, in notis ad acta Anonimi apud Nicæam, num. 6. occasione S. Paphnucij de quo tabulæ 11. sept. admodum licenter exagitat prædictum Romanum Martyrologium, *tamquam non Ecclesiæ, sed Baronij Martyrologium; cuius noui compactores, hinc inde corraserunt quæ ad aliquem Sanctum pertinent, & vix tantum bona, vacillante satis fide, Quid si enim decepti sunt conflatis in unum multis quæ secernenda fuerant?* Et ut nutare fidem Martyrologij Romani ostendat, producit exempla hallucinationum quæ in illud obreperunt, ut noui Martyris S. Xynoridis & S. Felicis, qui parum absuit quin ejiceretur; Luciferi Calaritani, & Fauſti Rhegiensis quos sanctitaris titulos

titulos ægrè retinuisse, nec nisi dubiis satis fundamentis, sanctorum Cælitum numero adscriptos contendit; nulla (vt admonet) Ecclesiæ Romanæ vel Pontificum culpa, sed eorum tantum qui ad huiusmodi libros componendos ab Ecclesia adhibiti, vel præ scientiæ tenuitate, vel præ humanæ industriæ inefficacitate, cespitarunt. Vnde nouæ subinde correctiones affulgente pleniori luce, aut maiori examine adhibito. Contraxi diffusio-rem Fratris Combefisij disputationem; quam ob- signat mordendo quosdam, imperitos, (vt ait) argu- tiores, qui contrarium scripturierint, res gestas ex ra- tiunculis astruendo. Idem in notis ad orationem Asterij de S. Phoca, prolatis verbis Martyrologij V. Martij referentis miraculum iuge sanationis collatæ demorsis à serpente, vbi primùm pede prefferint limen ædis huic sancto dicatæ; addit, nihil eorum apud quenquam extare, nisi apud Baronium, diuinantem, ac Suriū ex illo descri- bentem.

Non potuit Cyriacus iste, effundere licentiū contemptionem super Principem Ecclesiā, ap- probantem quod ipsa suum appellat Martyrolo- gium; quā illud Ecclesiæ subductum, suppo- nendo Baronio; qui apud istum Fratrem, vix vllō loco habetur, vt infra demonstrabo. Bellè verò hīc accidit, quod tantus censor cæli ac terræ, ait Su- riū ex Baronio exscripsisse, cum tamen prius obiisset Surius, quā Baronius aliquid vulgaret. Vt quid verò ad depreciandas Romanas tabulas, exempla congerit eorum (vt vult) dubiorum cæli-
tum

tum quos memorat? Nolo quoad S. Xinoridem, vrgere authoritatem S. Chrysostomi, qui initio homiliæ 4. de Lazaro, memorat B. Babylam, & Xinoridem, Lazarum mendicum secutos, ita enim habet vnus interpres; contra quàm Erasmus qui vertit *bigam*; vt monstraret, *Xinoridem*, non esse vnam aliquam sanctam, sed significari ea voce, coniugatas personas duas, vt apud Hieronymum cum Proba auia, & Iuliana Demetriadis Mater, dicuntur sancta Xynoris, quæ nihil virginitatem profitenti Demetriadi, detraxisset, eorum quæ nuptiis fuerant præparata. Et eodem sensu Nazianzenus oratione in S. Basilium, se & Basilium vocat *Synorida*. Potuit ergo similiter apud Chrysostomum *Xynoris* vsurpari pro binario Martyrum, qui cum S. Babyla passi non duo, sed tres fuisse referuntur, vt videre est in sacris tabulis 24. Ianuarij Et passim apud Græcos vox *συνέρις*, Atticè *ζυνέρις*, duorum equorum currum significat. Igitur Xynoris in loco allegato ex S. Chrysostomo, non videtur significare socios Martyrij S. Babylæ qui tres fuerant, non duo. Nihil ergo profertur, quod vetet, eam vocem significare vnam aliquam sanctam cælitem. Sed consultò nolo hoc vrgere, & gratis do; Xinoridem non esse cælitis nomen. Quid hoc ad depreciationem Martyrologij Romani? vbi enim in Romanis quas aduersarius Baronio tribuit, tabulis, *Sancta Xynoris*? Item vbi in iisdem tabulis, S. Faustus Rhegiensis, aut S. Lucifer Calaritanus? Quod hi in aliquibus aliis Martyrologiis, per indiligentiam collectorum

alia nomina non satis compertæ sanctitatis aliquando occurrerunt, quid hoc ad conspurcandas Romanas tabulas nihil tale proponentes? Alioqui debuisset etiam opponere Romanis tabulis, quod in Martyrologio Fratrum Prædicatorum, Eusebius Cæsariensis, homo tamen doctissimus, tamen pestilentissimus, & Arrianismi signifer, ad nostram usque ætatem tanquam insignis sanctus sedem inuenerit. Nolo harere in excutiendis tricis quas iste argutor mouit, circa SS. Paphnutiū & Phocam, ad eleuandam fidem Romanarum tabularum. Id enim esset præter institutum præsens, quod duntaxat suscipitur monstrandum, quam ingratè ac petulanter Cyriacus iste, Pontificum Martyrologij approbatorum auctoritatem suffodere tentauerit; nihil certi aut solidi contra tabulas proferendo; sed tantum obtrudendo suspensiones suas, & diuinationes, ac ratiunculas, tanta plerumque verborum & sensus implexitate, ut Oedipo interprete sit opus; nec quid velit, aut quid loquatur satis intelligi possit. De colapho iisdem Romanis tabulis impacto à Fratre Nicolao Richardio Monstro, repudiante quod in illis tabulis 28. Februarij traditur de Manyrio SS. Alexandrinorum, immortuorum ministerio huc contactorum dicendum infra.

Non debet leuis videri, ea auctoritatis Pontificiæ violatio per Cyriacos, qui arctant illam sæpe numero plus iusto. V.g. cum dicunt Pontificem nihil posse definire, contra ea quæ S. Thomas tradidit. Et cum contendunt, Pontificem non posse definire

Quàm addicti Pontificibus Cyriaci. 27

definire veritatem conceptionis B. Mariæ. Item cum asserunt, Pontificem se solo nihil posse definire de fide. Nihil horum dici potest, sine iniuria Pontificiæ authoritatis. Nam praxis & prisca & recens, docet quod Pontifex, se solo, id est absque Oecumenico Concilio, possit aliquid de fide statuere, quidquid obganniant Iansenij reliquæ, captantes hoc miserorum perfugium, contra fulmen aduersus quinque Cardinales Iansenij hæreses ab Innocentio decimo vibratum. Quod item Pontifex absque Concilio Prouinciali possit de fide statuere, omnino liquere debet, cum Concilij Prouincialis exigua sit authoritas præ Concilio Generali; à quo tamen Pontifex nullo modo pendet, vt aliquid de fide definiat. Et contrarius sensus non nisi post turbas schismatis per tempus Concilij Constantiensis inualuit, vt benè notauit grauis Theologus Ruardus Tapperus orat. 3. Theologica num. 3. Sanè Pontifex sub quo celebratum est 2. Concilium Prouinciale Arausicanū, præside S. Cæsario, non permisit illi Concilio discussionem capitulorum de gratia quæ transmittēbat; sed tantum mandauit Concilio, promulgationem eorum capitulorum. Iam si Pontifex neque ab Oecumenica, neque à prouinciali, (& idem est de diœcesana,) Synodo pendet in formanda definitione de fide, multo magis independens est à quocumque alio, etiam à Cardinalibus aut Prælati Curia Romanæ. Potestas enim docendi aliquid esse de fide, nititur eo Christi promisso, *super hanc Petram adificabo Ecclesiam meam,* &

illo mandato *pasce oues meas*, utique pabulo sanæ doctrinæ; & illa rursus sponſione *Rogavi pro te Petre ut non deficiat fides tua, & tu aliquando conuersus confirma fratres tuos*. At Christus non fundauit Ecclesiam super Petram Cardinalium aut Prælatorum; nec illis mandauit pascere plebem Christianam; nec pro eorum perpetua fide rogauit. Itaque tametsi Papa, posset peccare si absque collatione cum suis consiliariis, aliquid de fide statueret se solo; tamen definitio esset valida, si fieret ex cathedra; hoc est si Papa veritatem à se solo discussam, proponeret fidelibus cum obligatione sic credendi. Id enim est loqui ex cathedra; non autem quod fingit Combefisius tract. pro actis 6. Synodi c. 2. §. 3. dicens, loqui ex Cathedra, esse loqui cum Fratrum consilio, & ex communi Ecclesiæ sensu. Tandem dicere quod Pontifex non possit decidere controuersiam de conceptione passiua Deiparæ, est eorum qui timent causæ suæ, & volunt abstertere Pontificem ne ad eam definitionem accingatur; cum tamen plus satis fundamentorum suppetat, & in verbo scripto, & in verbo tradito per Patrum vnanimen consensum expresso, ad eam quæstionem decidendam, & quidem in fauorem Virginis. Nam quod obtenditur, S. Thomam sensisse contrarium, & Ecclesiam nihil posse decidere contra id quod S. Thomas docuit, ridiculè & absurdè obtenditur. Non sanè sensit contrarium S. Thomas. Constat enim, S. Thomam variis locis tradidisse conceptionem B. Virginis fuisse immaculatam: & nominatim

minatim ita docuit in 1.d.44. q.vnica art.3. ad 3. vt legitur in omnibus S. Thomæ editionibus, etiam Romana iussu Pij V. adornata; nec vnquam aliud ibi dixit S. Doctor, nisi anno 1613. quo F. Cosmas Morelles Ord. Prædicatorum in editione Antuerpiensi, textum falsauit.

Æquè falsò obtenditur, Ecclesiam nihil posse decidere contrarium placitis S. Thomæ. Quis enim sic arctauit Ecclesiam, aut vbi reuelatum est, S. Thomæ sententias esse amussim ad quam sint exigendæ definitiones ab Ecclesia latæ? Imò verò Ecclesia non semel, definiuit contrarium sententiis S. Thomæ. Nam Bonifacius VIII. c.1. de voto & voti redempt. definiuit, solemnitate voti Religiosorum, non esse iuris diuini, sed Ecclesiastici, quod ipsum definiuit Gregorius XIII. in bulla *Ascendente Domino*. Et tamen S. Thomas contrarium tradiderat. Similiter quod S. Thomas dixerat, Religiosum constitui per sola vota solemnia, ab eodem Gregorio, & aliis Pontificibus contraria definitione rescissum est. Afferuerat item S. Thomas eum qui ad vitæ suæ defensionem homicidium patrasset, esse irregularem: quod tamen contraria definitione rejicitur in Clementina *si furiosus* de homicid. Igitur Pontificem non posse definire ex fide, quod conceptio B. Virginis fuerit immaculata, etiamsi S. Thomas contrarium dixisse supponeretur; figmentum est iniuriosum Pontificibus; haud alio fine excogitarum, quàm vt Pontifices auocentur à suscipienda cogitatione de ea definitione. Tam multi magnorum qui sunt in

terra, in opere quod inscribitur *legatio*, à Luca Vvadingbo allegati, persuasissimum habuerunt, veritatem immaculatæ conceptionis passiuæ, esse à Pontifice definibilem; cum enixè expetierint, rogarintque Pontificem, vt eam definire denique vellet; & varij Theologi qui in eam rem Tractationes ediderunt, iure id facturos Pontifices cum libuerit, demonstrarunt. Sed Cyriacorum interfuit, cum Pontificum iniuria, ad eum modum, honori ordinis velificari.

Pontifices summos in approbando Religioso instituto errare non posse, indubitata est sententia doctorum: qui contrarium esse valdè iniuriosum Ecclesiæ pro comperto habent, contra Vviclefsum & Hussum, gemina Diabolicæ informationis ostenta, (vt huc transferam verba antiqui Patris de alia biga iniquitatis.) Videndus Valdensis tom. 3. à c. 83. Azor tom. 2. l. 5. c. 7. q. 2. Suarez tract. de fide disp. 5. sect. 8. n. 9. & tom. 3. de religione l. 2. c. 17. à num. 18. Valentia 22. disp. 1. q. 1. p. 7. §. 41. Ipse S. Thomas opusc. 19. c. 4. Sic habet in calce corporis. *Cum aliqua Religio per sedem Apostolicam instituta est, manifestè se damnabilem ostendit, qui talem religionem damnare conatur.* Audiat Canus qui l. 5. de locis cap. 5. non modò asseruit Pontificem errare posse approbando aliquod religiosum institutum; sed etiam asseruit errasse de facto; & qui id negare voluerit, imprudentiæ, vel etiam stultitiæ nomine, iure optimo, summis rationibus arguendum esse. Ita Canus Cyriacus, cæstro pereitus in Pontifices eo quod approbassent

basſent inſtitutum Societatis IESV; quod & varij ad eam diem Pontifices magnificè approbant, ac collaudant; & Synodus Oecumenica magnificè probat ſeſſ. 25. de regular. c. 16. vocans eius inſtitutum *pium & laudabile, ac à ſede Apoſtolica approbatum*. At Canus, inſtitutum Societatis IESV, ad mortem uſque habuit pro exitiali; eiùſque profeſſores Anti-Chriſti Antecurſoribus accenſuit. Verum eſt, Cani ſodales de tanta Cani audacia erubefcentes, expunxiſſe clam ex Cani codice re- cuſo, mentionem particularem Societatis IESV. Tamen adhuc reperiuntur primarum editionum codices, in quibus legitur ea verborum illuui- es, cum ſpeciali inſtituti Societatis IESV mentione. Et nominatim Romæ in quadam inſigni Biblio- theca, extabat Cani codex abſque caſtratione poſtea clanculum adhibita: ſed bona anima Te- rentij Alciati, voluntate pacis ſtudioſa, fecit ut volumen illud periret, nullique deinceps poſſet eſſe offendiculò; & qui viderunt teſtimonium ho- dièque perhibent, & verum eſt teſtimonium eo- rum. Scriptio item Azorij, qui integro illo Cani exemplari ad eius confutationem uſus fuerat, eo- dem non ſatis conſulto pacis ſtudio, vel ut inter- cederet, vomitus illius canini memoria, hiat, per immiſſam, nec cum iudicio expletam lacunam. Quanquam autem ea truncatio cancrumatis Pon- tificibus ac Concilio Oecumenico & Religioſo inſtituto iniurioſi optimè habuit; tamen exectio- facta eſt clanculum, nec ob adeò fœtens ſpurci- loquium, Cani liber in Indicem librorum vetitz

lectionis est relatus; Cyriacis quorum ea est pars studij maxima, pro fratre annitentibus. Qua etiam ex causa, Caietanus, è cuius scriptis multa cancrofa sapienter recisa sunt, præteritus tamen est in Indice, ne Cyriaci famæ inuretetur macula.

Ad conuicia eiusdem Cani, & spumas rabientis veriùs quàm voces, in professores eiusdem instituti, reponant quorum interest. Obiter tantùm dico, hunc adeò efferatum molossum, non modò in personas ac institutum, sed etiam in ipsum nomen à Pontificibus delatum, & à Synodo Oecumenica confirmatum, ac tanto ante Ioachimo Abbati præcognitum, infixisse genuinum, vt etiamnum legitur l. 4. de locis c. 2. inter tractandum eum Apostoli locum 1. Cor. 1. *Fidelis Deus per quem vocati estis in societatem filij eius Iesu Christi.* Glossa Canina in hunc locum, est ista. *Qua sine dubio societas, cum Christi Ecclesia sit, qui ritulum illum sibi arrogant, hi videant, an hæreticorum more penes se Ecclesiam existere, mentiantur.* O bone, imò verò, ô maligne, qui sibi titulum illum arrogauerit, damnas esto. Qui à Pontificibus delatum, & à Synodo Oecumenica comprobatum cum demissione prætulerit, satagens ne nomen vacuum portet, sit ille benedictus, nequicquam contra latrante Cano; & de orbis Cardinibus adeò indignè, vel etiam furiosè, statuente in ea causa. Hic est ille sapientissimus Magister Canus, pro cuius canitudine, & pilis sapientibus, F. Franciscus Combefis, adeo in Baronium concitatus est, eo quod Baronius, Cano in S. Gregorium magnum

infigenti

ingenti genuinum, & Honorium primum fœdè deformanti, vna aut altera periodo pilum vulsisset, qua de reposte.

Institutum Franciscanorum, & eorum arctissimam paupertatem, varij Pontifices comprobarunt verbis angelicissimis. Ita Innoc. III. Honorius III. Gregorius IX. Innoc. IV. Alexander IV. Nicolaus III. Martinus IV. & V. Nicolaus IV. Bonifacius VIII. & cum Concilio Viennensi Clemens V. necnon postea Eugenius IV. & alij absque numero. Soli Cyriaci reclamarunt. Et nominatim Abrahamus Bzouius ad annum 1371. à num. 8. multus est in notando erroris grauissimi, instituto sic approbato. Nec exhorruit scribere, artificem omnis doli Satanam, persuasisse Minoritis, spectare ad perfectionem, nihil habere, & omni dominio carere, etiam in communi. Hanc Bzouij Cacochymiam esse ipsammet Vviclefi delirationem, damnatam sess. 8. Concilij Constantiensis, latè confirmat Dermitius Thadeus in Bzouio expostulato, in spongia ad annum prænotatum. Mihi sat est aduertere, quam atroci in Pontifices iniuria dixerit iste Cyriacus, institutum ab eis toties comprobatum, ad Satanæ inuenta pertinere. Hoc dixit Bzouius, & dixit impune. Non enim idcirco liber eius in indicem librorum proscriptorum relatus est, aut corrigi iussus. Quomodò autem Bzouius non incurrerit excommunicationem in eos latam, qui non dico personas, sed instituta Minorum & Prædicatorum impugnant, considerent quorum interest.

Eiusdem furfuris est, & huic negotio affine, quod ante paucos annos hausi ipse meis auribus apud Cauares. Exulabat ibi Magnus Antistes, apud quem controuersia inferbuit de institutis Mendicantium, quorum ille petacitatem pertœsus, in ipsam quoque mendicitatem conuertabatur. Aderat Doctor Cyriacus, cui cognomen erat *Ioannis*, qui vt Antistitem palparet, & ad lautum conuiuium frequens adhiberetur, in mendicitatem quoque religiosam strinxit linguæ machæram. Urgebantur ab aduersa parte, pro mendicitatis sanctitate oracula Pontificum, à Bellarmino addensata l. de Monach. c. 45. At Cyriacus nihil de sua in mendicitatem concitatione remisit; nec Romanis Pontificibus pro statu mendicantium allegatis, assurrexit. Fuit qui reponeret; Eia Magister bone. *Memini legere, autorem instituti Predicatorum S. Dominicum, in Testamento quod sub montem condidit, intorxisse maledictionem suam, in eum qui annuos prouentus in ordinem à se constitutum induceret. Quis vestrum primus eam in se maledictionem deuocauerit, mitto quarere. Tantum peto; quo tempore timebatur in ordine ea maledictio, aberatque census annuus qui nunc suppetit, unde petebatur sustentatio à Fratribus?* Hæsit misellus supra piscem mutus; & cum suo rubore didicit, non esse Pontificibus aliquid statuentibus, obstrependum.

Nolo præterire, quæ in S. Francisci decora iactauit liuor aliquorum Cyriacorum, præter ea quæ aduersus eius institutum, & mendicitatem ab eo inuectam,

inuestam, vibrata retuli. S. Franciscum stigmata Domini IESV in corpore suo portasse, soli hæretici diffidentur, vt Beza in cap. 6. ad Galat. Moræus in mysterio iniquitatis pag. 345. Balæus in appendice cæalogi scriptorum Anglic. ad num. 37. At multi Pontifices, vt Gregorius IX. & Alexander IV. & qui vno aut altero post S. Francisci obitum anno scribebat Lucas Tudenfis l. 2. contra Albig. c. 11. proponunt illud S. Francisci decus, vt rem certissimam, & innumeris oculatis testibus firmatam. Solus inter Catholicos Frater Euechardus Cyriacus, Opaniæ in Morauia, pro concione, hoc decus S. Francisci esse commentitium eflutiuit, & inter quæstuariorum artificia recensuit. Fuerunt qui in sensu accommodatio, aptarent S. Francisco, illud ex Apocalypsi *vidi Angelum ascendentem ab ortu solis, habentem signum Dei vini.* Ita S. Bonauentura in prologo legendæ maioris, & alij longo agmine adducti à F. Salvatore Vitali, in floreto Aluernino, Hyacintho IV. & disertè Leo X. in bulla quæ dicitur *unionis.* Solus Frater Nicolaus Eymericus, ordinis Prædicatorum 2. p. directorij inquisit. q. 11. in hanc accommodationem zelo amaro efferbuit, visus eam hæreseos damnare. Quod non damnasset contra Alfonsum Venerum, & alios apud Hyacinthum Coquetium l. de maternis Mariæ visceribus in Ordinem Prædicat. cap. 18. qui S. Dominici stigmata commenti sunt, si ad eum accommodassent prædictum locum Apocalypsis.

Inter inhonorationes Pontificum Romanorum,

rum, ea debet cenferi palmaris, qua hærefis labes illis affricatur; à qua extra dubium effe debet, illos prout Pontifices, femper abfuiſſe quàm longiſſimè. Imo aliqui DD. Catholici, ex ſpeciali Dei prouidentia factum effe aſſeruerunt, vt nullus vnuquam Romanus Pontifex, etiam vt priuata perſona in fidem Catholicam peccaret. Ita Albertus Pighius l. 4. Eccleſ. Hierarch. c. 8. Bellarm. l. 4. de Pontifice c. 6. Suarez tract. de fide diſp. 10. ſect. 6. num. 11. & eſt pia ſententia, ac propter ſtudium honoris Pontificum Chriſti vicariorum collaudanda. At F. Franciſcus Combefis in commentario pro actis 6. Synodi c. 2. §. 3. in hanc pietatem, ab Agathone Papa non obſcurè inſinuatam, latè concitatur; certus haud erraſſe cenſuram, quæ id inſimulauit erroris. Nititur verò præcipuè, exemplis Liberij quem ait à fide defeciſſe; & fractum Constantis (imo Conſtantij) tyrannide, euafiſſe Arianum: Necnon Marcellini, qui abiecta Chriſtianitate in Idolomaniam impiſſimè eſt prolapſus. Pro Honorij autem primi damnatione ob hæreſim, ſudat & alget hic Frater tractatu integro, vlturus manes Caninos, à Baronio occaſione Honorij malè (vt vult) violatos.

Hæc tamenſ crambe recocta, toties iam à Doctiſſimis Catholicis reiecta eſt, vt mirum ſit eam iteratò reponi. Quamuis enim non ſit certum, Pontificem non modò vt publicam perſonam, (de quo nemo Catholicus ambigit) ſed etiam vt priuatam perſonam eſſe à fide indefectibilem, vt Hieronymus à Rua controu. 3. Schol. & Duallius

lius tract. de Pontifice p.2.q.1. Alique tradiderunt; tamen nihil est quod validè impugnet eam
piam assertionem; eique inurere notam erroris,
proiecta est audaciæ; & exempla quæ proferun-
tur, non probant intentum. Nam Liberium à fide
defecisse, & factum esse Arianum, pinguis ca-
lumnia est, quam benè depellunt Baron.anno 367.
& rursus anno 367. ac ex variis Coccius tom.1.
l.7.art.11. Marcellinum verò à Donatistis fuisse
per calumniam, accusatum lapsus in idololatriam,
rectè coniecere Baron.anno 302. & Bellarm. in
recognitione l.4.de Pontif.c.8. Honorium quem
Combesius contendit pro hæretico damnatum,
purgarunt iam olim, Ioannes I V. qui ei, altero
ad paucos duntaxat menses interposito, successit;
itémque S. Maximus Monachus & Martyr. Ex
recentioribus autem Hosius l.2. contra Brentium,
Bellarm. 4.de Pontifice cap.11. Duallius tract. de
Pontif.p.2.q.4.Andr. Schotus ad Cod.19.Photij
Baron. anno 633. & 681. & ex variis Coccius
tom.1.l.7.art.13. quibus (præsertim Ioanni Pon-
tifici & S. Maximo,) plus credendum est, quam
Cano 6.de locis cap. ultimo implacabiliter in-
feso Pontifici Honorio, ob contractam labem Mo-
nochelismi; & Combesio Cani accenso. Excus-
ationes verò Ioannis Quarti & S. Maximi pro
Honorio, tanquam leues, & ad depellendam ab
Honorio labem insufficientes, depellit Combe-
sius in tractatione pro actis 6. Synodi cap. 2. §.
3.& rursus c.3. §.3.*ad finem.* Contendit enim duos
illos Honorij excusatores, locutos tantum esse ex
fide

fide hominis scribæ, qui Epistolam Honorij exarauerat, & verbis Epistolæ sensum Catholicum ex mente Honorij subiciebat. Hoc pro leuiculo habet Cyriacus Honorij criminator, malens Cani sui imaginationibus inhærere, & Græcorum sedis Apostolicæ hostium imposturis, quàm honori vnius Romani Pontificis perfidè ac calumniosè grauati consulere; prout relictis dolis & malis artibus Græcorum, validè fecerunt Bellarminus atque Baronius, de cuius laceratione per hunc Cani optionem, postea.

Bonifacium VIII. multipliciter inhonoratum constat; sed à nullo atrocius de honestatus est, quam à Ptolomeo Lucensi Ordinis Prædicato. eidem affingente hæresim. Ait enim, Bonifacium scripsisse literas ad Regem Franciæ, quibus esse se dominum omnium & temporalium & spiritualium affirmabat; & contrarium tenere iudicabat hæreticom. At asserere, negantes Dominium vniuersale Pontificis in temporalia esse hæreticos, sordet errore manifesto; cui nec ipsi Pontifices adscribuntur. Debuit ergo Cyriacus iste, non adèò bibulas aures præbere vulgi rumoribus, apud quod is sensus de verè transmissis à Bonifacio literis illis quas tanquam Bonifacij retulit Ptolomeus, inualuit malignitate Petri de Flotte, Satoris Zizaniorum inter Pontificem ac Regem; & fabri Epistolæ illius, quæ Regem ad extrema quæque adduxisse dicitur. Videndus Spondanus anno Christi 1301. num. II.

Hæretici ad Pontificum subfannationem vix
aliquid

aliquid crebrius ructant, quàm narrationem de Ioanna Papissa; quæ cum esset sexu fœmina, virum tamen ementiens, in Pontificem electa est, quasi Eunuchus esset, vt glabra facies præferebat; sed ex turpi commercio vterum gerens, cum è palatio Vaticano procederet solemniter ad Ecclesiam Lateranensem, in via quadam per quam nullus deinceps Pontificum transiit, omnibus horrore infausti euentus perculsis, vterum exoneravit, magno cum dedecore Pontificatus; cui in posterum præcauendo, constitutum est, vt nemo eligeretur Pontifex, quin prius insidentis sellæ itercorariæ, sexus exploraretur. Primus orbi has merces intulit Martinus Polonus Ord. Prædicatorum, vt benè statuit Trithemius l. de scriptor. Sed est propudium fabulæ adeò malè materiatur, vt vix possit aliquid fingi absurdius: quod valide euincunt Onuphrius in additionibus ad Platinam cum de Ioanne VIII. Florimundus Remondus iusto opusc. Turrianus lib. 3. de dogmat. charact. & lib. 2. de Eccles. & ordinat. Ministror. Bellarminus l. 3. de Pontif. c. ultimo, & ex multis Coccius Tomo 1. Thesauri l. 7. art. 14. Et quamquam hoc commentum sit Pontificibus probrosum; proptereaque ante paucos annos, vix alia fabula crebrius ab hæreticis insonaret; tamen nuperrimè vnus inter sectarios diuini verbi minime diluti sed puri, propola, euulgato de hac re commentario, dedocuit suos errorem; & vt deinceps, Romanos Pontifices aliis telis impeterêt, & hoc vaniloquio abstinerent, omni ope contendit;

tendit : nauus extirpator Aconiti quod in horto Cyriacorum aduersus honorem Pontificum succreuit.

Apud solidè doctos , & pietatis infermentatæ studiosos, pro comperto habetur, fabulas omnino multas pro actis sanctorum obtusas esse : non modò ab hoc Martino Polono, quem *bonum simplicianum* indigitare liceat, sed etiam à Iacobo de Voragine, & Claudio à Rota Cyriacis, similibusque concinnatoribus *legendarum aurearum*, reuera *plumbearum*, vt Ludouicus Viues l. 5. de tradend. discipl. non sine stomacho pronunciauit, & annuit Melchior Canus Ord. Predicar. non vno loco, sed nominatim l. 11. de locis cap. 6. Verùm, hic ipse superciliosus censor nomine tenus Canus, vt Baronius ad annum 681. num. 31. de eo dixit,) omnem culpam huius dehonestationis sacrorum, in Pontifices refert, dicens; *eorum hac in parte prudentiam & diligentiam desiderari*. Itaque dormitant, vel etiam altè stertunt Pontifices, dum Canus solus vigilat; & inimico homine superfeminante Zizania fabularum, pro sacris historiis, socordes, (iudice quidem Cano) Pontifices, viam muniunt ad abrogationem fidei omnibus sacris historiis per cordatos faciendam. Hic sanè, modestia Cani in Pontifices ac prudentia desideratur.

Nec sapientior fuit idem Canus, in negotio stigmatū S. Catharinæ Senensis, quæ à Sixto IV. Ordinis Minorum abrogata, & soli S. Francisco adscripta; affirmat admissa à Pio I I. Senensi, quippè B. Catharinæ ciue. Videndus l. 5. de locis cap. 5.

Quàm addicti Pontificibus Cyriaci. 41

cap. 5. pag. mihi 320. quasi Pontifices collidere, & ex seculi ac carnis legibus moueri ad decernenda planè contraria, res sit flocci facienda. Quod subijcio Cyriacæ in Pontifices petulantia specimen, etiamnum calet.

Homo Germanus, simpliciter (vt mos gentis fert,) vulgarat conclusiones de virtute fidei, & iudice controuersiarum. Inter eas conclusiones, vna fuit, non esse de fide, hunc singularem Pontificem nunc sedentem, esse Christi Vicarium; quamuis de fide esse eum qui verè sit Romanus Pontifex, gerere Vicariam Christi in terris præfecturam, sit extra dubium. Conclamarunt illic fratres Cyriaci, contra eam, (vt vocabant) inhonorem Pontifici, imò iniuriosam assertionem; qua stante, periclitetur fides; & ruat Conciliorum autoritas (quibus accedat necesse est veri Pontificis confirmatio,) & omnium fidei definitionum quæ possunt Roma transmitti; vt latè confirmant Salmeron l. 1. in Paul. part. 2. disp. de Eccles. ante medium, Albertinus 3. princ. compl. coroll. 3. à num. 10. Azor, tom. 2. l. 5. c. 5. quæstiuncula 4. Comitulus 1. respons. mor. q. 99. & latè Iacobus de Broüüier toto opusculo cui titulus est *Clavis Apostolica*. Urgebant argumenta ab istis prolata vehementer Cyriaci, & Innocentium X. meritò retinentem Pontificiorum iurium, ac pacis Ecclesiæ; ablegatis doctrinis periculosis studiosum, in Miselli Teuthonis caput inflammant: transmissis è Germania conclusionibus quas per procætia Purpuratorum, opportunè importunè spargebant; vt

D

cœtui

cœtui cui Germanus ille conferebatur, inuidiam crearent. Sed dissimulabant, eam ipsam doctrinam, tam acerbè in Theutone notatam, tantæque in Pontificem iniuriæ ac periculi in fidei definitiones conuellendas insimulatam; fuisse explicitissimè traditam à multis suorum: quos inter Turcremata l. 4. summę de Eccles. p. 2. cap. 9. *ad finem* Caietanus 2. 2. q. 1. art. 3. ad 4. Canus 6. de locis t. 8. ad 10. & Banne 2. 2. q. 1. art. 10. in Prioribus Commentariis dub. 2. ad 2. Quorum sententia in libris ipsorum nitet, nec aliquid contra eam mussant Cyriaci: At in volatica charta Theutonici non Cyriaci, iuxta Fratrem Baptistam de Marinis, & emissarios eius, Pontifici inhonora, & iniuriosa est, fideique euersua.

Recidit gladio Apostolico Innocentius X. hydram Iansenianam è Bataucis paludibus in fidei Orthodoxæ cladem infelicitè enatam. Malè habuit Cyriacos ea Pontificis aduersùs Calvinum illum personatum sollicitudo; præfertim quia prædeterminationem, vel concuti, vel quassari visa est, ea decreti parte qua gratia sufficiens tanquam ad fidem pertinens admittitur. Qui enim gratiam sufficientem accipit, etiamsi reipsa non agit, tamen potest agere si lubeat; & tamen non accipit prædeterminationem, cùm qua liquet, exercitium actionis esse coniungendum. Inde ergo habetur, falsò iactari à Bannesianis, æquè ac à Iansenianis, prædeterminationem esse necessariam, vi subordinationis essentialis ad causam primam. Nam absque iis quæ requiruntur vi subordinationis

tionis essentialis ad causam primam; nemo potest agere. Vt si quis non haberet paratum concursum generalem, qui vi subordinationis essentialis requiritur, non diceretur potens ad agendum; quia deesset illi apparatus ex ratione creaturæ operantis necessarius. Idem ergo esset de prædeterminatione, si similiter ex vi subordinationis essentialis exigeretur, ut fert prædeterminatorum sententia: quæ proinde apertè colliditur cum assertione gratiæ sufficientis, definita tanquam ad fidem pertinente. Inde tanta Cyriacorum, pro Iansenio æquè prædeterminatore, & ut consequenter loqueretur gratiæ sufficientis inficiatore, Cacozelia.

Itaque non modò F. Ioannes Baptista Marinus, omni conatu egit ut damnationem tam pinguium errorum impediret, exquisitum capitilauium à Pontifice, eam ob causam lucratus: sed etiam post latum decretum inuentus est inter Cyriacos, qui ad quinque puncta damnata tegenda accurreret. Nihil affingo: Frater Cyriacus, astipulatus est Iansenio post latum decretum, quo quinque Cardinalia puncta, in quibus tota Iansenij causa vertebatur, pro hæresibus sunt damnata, post maturum & longum examen, dictaque causa, & auditis qui pro Iansenio è Belgio & Gallia Romanam conuenerant. Cum omnia viderentur fore pacata, præsertim in terris Pontificiis; quis enim auderet mutire in lingua sua, post tam grauem Pontificis definitionem? diceret S. Augustinus quod in simili dixit serm. 2. de verb. Apost. post acceptum ab Afris Romæ responsum; A SE DE

APOSTOLICA RESCRIPTA VENERUNT:
 CAUSA FINITA EST. Adderet illud quoque
 suum, *cælum tonat, rana taceam*. Attamen post
 tam solemnem à sede Apostolica definitionem,
 vbiuis & omnibus Catholicis acceptissimam,
 Romæ F. Nolanus, quod ei constitutioni illude-
 ret, à S. Maria supra Mineruam vbi Theologiam
 profitebatur, ad Turrin primùm Nonnanam, tum
 ad Tullianum, traducendus fuit. Quam sortem
 nactus esset Auenione F. Antoninus Reginaldus,
 simili ludibrio bullam contra Iansenistas latam,
 detorquens ad Iansenij indemnitate, nisi F. à
 Furno, ibidem de fide Quæstor, Iansenij & ipse
 Partiarus; (Quippè qui Iansenisticam Harlani
 concionem præfixo Iansenij cumulado elogio Ro-
 mæ approbat;) tutum fecisset sodalem; eadem
 erga Pontificem fide, qua bullam contra Iansenij
 errores, vbiuis in Gallia vulgatam, ne Auenione
 & in tribus Comitatus Venayssini Episcopatibus,
 pontificiæ ditionis euulgaretur, effecit. Hoc ipso
 mense Iulio anni huius 1655. Lutetiæ in cœnobio
 Cyriacorum quod est in regione S. Honorati,
 Theses ad disputandum sunt propositæ, quas Ian-
 seniana lepra contaminatas, Illustrissimus à Bal-
 neis Nuncius Apostolicus, vbi resciuit, supprimi
 mandauit. Sed cum Fratres proteruissent, & se de
 sententia deduci non paterentur, Idem Nuncius
 querelam deposuit apud Regni Cancellarium,
 cuius fortibus iussis, Iansenius inter Cyriacos ob-
 mutuit. E Thesisibus ad defendendum propositis,
 hæc vna erat. [*Ad merendum & demerendum, non*
requiritur

Quàm addicti Pontificibus Cyriaci. 45

non requiritur libertas à necessitate , sed tantum ab omni coactione. Neque contrarium definivit Innocentius X.] Atqui Innocentij X. in constitutione ad vniuersos Christi fideles , hæc sunt verba. *Tertiam Iansenij propositionem; Ad merendum & demerendum , in statu naturæ lapsæ , non requiritur in homine libertas à necessitate, sed sufficit libertas à coactione; HÆRETICAM declaramus; & uti talem damnamus.* Manda excogitari glossas Frater de Marinis. Verba sunt sole ipso clariora; & quod tui asserunt , damnatur vt hæreticum ; & quod negant id esse damnatum , reuincitur manifestæ malignitatis , & proteruiæ ad hæresim sufficientis ; cum Pontifex conceptis verbis damnarit propositionem à tuis Fratribus (bone Marine,) assertam.

Sunt ista de pluribus pauca , specimina inhonorationum quibus sedes Apostolica à Cyriacis est dehonestata. Argumentam autem quod huius Diatribæ principio adducebatur , ad persuadendum libros Cyriacorum ex hoc capite non debere esse censuræ obnoxios ; abit in fumum. Rectè quidem assumebatur , Cyriacos præ omnibus Catholicis , ac præsertim Religiosis , debere se agnoscere Pontificibus obnoxios; id enim euincunt singulares fauores , quibus sedes Apostolica eum ordinem præ aliis omnibus demeruit. Ipsos tamen tot fauoribus gratam semper vicem rependisse ; & factis , & scripto vulgatis assertionibus , honori Pontificum seruisse , securus inficior. In Concilio certè Basileensi , Euginius IV. legitimus Ponti-

fex, omnibus tectis notis deformatus est; ita ut hæreticus relapsus, & pertinax, sit declaratus. Cuius præsertim opera, edisserat *Æneas Sylvius* qui aderat. [Octo (inquit,) inter ipsos Theologos conclusiunculis approbatis quas *veritates* appellabant, earum copiam in orbem diuulgantes; quæ res circa medium mensis Aprilis initium suscepit, industria quidem ac solertia *Nicolai* cuiusdam *Burgundionis*, ex ordine Prædicatorum, viri acuti & longè maioris animi quàm corporis; qui nec disputationū nec congregationum aures vnquam personare omisit, donec res cœpta & consummata est. Nec illud asserere dubitarem, rem hanc intactam remansuram fuisse, nisi istius homuncionis diligentia Patres excitasset. Quem si quis videat, nunquam tanti existimet.] Homulus iste erat, sed *Cyriacus*, tantorum in *Eugenium* motuum excitator.

Non nemo item aduertit, hæresim Lutheranam, & stragem quam ea furia orbi intulit, infelicitè progerminasse, ex cupiditate nimia *Cyriacorum* omnia ad se trahentium, & gratia qua apud Pontifices valebant abutentium, ad improbidorum exacerbationem; ut in *Luthero*, *Stambisio*, ac *symmisticis*, liquidò est deprehensum. Sed quia in eo exemplo, nimius fauor *Cyriacorum* vnde exacerbatio *Æmulorum*, non tam prodiit à Pontifice, quàm à Cardinali *Moguntino*, Pontificis Legato; aptius erit exemplum *Ioannis XXII.* qui veluti *Iacob* senex, in suum *Iosephum* propensior, inuidia atque odij fomitem cæteris misstrauit.

strauit. Tanta inquam Ioannis in Cyriacos inclinatio animi, ita vt ab eis ad nutum circumageretur, quanta mala in Ecclesiam per illud tempus induxerit, nemo ignorat. Nam non modò Minores per Ioannem à Cyriacis concitatum malè habiti, sunt efferati; & Ludouico Bauaro adiuncti, multa mala Ioanni & Ecclesiæ inflammato per Michaëlem Cæsenatem & Ochamum schismate intulerunt; sed etiam quoad doctrinam, (extra negotium tamen fidei,) ea statui à Ioanne curarunt, quæ quidam Pontifices posterius resciderunt, haud magno Ioannis honore; alia verò scholastici, à Ioanne non nisi vt priuato Doctore statuta, & idcirco citra noxam, repudianda asseruerunt. Sic Ecclesiæ, & Ioanni Pontifici, qui Cyriacos deperire videbatur, profecit tantus in eos amor.

Iidem Cyriaci concreditū quæsitōrū de fide munus, tam dirè præter Pontificū sæpe numero mētem obierunt, vt populorū à Pontificibus abalienationē & Religionis à tam austeris ministris defensæ horrorem, planè multis ingenerarint. Pontifices enim (quemadmodum alij quilibet superiores,) mandata ministris suis præscribere possunt, dare prudentiam non possunt. Itaque homines claustris & vepribus Scholasticis assueti, rudes apicum iuris, & à sale quo omnia negotia vt prudenter obeantur condienda sunt, malè constituti, feralitate sua, simplices facillè percellunt, non absque graui Religionis detrimento. Quod in Hogostrato Cyriaco, seuerè notat Eleutherius Bizenus, & cum immani publici boni, & Eccle-

siasticæ hierarchiæ sauciatione deprehensum est, in inferiori Germania, cuius pleræque prouincias sola Quæditorum mentio à Catholicismo extorres fecit. Cumulat exacerbationem, quod plerumque Cyriaci stillam Pontificiæ Authoritatis qua imbuuntur, vertunt in exterminium eorum quos habent exosos; ita ut iactare soleant, eos qui in ipsos incurrunt, memores esse debuisse, prælongas esse S. Cyriacorum parenti manus; & (quod de SS. Mauritio & Antonio pridem auditum est,) neminem in eum impune peccare.

Nec prætereūda prorsus est plaga quam Cyriaci honori Pontificum inferunt, per iniustam persæpè librorū damnationem Romæ per eos factam vel curatam, de qua tot querelæ verbo ac scripto pridem insonuerunt ab hæreticis; nec rarò à Catholicis se iniuria oppressos videntibus. Nam cum omnes censuræ Romanæ quia fiunt per participatam Pontificis aūthoritatem, refundantur aliquatenus in Pontificem, probra à censuris malè irrogatis deriuata, honorem Pontificum sauciant; nec rarò exteros, à Catholicæ Ecclesiæ, (cuius caput est Pontifex) communione abalienant. Omnem porrò hanc culpam in Cyriacos esse referendam, perspicuum est, Nam vel ipsi ferunt censuram, ut facit pro potestate intra districtum Urbis Romæ, Magister S. Palatij; vel curant censuram: siue in tribunali S. Officij, Commissarius Cyriacus, & Collegæ item Cyriaci; siue in Congregatione Indicis Secretarius; qui item est Cyriacus, cuius est referre libros damnandos, & censores proponere.

nere. Et cum ipse Secretarius sæpè sit rudis bonarum literarum; (cuiusmodi fuit qui munus illud obiuit per annos plus quàm viginti F. Ioannes Baptista Marinus; de quo prælatus doctus, assererat, eum sibi esse perspectum iam ab annis octo supra viginti, & posse dubitare, an intelligeret linguam Latinam:) quid sperari potest à iudicio per talem Arcadicum opilionem intentato, cui adsunt qualificatores palpones, ad eius nutum parati quidvis audere ac præstare; velificantes ei per omnia, vt apud Pontificem quem ratione muneris secretarius frequenter adit, commendationem reportent, quæ illis via sit ad infulas, aliàmve pinguem sortem? Inde plerumque indigna librorum optimorum proscriptio; tantùm vt Frater Cyriacus exsaturet sua vel ordinis erga autorem odia: Sapientibus & Pontificum amantibus, ad sannas Allophylorum erubescantibus atque mœrentibus. Tange miser venas, & pone in pectore dextram F. Marine. In die iudicij, hæc in tuo capite faba cudetur.

DIATRIBA III.

Num Cyriacorum erga sanctos Calites obsequantia, sit eiusmodi, vt ex eo capite libris eorum debeatur immunitas.

AUspicabor ab ea quæ etiam in sua imagine, (vt Damasc. orat. 2. de imag. dixit,) sancta
D 5 sancto

sanctorum est; ab ipsa inquam Deipara ordiar. Hæc mater Christianorum, & mortales omnes sibi obærauit, & quod Hyacinthus Coquetius integro volumine est executus, immuneris beneficiis Ordinem Prædicatorum sibi oppignerauit. Quàm grati erga eam sint Cyriaci, & quàm afficiantur erga eius venerationem, hac breui ratiocinatione demonstro; quam fateor meam non esse, sed præstantis in paucis Theologi, Gregorij de Valentia 3.p.d.2.q.1.p.2.

Qui est pius erga B. Virginem, debet de ea sentire & loqui quàm honorificè potest, & quantum per Ecclesiam licet. Atqui Cyriaci, nolunt ita se gerere. Sunt ergo parum pij erga Beatam Virginem. Forma argumenti est legitima. Major est per se evidens. Quis enim cum censuerit pium, siue beneuolum, & benè affectum erga aliquem, qui si possit de eo benè sentire & loqui honorificè; idque absque errore & culpa vlla præstare possit, malit tetram aliquam labem ei inurere, & de eo loqui spurca aut indigna? Non puto fore hominem sanæ mentis; qui id inficiari possit, & maiorem illam propositionem rejicere. Minor non est minùs perspicua. Nam cum ingens decus Beatæ Mariæ sit, semper caruisse non modò minutalibus peccatorum, (quod est fide certum) sed etiam multo magis mortali peccato; cui, nisi deleatur, æterna damnatio iustè sit rependenda; quale est peccatum originis: cum item fas sit omnibus fidelibus, sentire, B. Virginem propter honorem Christi ex ea concipiendi, caruisse peccato illo mortali,

mortali, quod omnes in primo ortu contraximus; docente Ecclesia, in eo iudicio de Beata Virgine, nullum esse periculum erroris practici; & eadem Ecclesia ad sic sentiendum inuitante fideles, stipe indulgentiarum de sacro thesauro in eam rem erogata; & denique cum omnes vbique fideles, in eam existimationem magno studio ferantur: à solis tamen Cyriacis nunquam extorqueri potuit, vt vnanimem cæterorum de B. Virgine sensum, complecterentur. Et quanquam non semel, nec vno modo contusi sint ea de causa, populorumque zelo non secundum scientiam, fortunatum & corporum periculum, non infrequenter incurrerint, ferociæ multitudinis in Germania, Gallia, Hispania, Lusitania, & alibi ægrè subducti; nunquam tamen emolliti sunt; sed supra adamantem duri inflexique perstiterunt. Insuper Pontificum, scandalis prospicientium fortibus lupatis atque linguariis, nunquam ita frænari valuerunt, vt cessarent plebem fidelem hac in parte perturbare; non verbo tantum in concionibus & priuatis colloquiis, in quibus multatam perpetuo silentio opinionem suam de maculata conceptione serere vetabantur; sed etiam scriptis libris in lucem publicam datis. Exemplo esto; Frater Antoninus Reginaldus, qui opus virulentum contra immaculatam Dei- paræ conceptionem, factum horrendis in Deiparam iniuriis, & à capite ad calcem refertum mendacibus allegationibus, aut perversè detortis sententiis SS. Patrum; ausus est Tolosæ nuper prælo subicere; nihil veritus Romana interdicta toties iterata.

iterata. Quod dixi eum librum horrendis in Deiparam iniuriis sordere, non est quod censeatur dictum per amplificationem. Nam non modò peccatum originale B. Virgini tribuit, quæ sanè magna labes est, ac si potest non tribui, (vt sanè potest;) abstinendum eius irrogatione fuit: sed etiam: Pag. 15. tradit, *B. Virginem usque ad momentum Incarnati in ea Verbi, fuisse contaminatam peccatis actualibus* pag. 77. ait, *B. Virginem fuisse succensam fomite peccati*. Et pag. 33. dicit *æstu flagranti carnalis concupiscentie arsisse & omni vitiorum sorde fuisse maculatam*. Pag. denique 67. tradit, *B. Virginem in peccatorum puluere fuisse conculcatam*. Vah scelus! Et quæ tantum libri spectentum inferna vomuerunt? Continentur ea propudia, in libro auctoris Ord. Prædicatorum; cui nomen siue verum, siue prætentum *F. Petrus à Vincentia*. Eum librum (vt dixi,) edidit F. Antoninus Reginaldus, qui priùs inter reformatos ordinis sui degens, postea abiecit reformatioem, dedignans aliena viuere quadra. Et quanquam non prorsus inanis dubitatio plerosque pullauit, essetne id opus fabrefactum de nouo à F. Reginaldo, an verò esset compendium, siue Lacinia maledicti operis per Vincetium Bandellum olim contra Deiparam editi, & à Sixto IV. variisque iam olim Pontificibus sub anathematis pæna suppressi; tamen in eo vel edendo vel recudendo, operam F. Reginaldi interuenisse, fuit exploratum: nec ipse inficiari potuit. Et idcirco iudicio supremæ inquisitionis Romanæ multatus est. Beneuolentia tamen & conuiuentia

F. Ioan

F. Ioannis Baptistæ de Marinis, ad quem correctio tantæ temeritatis & audaciæ spectabat, fertur stetit in suo gradu ad finem usque temporis præfixi ab ordine, obeundo muneri quod gerebat, calcato sacrorum Quæditorum iudicio.

Attexenda est huc loco insignis exclamatio F. Vincentij Candidi Ord. Prædicat. S. Palatij Apostolici Magistri. Is cum ad se delatum esset, ad exorandam cudendi facultatem, opus R. P. Hippoliti Maraccij Ord. Clericorum regularium Matris Dei, cui titulus est *Bibliotheca Mariana*; ubi vidit tot in eo opere signari autores pugnant pro nitore conceptionis B. Virginis, & eius immunitate à peccato, sublato in altum clamore, *Eia* (inquit) *tot autores pro immaculata? At quid hoc? Et quorsum tantoperè extollere eum titulum? Etiam bestia concipiuntur sine peccato originali.* Quis loquitur? aut ubi tam bestiales voces funduntur? Romæ, Magister S. Palatij, tale spurciloquium emisit? fuit qui his auditis reponeret, hunc grúnnitum, geminum esse eius, qui auditus est à Manicheis, teste D. Augustino, cum virgerentur à Catholicis, quod nullas haberent sacras Virgines, sicut habet Catholica Ecclesia. Reposuerunt enim; *Quid hoc? Etiam mula, virgo est.* Indignè dictum; dignè repositum. Nec est opus Apodosi; cum per se liqueat. Quis crederet, hominem effatæ iam ætatis, primario munere literario in Pontificia aula fungentem, cum aureis mille quingentis annui census; in speciem verò adeò pium, ut cuicumque ad eum venienti, suo pte

nutu ad pedes osculabundus accideret ; de matre Dei, adeò inuerecundè loqui potuisse, vt cogantur tantæ matris amantes erubescere , & contestari ; nolite annunciare in Geth , neque audiat in compitis Ascalonis. Doleo quod tantum turpiloquium , scriptor insignis , suæ pro Deiparæ conceptione tractationi immiserit. Quid enim apud hæreticos excusabimus , si talia Romæ , à tali viro , de matre purissima , objiciant esse effutita? Continens est huic impietati, quod indubiis testibus compertum est , fuisse ibidem Romæ gestum, per F. Gregorium Donatum Ord. Prædicatorum, Socium Magistri S. Palatii : qui iussit expungi ex opere ascetico Ludouici à Ponte, titulum illum *purissima Mater* ; qui in Litanis Lauretanis Auctoritate Pontificum probatis, & per vniuersam Ecclesiam summa consensione vsurpatis, insonat. Sic obseruant, & colunt Cyriaci, matrem honorificatam.

De eadem B. Virgine , F. Franciscus Combefis ad orationem S. Germani in mulieres vnguentiferas, &c. sensit incongruè, cum refodit antiquatam & pridem sepultam aliquorum opinationem de B. Mariæ infidelitate , tempore mortis Christi. Quam insulstatem ab se cõdiri sufficienter putat, dicendo, B. Virginem laborasse tantum infidelitate *negatiua* , quæ sita erat in sola inconsideratione , ab absorbente dolore : ita Deo permittente , ad auctiorem cruciatum, ac meriti cumulum ; sic enim *negatiua huiusmodi infidelitas* , videri posset nec Mariam dedecere, per quam illa Oeconomiam suam , ac Mar-

tyrium

tyrium suum accerbissimum compleret. O bone, neque hæc infidelitas congruit B. Mariæ; cuius vi-
uam per illud tempus de filio breui resurrecturo
fidem, celebrant plerique Patres; & ad vnum
omnes scholastici. Videsis quæ habet Suarez t. 2.
3.p.disput.4. sect.4.3. *sub finem*, & Canisius l. 4.
Marial. c.28. Neque verò eguit Deipara nubilo
illo, vel turbido statu infidelitatis, non recogitan-
tis præ doloris immanitate, quæ recogitari oport-
tebat. Nam absque eo turbido statu, sat ei ango-
rum ad Analogicum martyrium fuit. Meritum
verò decreuisset potiùs in ea, sublato eo fidei exer-
citio, quod ad præcellens meritum ex fide & spe
resurrectionis filij, præluceret. Itaque potiora de
Virgine cogitemus.

De S. Paulo Apostolo, sic scribit F.Nicolaus
Iansenius, in Apologia pro Bzouio; *Licuisse S.*
Thoma, vt à magistrorum sententiis velut ad verita-
tis semitam declinaret, nulli videbitur mirum; qui
exponderit, hunc virum sanctissimum, electum esse,
cui tribueret calum, thesauros sapientiæ Dei; cui
Spiritus sanctus ad aurem insideret; cuius scholam
ingrederetur Paulus; quem ipse Christus securum
esse doctrina sua inheret. Ambiguum videri potest,
an hic Encomiastes, velit S.Paulum ingredi scho-
lam S.Thomæ, vt discipulum & auditorem, an
verò vt Magistrum in S.Thomæ schola docentem.
Si hoc secundum dicat, fatendum erit, S.Thomam
esse Doctorem Canonicum; cui eadem fides ha-
benda sit, quæ S.Paulo dicenti haberetur. At hoc
non modò delirum est, sed etiam hæreticum. Ita-
que

que restat, ut significare voluerit, id quod potius ferunt verba eius; nimirum S. Thomam electum esse, ut ipsum quoque S. Paulum doceret. In quo hic Encomiastes æmulatus fortè est S. Chrysostomum in c. 3. ad Ephesios, quum dixit, S. Paulum ipsos quoque Angelos docuisse. Sed hoc per hyperbolem à S. Chrysostomo de scriptore Canonico & Angelis prolatum, (nec sine grano salis accipiendum, ut fusè differit Benedictus Pererius in aditu Commentariorum in Ioan. disput. 8.) non fuit trahendum ad Theologum qui non sit supra hominem; cuiusmodi sanè est S. Thomas; quidquid importunè absonus ille panegyristes coaxet,, haud dubiè Sancto Thomæ in cælo parum gratus; quandoquidem ibi nunc perspectissimum habet, quale hîc in his tenebris fuerit imperfectum suum. Itaque nullo modo probat, suas scriptiones præponi, vel etiam æquari scripturis Canonicis: Securus modestiam D. Augustini, qui demissè agnoscebat epistola 18. & 1 x 1. & l. de dono persever. c. 22. & 23. ac l. de natura & gratia c. 6. suos libros longè inferioris notæ esse quàm Canonicos, & idcirco retractationi & erroribus fuisse obnoxios. Indignum est ac nimium absurdum, in hac S. Pauli & S. Thomæ comparatione, hærerè. Quis enim fuit S. Paulus quoad sapientiam, ut cætera decora, eius nunc premam? Nempe ex Theodoretò dialo. *inconfusus*; *Magister Magistrorum*. Ex Nysseno initio homiliæ de occursu, *Celestium rerum sensu, sapientia atque intellectu sublimis, solita divinitus rapi mens, à Christo moveri consuecta lingua, pulcherrimus*

cherrimus velociter atque celeriter exarantis scribe calamus, qui eleganter Ecclesia conscripsit, placita, atque dicta veritatis. Ex Chrysofomo homil. 4. de laud. Pauli. *Mare sapientia purissimum ac profundissimum.* Homo vbique extollens profundissimam Pauli sapientiam, frustra ex vno aut altero loco defloraretur. Videnda Simonis Magistri ex Chrysofomo hinc inde contexta laudatio, inserta Balthazaris Ezelij florilegio, homil. 161. 30. Et quæ de Pauli rara sapientia addensat suis in Pauli Epistolas prolegomeris c. 3. Cornelius à Lapide; Nominatim ex Eusebio l. 3. Histor. c. 24. Paulum asserente *Cæteris Apostolis eruditiorẽ, qui doctrinam Dei in schola paradisi, discipulus hauserat.* Hanc Christianæ sapientiæ Abyssum, tubam Euangelij, rugitum Leonis nostri, flumen Eloquentiæ Christianæ, non verba sed tonitrua fundere solitum Doctorem, iuxta Hieronimum epist. 61. in sua schola auditorem ac discipulum dici, illubens auribus audit nunc in cœlo, doctus à Domino, S. Thomas.

S. Stephanus plenus gratia, & cuius sapientiæ ac spiritui qui loquebatur, resistere nequiverunt Sinagogæ Doctores, in ea ipsa disputatione luculenta, ad cuius finem S. Leuita obuersatus Iudæis est tanquam vultu Angeli stantis inter illos; hic inquam tantus Christi pugil, & dux acierum purpuratarum Ecclesiæ, à F. Melchiore Cano l. 2. de locis c. 17. admodum irreuerenter habitus est, & erroris insimulatus, ob nonnulla quæ Fraterculus iste eodem libro cap. 6. *in fine* per modum ar-

gumentantis contra virum sanctum retulerat: ex mente autem sua excutit dicto c. 17. *ad finem*. Dimittamus verò, quod circa 75. animas cum Iacobo Ægyptum ingressas, post argumentum contra D. Stephani narrationem propositum, reliquit Canus insolutum, quasi inexpedibile & inextricabile; anceps an Stephanus eam narrationem ex Spiritu Dei pronuntiarit. Nihil hîc in S. Stephani narratione reprehendi iure potuisse, Delrio Genes. 46. ad v. 27. commodè demonstrat. Illud item dimittamus, de translatis in Sichem Iacobo & Patriarchis, iuxta Stephanum: quod Canus Iosephi Hæbreorum antiquarij summa (scilicet) autoritate à se lib. 11. c. ultimo solidissimè stabilita, conuellit. Saliano tamen de Iosephi mendis notandis sollicitissimo, nequaquam persuasit Canus, S. Stephani auctoritatem cum Flauij Iosephi fide, à prudente Theologo potuisse committi. Neque sanè aliquid est in B. Stephani assertione, quod non possit solidè expediri cum Sancio Actor. 7. ad vers. 16. Itaque hoc quoque dimittamus.

Sed quod Canus, S. Stephanum aperti erroris à se reuictum putat, cum dicit Abrahamum emis-
se sepulchrum à filiis Emor filiis Sichem, quod à Iacobo non à Patre factum ex Genes. 33. liquet; ac proinde quod Canus S. Stephanum in longa narratione eadèmq; subita, impegisse contendit; non tantùm confundendo nonnulla atque miscendo, sed etiam per lapsum memoriæ, secus quàm se haberent, referendo; hoc sanè meritò Delrio

Quàm Observantes Celitum Cyriaci. 59

Delrio in c. 23. Genes. ad vers. 20. censuit intolerabiliter scriptum a Cano ; (Et quidem in D. Stephani cœnobio quod incolebat.) Sed D. Stephani verba optimum ac verissimum habere sensum demonstrat idem Delrio , suffragantibus Salmerone tomo 1. proleg. 9. can. 49. & tract. 23. in Acta Apostolorum, Benedicto Pererio ad idem cap. 23. Gen. disp. 2. Ludouico à Tena l. 3. Isagoges difficult. 9. sect. 6. Sancio Actor. 7. ad dictum versum 6. Lorino atque Corneliò ibidem. Præstitisset sanè cum Mariana , ad eundem locum Actorum , demissè inscitiam suam fateri ; quàm adeò fœdè perstringere hominem , in quo spiritus loquebatur. Nec refert quod idcirco scripturæ Canonice veritas, (vt Canis ait,) non periclitetur ; quia Lucas qui solus in historia B. Stephani est scriptor canonicus, retulit simpliciter quæ dicta erant à Stephano ; vnde verè scripsit Stephanum talia narrasse ; etiam si quæ narrarat Stephanus , falsa essent : sicut idem Lucas , verè scripsit , Iudæos dixisse de Christo, *Demonium habere* ; quamvis hoc dictum Iudæorum, falsissimum esset atque blasphemum. Similiterque Iephte Iudic. 11. & Achior Iudith 5. verè referuntur dixisse quæ errantes dixerant ; ille de possessa ab Hæbreis per annos trecentos terra ; hic de filiorum Israël commoratione in Ægypto per annos quadringentos. Quæ *μνημόνηκα ἀμαρτήματα*, in externis res Hæbreas narrantibus dissimulanda , impingi Stephano , homini Apostolico quo loco à sapientia & loquente per etiam diuino spiritu coram Christi hostibus commendatur ;

ferendum nullo pacto est, nec ab alio inter Catholicos, quàm ab infrunito Cani calamo exarari potuit. Et quod verecundè se de tanto viro quantus Stephanus erat, talia scribere profitetur, rectè haberet, si pudor, in adeò pudendum de sancto sermonem prohibuisset erumpere. Sed sic verecundè proscinduntur sancti, in libris Cyriacorum.

Aiebam superiùs, S. Thomam non admissurum (si adesset,) fatuam sui cum B. Paulo comparisonem. Securus item confirmo, S. Thomam reiecturum (si adesset,) eam aliam Hieronymi Vvielmij tract. pro scriptis S. Thomæ, iusto auctiorem auxesim; qua ait; *Concilia Oecumenica, S. Thomam, cuius veterum Patrum, parem auctoritate fecisse.* Cedo, quæ sunt illa Oecumenica Concilia, S. Thomam Patribus æquantia. Nam Patres, quam auctoritatis arcem in Catholica Ecclesia obtineant, dubitare non sinunt Vincentius Lyrmenis c. 40. Common. Anastasius c. 7. *ὁ δὲ* Cæsarius Nazianzeni Germanus dial. 1. ac Campianus ratione 5. Aliquem ergo posteriorū doctorum æquare SS. Patribus, temeritatem respicit. At multo plus processum est, à parum sobriis S. Thomæ laudatoribus. Non mea, sed Dermitij Thadæi verba subjicio, pag. 35. *Bzonii expositulari.* [Audiui ego virum sanè grauem instituti Dominicani, & alioqui Doctum, qui ita visionem Ezechielis explicarit in laudem D. Thomæ, ut quatuor animalia, quatuor esse Ecclesiæ Doctores, Ambrosium, Augustinum, Hieronimum, Grego

Gregorium intellexerit : in similitudine verò hominis quæ firmamento extaret, D. Thomam intelligi debere dixerit, tãquam altius in veritate inuestiganda progressum , maiorisq; autoritatis. Vidi & currum quemdam typis efformatum, in quo primum eum post Canonicos autores , locarunt inuentores, singulis prælatum Patribus. Non defuerunt qui Augustino præferendum, suis in thesibus proponerent.] Papæ ? quanta est hæc in SS. Patres reuerentia. Mirabamur , D. Thomam æquatum Patribus; nunc prælatum audimus; nec qualibuscumque Patribus , sed primi ordinis , cuiusmodi est S. Augustinus Doctorum aquila , cui hætenus omnes Theologi assurrexerunt , & fasces submiserunt.

S. Hieronimi Doctoris Maximi , diuinitus prouisi , (vt Ecclesia ipsa ait,) tanta est apud omnes Catholicos , authoritas , vt Augustino teste l. 1. in Iulia. cap. 7. *ab oriente usque in occidentem, velut Lampas fulgentissima resplenduerit.* Quod aliter dixit Cassiodorus l. diuin. lect. c. 20. *ad instar solis ab oriente, eius nobis lampauit eloquiũ;* Nec aliter Cassianus 7. de Incar. c. 26. *Hieronimus Catholicorum Magister, cuius scripta per vniuersum mundum velut lampades diuina rutilant :* Doctorem Doctorum , vocat Ioannes Sarisb. 7. Polycr. c. 10. longum fuerit , flores elogiorum quibus S. Hieronimus semper ab omnibus Catholicis exornatus est, vel summa manu decerpere. Quid tamen Cano facias ? solus inter Catholicos Canus l. 11. de locis c. 5. pag. mihi.

§ 87. Hieronimum docuit sapere ; dicens , non debuisse Hieronimū, tantoperè ridere, quæ ridēda non erant ; & plerūque fuisse eum Capitosum , & in fide adhibenda morosum , subiecto hoc epiphonemate , *credulitas etiam in optimi cuiusque mentem, facillimè irrepit. At viri quadam excellentes cum à vulgi facilitate & credulitate declinant , in aduersum quandoque vitium incurrunt, suntque tum etiam increduli , cum in fide nihil est vitij , in credulitate vitij nonnihil est.* Itaque tantus vir effugere non potuit molares Cani, sategentis mentitionem impingere S. Augustino Epistol. 30. asserenti , Hieronimum Catholicis omnibus peruenerabilem, à solis hereticis lacerari.

S. Ioannem Chrysostomum , posteriores omnes non minùs ab vitæ Sanctimonia suspexerunt, quàm Libanius ab eloquentia. Anastasius. VII. hexacim. *Christi flunium* appellauit. Theodore-tus dialog. 1. *magnum orbis lumen admiratione dignissimum Doctorem*: Isidorus Pelus. l. 2. episto. 42. *Ecclesiarum omnium oculum* ; Proclus, & Leo sapiens , integris Encomiis eundem , Dei hominem exornarunt. Longè aliter de eo loquitur , per omnia Cani Æmulator ac buccinator, F. Franciscus Combefis ord. Prædicat. in Historia hæresis Monthelit. §. 14. *in fine.* Agitat ibi quæstionem , cur S. Chrysostomus non sit honestatus titulo *Martyris* , cum ex Ærunnis obierit ; quod ad Martyrium sicca licet in speciem morte sufficere, docet S. Audoënus in actis S. Eligij : & constat ex S. Martino I. & Syluestro , quibus quod

Quàm Observantes Celitum Cyriaci. 63

quod Ærumnis confecti pro causa Dei finissent vitam , delatus est Martyrum cultus. Ad hoc dubium respondet F. Combefis; idcirco Chrysostomum non esse pro Martyre habitum, quia vexatus est , *nulla fidei mota questione , ac plerisque Eudocia talibus , ut vel dissimulari , vel lenius haberi potuissent , quàm ut tantam viro Sancto conflarent invidiam. Quo factum est , ut vix tandem ipsius nomen in Episcoporum saltem ordine potuerit recipi ac referri in Diptychis , tanquam eius qui fuisset Sacerdotio exactus ab Episcopis.*

Prima verba superciliosi huius censoris ruditatem præferunt, qui ignorare videtur, ad iustum Martyris titulum , etiam in foro Ecclesiæ , sufficiore mortem appetitam ob aliquam veritatem reuelatam, etiam nulla fidei mota questione; alioqui S. Thomas Cantuariensis , & Engelbertus Colonienfis , & Stanislaus Cracouiensis, ipsæque Christi Baptista, è Martyrum albo essent expungendi. Et ita disertè S. Thomas 22. q. 12. artic. 5. Et optimè Lanfrancus apud Edinerum. in Anselmo , differens pro S. Elphegi Martyrio.

Quæ postea ab hoc Cyriaco addebantur, exhibent S. Chrysostomum , ut hominem inconsideratum ac admodum imprudentem , & feri asperique ingenij ; qui nesciuerit dissimulare quæ dissimulanda erant, aut asperè egerit , ubi lenitas adhibenda fuisset. Hæc si vera essent , S. Chrysostomus , non modò titulo Martyris excideret; sed etiam titulo viri probi , & benè compositi , de

cuius salute æterna ambigi posset. Nam qui sibi sua temeritate & imprudentia, asperaque rusticitate tantam conflat inuidiam, vt idcirco vita priuetur; cum posset mortem, suauiter ac prudenter agendo declinare; profectò Biothanatus, & vltro in mortem ruens, haberi debet. In quo vitæ statu quisquis moritur, indignus est qui cælū subeat, vel viris iustis annumeretur. Oporteret ergo comminisci, S. Chrysostomum ante obitum, temeritatis illius suæ ac inconsiderationis & asperitatis, ac profusionis linguæ, dignos pœnitentiæ fructus fecisse; quod est falsissimum, & voluntarie confictum.

Subiiciebat denique idem S. Chrysostomi Aristarchus, eam linguæ intemperantiam, & in concionibus acerbiteratem, atque Cōsiliij ac prudentiæ expertem rusticitatem, in causa fuisse, tardæ relationis Sancti viri in sacra dypticha; & diuturnæ exclusionis ex albo Episcoporum; eo quod ob eam linguæ solutionem, sacerdotio ab Episcopis exautoratus esset. Hoc indignissimè contra virum Sanctum adducitur, & per crassam ignorantem Ecclesiasticæ historiæ. Nam qui tricati sunt circa S. Chrysostomi relationem in Dypticha, non fuere nisi discoli & rebelles lumini, ac diem hominis desiderantes; Romanus autem Pontifex Innocentius I. qui tunc sedebat, longè aliter segeffit: quandoquidem statim atque sancti viri mortem anno 407. foeliciter appetitam audiuit, nomen eius in dipthycha referri mandauit. Nec communicare voluit cum S. Ioannis aduersariis,

Quàm Obseruantes Calitum Cyriaci. 65
uersariis , nisi nomen eius in diptycha refer-
rent, vt scribit in historia sua Theodoretus l. 9.
c. 34. Verum est , vsque ad Theophili Alexan-
drini obitum, aliquos huius antesignani hostium
Chrysostomi partiaros , cunctatos esse nomen
Chrysostomi in diptycha referre. Tamen statim
à morte Theophili; omnes remoræ circa illius
relationem in album Episcoporum sanctè defun-
ctorum , sublatae sunt, dante manus, etiam Cy-
rillo Alexandrino, Theophili nepote; per visum
detructo , ne patris vestigiis ea in parte insisteret
vt est apud Nicephorum l. 14. à c. 26. & cap.
53. Igitur causa non inserti in diptycha per ali-
quod tempus nominis S. Chrysostomi, non ea
fuit quam assignat Combefisius; Nempe *solutior*
S. Chrysostomi lingua, & intemperatus zelus in
Eudociam, quibus maculis pessimè grauatur san-
ctissimus præco veritatis, & peruersè, tanquam
merito propterea exautoratus, traducitur. Sed
vera causa fuit, Theophili superbia, qui docente
Georgio Alexandrino in Commentario de vita
Chrysostomi, ferre non poterat, quemquam suæ
arrogantiæ non cessurum, promoueri in Episco-
pum, sed solos minùs habentes, ac remissi ani-
mi, nec magni ingenij, volebat creari Antistites.
Vnde cum S. Chrysostomum conatus esset exclu-
dere ne eligeretur Episcopus Constantinopolita-
nus, & potenter repressus ad Eutropio præfecto,
coactus esset dare manus, & admittere Ioannē
electum in Episcopum Regiæ vrbis; agnoscens
hominē magni animi nequaquam passurum in-

corè sibi subiici ; insidias illico illi struxit , nec cessauit qua pollebat ingenij Vafritie, variisque indecoris Episcopo artibus ; donec S. Ioannem exturbaret ; & retinens irarum in defunctum, per se ac suos egit , ne in sacra diptycha referretur ; adactus viro Sancto supplex accidere in extremo Agone , quousque eum in oblata imagine veneraretur , in summis angoribus protracto. Et tunc cessante quoque peruicacia partiariorum Theophili Alexandrini, & malignitate in virum optimum diuini honoris retinentissimum , ab ijs concepta quorum Deus ossa dissipat, quia hominibus placent , vir Sanctus in diptycha , non in occidente solùm , sed etiam in oriente est relatus. Cur autem Ecclesia S. Chrysostomum titulo Martyris non honestarit , inde peti ratio potest , quod cum non planè liqueret de morte à sancto viro per vexationes quas sustinuerat appetita ; & aliunde honor Arcadij & Eudociæ parentũ Theodosij Iunioris piissimi Imperatoris , tunc rerum potentis , non esset absque euidentiſſima causa , per eum titulum S. Chrysostomo delatum laceſſendus , satius viſum est , nomenclatione ad beatitatem viri sancti celebrandam non necessaria abſtinere. En igitur quàm immeritò Cyriacus , naso adunco Sanctiſſimum Antistitem nullo satis præconio extollendum , suspendit.

Si quæretur causa tantæ concitationis in tam erimium Doctorem ; Respondetur, quia S. Chrysostomus sustulit prædeterminationem ; negans homil.

Quàm Obseruantes Calitum Cyriaci. 67

homil. 12 in Epist. ad Hebræos, *Deum nostras præuenire voluntates, ne nostram temeret libertatem: Et ut ait homilia 26. in Ioannem, non adactione, sed sola suasionem, nobiscum agere: quod Cyriacis est effatum intolerabile, & pugnans cum Supremo Dei dominio. Item S. Chrysostomus, admittit scientiam futurorum sub conditione, & ea utitur in negotio salutis humanæ; quod Cyriacis est Pelagianum; quia facit Deum dependentem ab hominē. Chrysostomum autem, eam scientiam Deo tribuisse, patet ex homil. 65. in Matth. ubi ait, Deum vocare alios seriùs, alios citiùs, quia videt, tunc tantum obtemperaturos; additque, [quod & Paulus apertè significauit dicens, quando autem visum est Deo, me segregauit ex utero matris meæ. Quando autem visum est? Quando certè obtemperaturus erat: Nam ipse, (Deus,) à primis etiam incunabulis voluisset: sed quia illum renixurum sciebat, tunc voluit, cum animum ipsius, penetraturam vocationem non ignorabat. Sic & latronem, cum postea: vocauit; potuisset antea ipsum vocasse; sed vocatus ille non paruisset. Nam si Paulus ab initio non paruisset, multo minùs ipse latro.] En duplex venenum Doctrinæ, in Chrysostomo iuxta Cyriacos. Nam & negat prædeterminationem diuinam; & agnoscit, scientiam futurorum sub conditione, esse Deo vsui in negotio salutis humanæ. Vtrumque Cyriacis est detestabile. Hinc illæ lacrymæ in Chrysostomum, & dura de eo Combesij iudicia.*

Æquè,

Æquè , idem Frater §.14. eiusdem historiæ Monothelitarum, manus iniicit in S. Martinum. [Damnans eum nimix rigiditatis, & acciti sibi eam ob causam , interitus. Ediderat siquidem Constans Imperator edictum , cui nomen *Typo*; quo præscribebat dimittendas voces vnius aut duarum in Christo operationum. Hoc iusto rigidiùs accipiens S. Martinus, (ait F. Combefisius,) Authorem typi Paulum Constantinopolitanum exautorauit ; nihil veritus iram Imperatoris, qui Typum ad bonum pacis euulgandum edixerat, atquè comprobarat. Potuisset ergo S. Martinus, typum benignè interpretari, tanquam indicens vocum duntaxat silentium; non autem professionem vnius aut geminæ in Christo operationis. *Qua* ratione SS. Basilius & Gregorius Theologus (vt refert Ioannes Constantinopolitanus Episto. ad Constantinum Papam (num. 4.) indulserunt Macedonianis, vt Spiritum sanctum non dicerent Deum in actu signato ; dummodò re ipsa non excluderent eum à Deitate. Nullam talem indulgentiam circa typum & typi defensores, admittere volens S. Martinus; aduocauit in se eam molè ærumnarū, qua oppressus est; cum potuisset, vócbus solis abstinens, & logomachiam tunc vigentem dissimulans, quietè degere; & non modò sibi consulere euadendo vitæ discrimen cui succubuit ; sed etiam Ecclesiam non turbare ; quod fecit , duriùs accipiendo quæ mitiùs accipi poterant ; & verò debebant, ad tot malorum declinationem. Sic Combefisius.

At

At hoc est ponere in cælum os suum, & sanctissimum Pontificem, cuius labores impij abstulerunt, de quiete sepulchri, imo & cæli extractum, grauare peruersissimè ac indignissimè. Et in primis, si Cyriacus cõsequenter loqui velit, tenebitur negare S. Martinũ 1. fuisse verè martyre: quod tamen S. Audoënus in Eligio, & Ecclesia in suis tabulis ac Kalendario, agnoscit. Imo recurrit hìc argumentatio facta pro S. Chrysostomo. Nimirũ quod cõsequenter ad hanc suam assertionẽ, aduersarius teneatur, S. Martinum cælo exturbare: cum statuatur, eum grauiter peccasse turbando Ecclesiam; & per suam rigiditatem ac imperitiam, in se deuocando eas procellas quibus obtritatus est. Nec penituit eum tam infœlicis modi agendi, atque rigiditatis, dum superstes esset. Vnde enim habetur, quod de tam inconsulta asperitate tandem doluerit; vel quis eius ante obitum retractationẽ signauit? Itaque iuxta aduersariũ, S. Martinus periclitatur excidere, non modò Martyris, sed etiam iusti ac cælitis titulo. At hoc est supercilium, non in Religioso tantum, sed etiam in Christiano, intolerabile. Quis enim ferat asserentem, sancto Pontifici obrepisse hallucinationem in re tam graui; vt impietatis vnã cum Concilio secum adunato, damnarit Typum, cuius alia reuera esset intelligentia, sceleris vacua? Eadem porrò falce improvidus iste Terestes, succidit Gallos Antistites; qui vt est in actis S. Audoëni, Typum eodem modo intellexere, quo S. Martinus. Quæ ergo audacia vel etiam impietas est,

est, tanto post, nouum sensum Typi obtrudere, quem tot sancti Antistites tunc Typum excutientes ignorarunt? Et S. Martinum cum Concilio Romano cui præsidebat, vnâque Gallos Episcopos Italiam suffragatos, insimulare barditatis & asperitatis; qui pronunciauerunt Typum damnabilem esse, cum reuera non esset damnabilis? At non fuerunt suffigendi Cornicum oculi, nec S. Martinus, diiudicator legitimus sensuum propositionibus fidem spectantibus subiectorum, fuit aded temerè de possessione arcis authoritatis suæ exturbandus. Superioribus annis, pruriginosus quispiam, induxit in animum demonstrare Cassianum fuisse ab erroribus quos eis S. Prosper impegit, immunem; eo quod verba Cassiani, possent in sensum Catholicum detorqueri. Ex quo sequebatur, Gelasium I. qui in Synodo Romana Prospero suffragatus fuerat, & Cassianum improbarat, cæcum à Cæco, actum esse in foueam, eo quod non perspexisset sensum bonum, qui adhibita machina nouæ interpretationis ex Cassiani verbis erui poterat. Sed huius tam seri Interpretis verborum Cassiani, machinatio dissecta illico est à sapientibus; illud præter cætera opponentibus; Cassianum ipsum cum Prosperi in se scripta vidisset, (vt refert ipse met Prosper initio Epistolæ ad Ruffinum: indoluisset quidem, non tamen causatum esse irrogatam sibi imposturam, per sensus reprobis subiectionem, factam verbis suis, Catholici sensus capacibus. Haud aliter explodendus est, nouus hic, post tot sæcula Typi interpres, Luscositatis

vel

vel cæcitatæ damnans S. Martinum, & tot in Italia & Gallia ei assensos Antistites; vniuersamque deinceps Ecclesiam S. Martino suffragatam in rejectione Typi tanquam pestilente hæresi, sordentis; nec duntaxat indicentis silentium indifferens, de paucis vocibus, vt Cyriacus somniator comminiscitur.

Quamquam & ipsum quoque silentium certarum vocum, meritò sæpè improbatur; quia ore confessio sit ad salutem; nec Ecclesia quantumcumque annitentibus Imperatoribus Ario studentibus, tulit abrogationem vocis *Homousiom*. Et ringentibus licet sacramentariis, retentam voluit vocem *transubstantiationis*; & voces Epice-
nas, hæretici simul ac Catholici sensus capaces, in suum vsum nunquam admisit. Absit verò vt cum Ioanne Constantinopolitano corruptæ fidei homine, admittamus; SS. Basilium & Gregorium Theologum, indulgisse Macedonianis vt spiritum sanctum non dicerent Deum. Hanc peruersam indulgentiam, Sanctissimi illi atque doctissimi Antistites numquam sunt elargiti. In Cardinalibus enim mysteriis (quale est diuinitas Spiritus sancti,) iubemur explicitam fidem adhibere, vt traditur in tractatione de fide. Tantum de Basilio ait Gregorius orat. 20. n. 100. vocem hæreticis exosam, ab eo ad tempus esse prætermis-
sam: vsum tamen esse aliis æquivalentibus verbis, quibus & fidem retineret, & cladem Ecclesiæ ex tenaci ad extimam vocem adhæsione consequuturam auerteret. Quam prudenciam, &
(vt

(vt vocat,) dispensationem, in Athanasio, quoad vocem *hypostasis* laudat idem Greg. orat. 2 i. n. 47.

Gregorius Magnus, in Latina & Græca Ecclesia, ob sapientiam & insignem sanctitatem celebratissimus, Isidoro, Hildefonso, Iuliano, (& quibus non ?) ab omnibus optimi Pontificis, & scriptoris eximij prærogatiuis exquisitè laudatus; dentes tamen non effugit Melchioris Cani. l. 11. de locis c. 6. Notat ibi Canus imprudentiæ, scriptores aliquos, omnia literis committentes; & veritatem rerum non inde petentes, ubi ea residere sit solita; sed ex iis in quibus rarò est eam inuenire: nempe ex dissipatis peruagatisque rumoribus; qua res plerumque iis accidit, qui sunt inconstanti lenique natura: nam homines graues atque seueri, non solent inanem vulgi sermonem aucupari. Quamquam negare non possumus, viros aliquando Grauiissimos, in Dinorum præsertim, prodigiis describendis, sparsos rumores, & excepisse, & scriptis etiam ad posteros retulisse. Qua in re (vt mihi quidem videtur,) aut nimium illi sibi, aut fidelium certè vulgo indulserunt; quod vulgus sentiebant, non ea tantum facile miracula credere sed impense etiam flagitare. Itaque signa quoque nonnulla, & prodigia, sancti quoque memoria prodiderunt; non quo ea libenter credidissent, sed ne deesse fidelium votis viderentur. Et mox. Theologum admoneri opera pretium est, ne id illi statim persuasum sit, omnia quæ Magni autores scripserunt, undique esse perfectà: nam & labuntur aliquando, vt ille ait; & oneri cedunt, & indulgent ingeniorum suorum voluptari, vulgòque (vt dixi,) interdum etiam indulgent;

du'geni; nec semper intendūt animum, & nonnunquam fatigantur; aded̃ vt Ciceroni Demosthenes dormire, Horatio verò Homerus quandoque ipse videatur. Summi enim sunt; homines tamen. Qua ego eadem de Beda & Gregorio, iure fortas̃ ac verè dicere possum. Quorum ille in historia Anglorum; hic in dialogis, quadam miracula scribunt vulgo iactata, & credita qua huius præsertim sæculi Aristarchi, incerta esse censebunt. Equidem historias illas probarem magis, si earum auctores, iuxta præfinitam formam, seueritati iudicij, curam in eligendo maiorem adinnoxissent. Volui tam multa exscribere, vt intelligeretur, qui essent illi Sancti & grauissimi scriptores, quos Canus ait, sparlos rumores scripris commisisse; sibi nimium, aut certè vulgi fidelium votis indulgentes. Alij quippè non sunt, quàm S. Gregorius Magnus, & Beda. Nam Sanctus Antoninus & Vincentius Bellouacensis, quorum oscitantiam & popularem trutinam postea exagitat, nec dum in eius calamum incurrerant; sed seorsim inferiùs à Cano pectuntur.

De Sanctis itaque Gregorio ac Beda, talia scriptis committere ausum Melchiorem Canum, res est profectò dignissima admiratione. Nec minùs stupendum est, talia scripsisse hominem Religiosum, & impune tulisse; ita vt nullus index publicus, de libro aded̃ petulans de Sanctis scriptoribus iudicium continente, præscribat, aut suppressendum esse, aut corrigendum. Aliter certè de Sancto Gregorio statuunt omnes antiqui, in laudes eius semper effusi. Et nominatim

dialogos, S. Iulianus in libris prognosticon, allegat tanquam libros optimos, & omni fide atque accuratione conscriptos. Quod item fecit Adrianus. 1. Epistola ad Carolum Magnum, & Zacharias Papa qui illud opus Græcè vertit, nec non Ionas Aurelianensis, refellens Claudium Taurinensem, & Concilium Triburiense cap. 17. A Græcis tanquam ab opere eximio, autor de nominatus est *Gregorius dialogus*. Et audet Canus, opus adeò celebre allatrare, & tantum Doctorem conscerpere? Audet effutire, Zachariam Pontificem operis è Latino interpretem, tempus malè collocasse, gerris narrationum indiscussarum, ad lenocinandum vulgo, & indulgendum plebeculæ, sine maturo iudicio contextis, ad Græcos Græcè transmittendis.

At redantruat Canus, non in eo tantum opere dormitalle S. Gregorium; sed in registro quoque l. 6. Episto. 31. Sozomenum per immemoriā vel oscitantiam allegasse, laudantem Theodorum Mopsuestenum, cum debuisset citare Theodoretum; apud quem l. 5. histor. c. 39. habentur laudes illæ Theodori, non autem apud Sozomenum. Audio, & haberi talia apud Theodoretum vltro admitto. Non fuisse autem talia à Sozomeno tradita; & S. Gregorium falsò eum allegasse; temerè & oscitanter dicitur; cum oportuisset meminisse, complures Sozomeni libros intercidisse, quibus saltem duodeuiginti annorum historiam complexus erat, vt docet eius ad Theodoricum præfatio, vnîuerso operi præfixa.

Quàm Obseruantes Celitum Cyriaci. 75

fixa. Pati audacia Canus l. 2. c. 14. ait, malè in Catena S. Thomæ, Lucæ 2. locum autoris Græci, ibi tributum Nazianzeno, esse reuera Nazianzeni, quasi totum Nazianzenum, haberet in numero. Et tamen Nazianzenus orat. 20. num. 65. disertè habet quod ibi à S. Thoma allegatur de profectu Christi in gratia, quoad solas operationes illustriores. Quam Cani hallucinationem prædidentem, obiecit ei Iacobus Billius ad eum num. 65. Addito eo monito; *Quare periculosum est, negare aliquid in autore quopiam esse, nisi totus ille autor memoria teneatur.* Audi Cane, & noli præceps esse, in notanda aliorum immemoria. Pro S. Gregorio non plura hoc loco.

Pro S. Beda, quem Canus ruditatis & aucupij fauorum vulgi, insimulauit; sufficit sensus contrarius omnium retrò sapientum qui eius accurationem, Doctrinam, & iudicium suspexerunt: nec egenum ac triobolarem esse censuerunt; qualem eum venditat F. Combesius, sed *omnium monetarum nummosum*, vt de eo loquitur Petrus Cellensis Episto. 131. id est prædiuitem in omni scientiarum genere, & iudicio, ac ingenio præcellentem.

S. Anastasium Sinaitam; Magnus Gregorius mirificè collaudauit, nec non V I. Synodus actione 10. & Euagrius l. 4. hist. Attamen F. Franciscus Combesius, in notis ad eius explanationem in psalm. 6. nec isti parcit; & indebitæ prolixitatis eum arguens, & violati per assumpta sua decori in narratione quadam de S. Ioanne Euangelista,

in reuocationem iuuenis ad bonam frugem intento. Sic placuit isti Cyriaco perstringere eximium scriptorem, non alio fundamento, quàm quia ita sibi visum; & quia Canus probatissima (ipsi quidem) iudicij seuerioris idea, nihil tale crederet si ei fuisset propositum. Scilicet, Canus est amissis ad quam dirigenda sunt scripta Patrum; & quod ille improbaret rejiciendum; quod admitteret probatu dignum videri debet. Longè truculentiùs, & in Anastasium, & in alios grauissimos Patres, in Patrum Bibliotheca comprehensos, egit cum esset Combesij sodalis F. Ioannes Maria Brasichelen. Qui S. Anastasium supra Deiphobum sauciauit, timens innumeris locis vbi non erat timor; illinenque Margini eorum **CAUTE LÈGE**; quæ cautela si locis omnibus appingenda esset, in quibus improuidi possent occasionem lapsus inuenire, etiam plerisque locis diuinæ scripturæ esset appingenda. Vt quid ergo, Anastasius & alij Patres Catholicissimi, quorum sanæ Doctrinæ adstipulatur omnis retrò antiquitas, (pro aliis ad auertendam rudium pro lapsionem in foueam, non sit prorsus improbandum monitoris studium,) onerentur eo additamento Letiathan, quo vocantur in fermenti suspensionem, loca verè azyma, & quæ sugillantur indigna.

S. Bruno Ordinis Cartusienis institutor, abstinentiam à carnibus probauit; quæ vt in sacro illo cœtu inuiolata perseveraret, & artificijs molliculorum non pateret; legibus posterorum in

Quàm Observantes Calitum Cyriaci. 77

eo rigore decreta est, ut ne ad mortem quidem vitandam, fas esset carnes adhibere, suppetentibus aliis cibis, quibus depelli fames posset, ita ut non esset periculum mortis defectu cuiusvis esculenti incurrendæ. Ad indemnitatem enim Sanctissimi instituti, potuisse ea septa apponi quæ nullius meticulositas pro longiori vita perfringeret, rectè statuunt præter Bartholomeum Ruremundanum, Richelium, Sutorium, causam suam agentes; Gerso, Vasquez, Hallus, Lessius, Suares, Azor, & alij propè omnes, & inter Medicos Amaldus Villanouanus, qui in ipso titulo sui operis, profitetur se pro Cartusianis, illud scribere, *contra Iacobitas*. Non est autem quod quis trans Pyræneos, vel trans Alpes, arbitretur; *Iacobitas* ab Arnaldo impugnatos, esse propaginem illam Eutichetis, cui à Colono Iacobo Syro Monophysita, *Iacobitarum* denominatio est indita: sed Iacobitæ isti, non sunt alij quàm Cyriaci, à via Iacobæa quam Lutetiæ incolunt, denominati per vniuersam Galliam, *Iacobita*, vel *Iacobei*. Vnde Poëta priscus Theodoricus vallis coloris in vita Urbani I V. ad Anterum Cardinalem eiusdem Urbani nepotem, describens Cardinales qui electioni dicti Pontificis interfuerant, sic cecinit, apud Ferdinandum Vghellium, in additione ad Ciaconum, in fine Innocentij I V.

*Tôtque sacerdotes; genuisse Sabaudia primum,
Dicitur, Hugonem; qui Iacobita fuit.*

Sabaudum vocat, quia erat ex valle Barchinoneta, ditionis Sabaudicæ; vnde etiam Fran-

ciscus de Mayronis oriundus erat; & alij insignes viri prodierunt ex eadem valle : ac nominatim, Hugo primus tam multorum qui ex ordine Iacobitarum (id est Cyriacorum,) assumpti postea sunt ad purpuram. Hugonem, malè Mariana & alij plerique Hispani, delusi vicinia vocum, censuerunt esse Barchinonensem in Cosetania, cum fuerit Inalpinus ad Ebredunum, ibique hodie supersunt reliquiae cœnobij ab ipso Hugone suis Fratribus constructi; nec nisi anno 1628. militari licentia vastati. Iacobitæ ergo qui ordinem Cartusianorum impugnarunt, & soli ab Arnaldo Villanouauo repellendi fuerunt, alij non sunt, quàm Cyriaci, de quorum obseruantia erga S. Brunonem, & tot Sanctos, ex eius Laici defensione liquet.

S. Brigittæ Sueca, multis fuit reuelationibus clara; quas olim digessit in spissum volumen, probantibus Romanis plerisque Pontificibus; nominatimque Bonifacio I X. post accuratam per præstantes doctrina Theologos & Antistites, discussinnem. Inuenti tamen sunt quidam, Cyriaci, per quos reuelationes illæ sunt exagitatæ. Mouit eos præsertim, reuelatio facta huic Sanctæ Viduæ, de B. Virginis præseruatione à culpa Originali. Progressus verò vlteriùs Bartholomeus Sybyllanus, non modò S. Brigidæ, sed etiam S. Catherinæ Senensis reuelationes, ad purè humanas cogitationes reuocauit; iis ex suo Henrico Hassò argumentis adhibitis, dec. 7. peregr. qq. c. 3. ad 6. quibus omnium planè Sanctarum mulierum

Quàm Obseruantes Calitum Cyriaci. 79

lierum reuelationes, deprecandas esse, apertè habetur. Inanitatem earum ratiuncularum, exsufflant Corduba l. 1. q. 44. Valsq. 3. par. d. 117. c. 6. & Martinus Delrio l. 4. Mag. c. 1. q. 3. fec. 4. Ego non hæreo, contentus intendisse digitum in hanc Cyriacorum de Sanctis mulieribus oblocutionem.

S. Franciscus Xauerus, quia primus intulit lucem Euangelicam Iaponibus, & Apostolico Spiritu immensas regiones Indiarum Orientalium peragrauit, Iesum Christum annuncians; in quodam libro, *Iaponiorum Apostolus* cognominatus erat. F. Monstrum, veluti harp yja illicò inuolauit in illud cognomen, & erasum voluit. Sed non potuit obfirmari in sententia; quia affuit qui decretalem Urbani VIII. de Xauerij Canonismo proferret; qua vir Dei *Indiarum & Iaponum Apostolus*, ab ipso Pontifice denominabatur, in tam graui diplomate. Nam eiusmodi diplomatum omnes apices, appendi in trutina quam exactissimè, nemo ignorat. Itaque aduertens F. Monstrum, cui periculo, & munus suum, & pinguem censum quo potiebatur, obiecisset; si resciretur in aula, ipsum agere correctorem decretalium Pontificiarum, illicò veluti à pressio angue, retulit pedem. Et erat sanè in eo facto, vel ignorantia, vel malignitas non vulgaris. Poterat enim, vel etiam debebat, homo eum locum occupans, non ignorare, appellationem *Apostoli* in Dei Ecclesia, non arctari ad duodenarium primariorum Christi discipulorum, quos esse antonomasticè

maſticè ac ſupereminenter Apoſtolos, nemo eat inficias. Excellenti tamen participatione eiufdem muneris ac ſimilium laborum, ad alios quandoque diffuſum conſtat, nomen *Apoſtoli*; puta ad eos qui primi alicubi Euangelium annunciarunt. Qua de cauſa S. Martialis *Lemouiſium Apoſtolus*, renunciatus eſt, ex decreto quinque Conciliorum Gallicanorum, quibus ſuffragatus eſt Ioannes XX.

Quid mirum cœlites de quibus hætenus, aded irreuerenter à Cyriacis habitos; cum ipſe S. Thomas Aquinas, qui plerisque eorum eſt pro objecto fatui amoris, (quali improvidos erga nonnullos ſanctos corripi aiebat Origenes homil. 25. in Lucam;) aded à multis Cyriacis tractetur illaudabiliter? Prætereo falſationes in eius operibus audaciſſimè factas à Coſma Morelles; Thoma Lemofio, & aliis de quibus poſtea. Item dimitto ſuppoſitiones variarum lucubrationum quas conſtabat non eſſe S. Thomæ, à Fratribus tamen immiſſarum in S. Thomam, vel vt S. Thomæ volumina excreſcerent, & numerus Tomorū in quos eius opera digerebantur, eſſet auctior, ita vt Scoti volumina excederet; vel vt opera illa aliena, indigna ingenio S. Thomæ, tamen præfixo S. Thomæ nomine eſſent vendibiliora; quod de Cõmentario Petri Veronenſis in Mattheum, abs ſe primū vulgato, & abſque veri autoris ignoratione, ſuppoſito S. Thomæ, faſſus eſt Hieronymo Vvielmio, Bartholomeus Spina; per quam infidelitatem, multi furfures intruſi ſunt in B. Thomæ Sili-
ginem,

Quàm Observantes Celitum Cyriaci. 81

liginem, ac lectissimum pollinem contaminarunt. Nominatimque opera Thomæ Anglici, qui dignus non erat soluere corrigiam S. Thomæ, tanquam Thomæ Angelici sunt venditata; delusis quidem simplicibus, sed S. Doctoris per spurios huiusmodi fœtus in cuculum transmutati, non leui dehonestatione. Hæc à Cyriacis ipsis, in ipsum S. Thomam iniuriosè patrata, nunc dimitto; sed alia attingo potius, quàm persequor.

Illudque in primis, plerosque eorum non sapere ad sobrietatem, profundendo voce ac scriptis laudationes insulas, quibus S. Thomas putidè extollitur supra omne quod dicitur doctum, statuiturque regula fidei, & Doctor à quo Romani Pontifices aliquid circa doctrinam desumendo, (nisi errare velint,) nequeant desciscere. Eas inquam & similes auxeses laudationum, contestor esse S. Thomæ iniuriosas, & in eius dehonestationem cedere. Sapienter enim admonebat Cassianus lib. 1. de Incarnat. c. 2. etiam eas laudationes putere ac probro esse, quibus affingitur alicui decus indebitum.

Ausim dicere, hoc esse imitari linguam blasphemantium; id est, interprete S. Gregorio l. 12. moral. c. 14. specie exhibendi honoris, contumeliam reuera irrogare. Quod fecere plerique hæretici, (ait ibi S. Gregorius,) ferentes blasphema dogmata, ut diuino honori consulerent, v.g. asserentes, Deum non nisi apparenter esse factum hominem, quasi vera humanitatis susceptio ei probro esset futura, Æquè Petrus Chrysologus

ferm. 109. admonet, omnes hærefes, blasphemando & iniuriam Deo inferendo, velle videri Deum honorare ac obsequio demereri. Mira disputatio. Deum destruit cum honorat, (aiebat autor Epistolæ de vera circumcissione Tomo 9. Hieronymi.) Manichæos & Arianos, adducens in exemplum dehonestationis & inhonorationis Dei, dum speciem vanam eum honorantium præferunt. Haud secus ergo isti ampullosi & male consulti veneratores S. Thomæ, non tam S. Thomam extollunt, quàm deprimunt; non tam colunt quàm infamant; vanos ei titulos quales attingebam deferentes, qui verè non sunt honori ac laudi, sed iniuriæ ac probro.

Ad hæc Dominicus Soto 3. phys. q. 1. artic. 2. concl. 5. statuit, aliquos qui se Thomistas dicunt, & non sunt, anxie quæsitis quibusdam locis S. Thomæ, contendere ex Sancti Doctoris mente, in potentia agente, esse aliquem actum primum distinctum à substantia & potentia operatiua innata. Hos Soto ait, esse iniuriosos S. Thomæ, nec aliud satagere, quàm vt eum obsecrent, & reddant inuisum. F. Antoninus Reginaldus qui se *Compositorem* dixit, & verè est *compositor*, quia fictores & figulos compositores dicimus, vt S. Gregorius notauit; mendacij damnauit hanc Soti allegationem; eo quod ne pilus quidem eius habeatur apud Sotum. Sed condonandum est homini luscioso, quem tunc deficiebant perspicilia. Disertè enim Soto, siue in agentibus necessariis, siue in liberis, (vt patet ex loco S. Thomæ de potentiis humanis

Quàm Observantes Celitum Cyriaci. 83

humanis quem in rem suam profert,) omnia illa agentium auctaria ad operandum transeunter immissa, qualia admittunt Cyriaci prædeterminatores, agnoscit esse iniuriosa S. Doctori, & eum dehonestare, ac infamare apud alios.

Thomas item Valdensis, scriptor grauissimus, Tomo 1. doctrin. à cap. 28. conclamat contra quosdam, qui affingunt Sancto Thomæ sua commenta, de libertate humana per respectiuam necessitatem impedita; hoc est per æternas prædefinitiones, & eis subiectas præmotiones diuinas, humanæ voluntati ineluctabiles, spoliata sua vertibilitate in vtramvis partem. Queritur ergo Valdensis, hos, (vt vocat,) *Magistros sine omni necessitate necessarios*, abjecta antiqua Ecclesia doctrina, & formosiore & veriore, luctari cum argumento, de concedenda voluntati omnimoda vertibilitate, si libera est; sicut luctabatur Iacob cum Angelo: nec abstinere illa vana fatigatione in eludenda inexpedibili ipsis difficultate, quousque emarcuerit nervus in femore, & sua ipsorum responsione succumbant. Et quia videbat, Cyriacos cum quibus (tacito licet nomine,) agebat, emendicare subobscura quædam D. Thomæ loca, ad elidendam (quasi ex eius sensu) vertibilitatem vtroque flexilem liberæ voluntatis, contestatur ipse è contrario; S. Thomam, clarissimo ore dicere contrarium; & hanc (vt arbitratur,) prædestinarianæ hæresi collactaneam doctrinam, non patitur affingi S. Thomæ censens eam esse illi ignominiosam. Varia sanè, pro ea voluntatis vertibilitate;

litate, per nihil à Deo admotum temerata, ex S. Thoma addensauit Bellarminus, in recognitione libri quarti de gratia & libero arbitrio ad c. 14. Ex quibus patet, prædeterminationes diuinas adamantinas, humanæ libertati ineluctabiles, à S. Thoma fuisse proscriptas; nec illius honori consulere, qui malè detortis D. Thomæ locis quæ pro talibus prædeterminationibus ferreis allegant, armant Calvinianos; inter quos Amesius & Ferrius, verbi puri & non diluti pincernæ, apud Batauos & Gallos, haud obscuri, conceptis verbis tradiderunt, quæ Aluares & symmistæ tanquam D. Thomæ placita produciunt, planè sua & Magistri sui Caluini sensa esse. Id quod firmavit synagoga eorum pariter potantium, collecta Dordraci approbans gratiam irresistibilem, & bruto anathemate feriens eos qui dixerint, humanam libertatem posse abjicere tactum & excitationem Dei quæ effectum sortitur. Quem esse S. Thomæ & Thomistarum nouorum sensum, sibi passim gratulantur Bataui ac Geneuates Theologastri; Non ex alia pharetra, petiere tela Ianseniani: quos propterea F. Ioannes Baptista de Marinis Magister summus Ordinis, suis Parisiensibus impensè commendabat, tanquam veris S. Thomæ asserlis; ac ne damnarentur, egit quanta potuit sollicitudine, causatus, damnandum cum eis fore S. Thomam, (scilicet.) Eum autem fructum diligentiae ac laboris tulit, ut se, ac suos, fuliginis Iansenianæ exortes non esse, demonstraret. In aliis plerisque materiis & Philosophicis

& Theologicis, iidem plus iusto liberales Thomistæ, dum nimium adhærescunt aliquorum verborum cortici; & quod semel tanquam merum à D.Thoma propinatum combiberunt; tenacissimè retinent, non mediocriter sancti Thomæ luminibus offecerunt. Exempla proximè signabo. Hæc igitur est scriptorum Cyriacorum erga sanctos Cælites observantia; pro qua si libris eorum debetur immunitas, verendum est, ne Hagiomachi, id ad suam causam trahant, & se immunes quoque esse debere contestentur.

DIATRIBA IV.

*Sitne Cyriacorum doctrina adeò solida,
ut libri eorum, ex hoc capite, sortiri
immunitatem debeant.*

QVæ euincant doctrinam Cyriacorum sæpe numero destitui soliditate, proferri possent omnino multa. Nunc dabo duntaxat nonnulla specimina, nec dilatabo phylacteria, aut magnificabo fimbrias; sed obiter pauca attingam quæ communiter apud omnes Cyriacos sunt rata, vel singillatim à primariis eorum Magistris traduntur. Ordiam à prioribus, quæ continentur placitis quibusdam siue Theologicis, siue Philosophicis quibus ipsi ut polypi saxi adhærescunt, quia putant esse tradita à D.Thoma, pro cuius vel minimo

mo dicto sunt inter eos, (vt supra retuli,) qui parati essent subire martyrium. Extra eorum tamen scholam, propositiones nunc appendendæ, habentur inanes & rejiciuntur, quia D. D. nullius addicti iurare in verba Magistri; nec passi eum seruilem & (vt Seneca appellabat) pecuinum spiritum, quo aliqui velut muta pecora in sentiendo feruntur, quæ cum manifesta ratione pugnare vident, abjiciunt; nec volunt sicut aues oscines recinere absque intelligentia, quæ prius cantata, nec penetrata inaudiuerint.

Specimen placitorum Theologorum omnibus Cyriacis probatorum, quia putant ea esse S. Thoma.

Res futura, iam nunc, non tantum obiectiue, sed etiam realiter, coexistit Deo in æternitate. Ex 1.p.q.14.art.13.

Dari potest ens aliquod extra Deum, quod non potest non esse; & est planè necessarium. Ex 2. contra gentes c.30.

Pater & filius (ex S. Thoma in 1.d.11. art.4.) dici possunt duo spiratores. Contrarium definiuit Gregorius X: in Concilio Lugdunensi.

Dici potest absque hæresi, *iste homo cepit esse Deus, & Deus cepit esse iste homo.* Cum S. Thoma in 3.dist.6.q.2.

Deus in eadem specie, non potest producere plura indiuidua Angelica: sed quilibet Angelus constituit speciem suam particularem. Ex S. Thoma 1.part.q.50.artic.4.

Non potest Deus, de potentia absoluta, separare albedinem à subiecto, & conseruare in eodem subiecto. Non

Quàm solida Cyriacorum doctrina. 87

Non potest Deus assumere instrumentum creationis.

Angelus in primo instanti, non potuit peccare.

Angelus est in loco non per suam substantiam, vel per suum vbi, sed per suam operationem. 1.p.q.8.art.7.& q.52.& 53. & in 2.dist.37. q.3. artic.1.

Plures Angeli non possunt esse in eodem loco. ex 1.p.q.52.art.3.

Habitus charitatis, non intenditur per actus æquales, multo minùs per remissiores.

Habitus charitatis elicit vltimam dispositionem ad iustificationem.

Peccatum veniale, est in sensualitate.

Præcisè in primo diluculo vsus rationis, homo nisi conuertatur ad Deum, peccat mortaliter.

Primum adulti peccatum, non potest esse veniale.

Qui sordet peccato mortali, etiam si occulto, peccat mortaliter, si alij impendat correctionem.

Omnia verba vulgatæ formæ, secundæ consecrationis, sunt de essentia; ita vt non fiat consecratio, si ea tantùm verba dicantur, *hic est calix sanguinis mei*. Ex S.Thoma 3.p.q.78.art.3. Dicere contrarium, Barthol.Spina, damnat hæreseos.

Benedictio panis & vini, non est actio peculiaris, præuia consecrationi.

Corpus Christi viuum, est planè diuersum à mortuo.

Christus non existit, nisi per existentiam increatam.

Absque

Absque professione solemnī, nemo potest esse verus Religiosus. Contrarium definiuit Gregor. XIII.

Dominium, est indispensabiliter impossibile cum vero statu Religioso. Et hoc quoque, à Gregorio XIII. reprobatur.

Papa non potest dispensare in matrimonio rato. Contrarium habet vsus Ecclesiæ.

Papa non potest dispensare in voto solemnī, quia solemnitas est de iure diuino, non ex constitutione Ecclesiæ. Contrarium definiuit Bonifacius VIII.

Est irregularis qui occidit alium, vitam suam tuendo cum moderamine inculpatae tutelæ.

Virtutes morales, (dempta prudentia & iustitia,) sunt tantum in appetitu sensitivo.

Specimen placitorum Philosophicorum Cyriaci probatorum, alibi explosorum.

Materia priusquam forma illi adueniat, non habet existentiam. S. Thomas 1.p.q.4.art.1.

Implicat dari materiam absque forma. F. Ioannes Butauant in thesibus. Ex sancto Thoma.

Implicat contradictionem, dari aliam terram. Ex 1.p.q.47. art. ultimo.

Zona torrida, est prorsus intolerabilis. Ex S. Thoma 1.p.q.102.art.2.ad 2.

Impossibile est duo accidentia eiusdem rationis inesse simul eidem subiecto. Ex S. Thoma, 1.p.q.94.art.3.& 1.2.q.63.art.4.

Impossibile est, dari plures albedines, à substantiis separatas. Ex 1.p.q.47.art. ultimo.

Intensio

Quàm solida Cyriacorum doctrina. 89

Intensio qualitatis non fit per additionem nouæ entitatis; sed per maiorem radicationem præiacentis, ac veluti penitiorum infixionem tanquam clauis malleo adacti in eodem subiecto. S. Thomas in 2. d. 34. art. 5. & d. 42. q. 1. art. 1.

Quantitas recipitur in toto composito. An etiam in anima rationali compositum humanum constituyente?

Brutorum animæ sunt indiuisibiles, æquæ ac anima rationalis.

Absque quantitate, substantia caret partibus entitatiuis, F. Ioannes Butauant in conclusionibus ex S. Thoma.

Principium indiuiduationis est materia, eique adiungitur multiplicabilitas indiuidualis.

Cœli non sunt alij ad alios contigui; sed inter eos datur spatium diuisibile. S. Thomas in 2. dist. 2. q. 2. art. 2. ad 5.

Non sunt plusquam decem cœli. Idem in 2. dist. 14. art. 1.

Implicat, vnum corpus esse circumscriptiuè in duobus locis. Ex S. Thoma in 1. dist. 37. q. 3. art. 2. & in 4. d. 10. art. 1. ad 5.

In generatione & corruptione, fit resolutio vsque ad materiam primam.

Essentia & existentia, distinguuntur realiter.

Motu cœlorum cessante, omnia sublunaria cessarent.

Habitus scientiæ est simplex qualitas, & tamen intenditur.

Hæc sat sunt, pro specimine doctrinæ malè materiatae cui omnes communiter Cyriaci adhærere debeant; Cum sint effata D. Thomæ, quem illi habent pro Deo doctrinæ Theologicæ ac Philosophicæ, æquè ac Secundinus vocabat Augustinum, *Denique eloquentia.*

Venio ad assertiones quibusdam Cyriacis singulares. Nec adducam Durandum, aut Catharinum, qui maluerunt segreges esse. Vnde apud alios Cyriacos non benè audiunt: sed eis Cenotaphium statuerunt, ritu Pythagoreorum in Magistri desertores. Existimo quod Cyriaci, æquè eiurabunt F. Thomam Campanellam, quia tametsi visus sit per aliquod tempus Cymbalum mundi, tamen reuera est ignorantissimus; ita ut ne ipsos quidem terminos, siue Philosophicos, siue Theologicos intelligat; sententias autem inuehit non modo à S. Thoma, sed etiam à sensu cuiusvis sani hominis adeò abhorrentes, ut desipere potius videatur, quàm disserere. Hæreses crassæ, in eius libris tam multæ & tam inexcusabiles occurrunt, ut mirum sit, adeò pinguem scriptorem, superioribus annis inuenire potuisse laudatores. Etiam pœsim attigit; sed adeò infelicitè, ut Tyrones in prima Grammatices, prosodiam ligula dimetientes, non cantillent pueriliùs. Verùm scriptorem adeò strumofum, quem non dubito à suis Cyriacis eiurandum tanquam segregem, ne omnia eius opera cogar exscribere, malo prorsus præteritum. Cæterorum itaque nonnullorum, quos Cyriaci pro suis in doctrina Magnatibus habent, paucas è multis

multis doctrinales gemmās sublego.

Thomas de Vio Caietanus inter Thomistas Corypheus, scatet doctrinis non modò parum solidis, sed etiam aperta materiali hæresi sordentibus. Dico *materiali hæresi*, quia aliquæ reprobæ propositiones à Caietano traditæ, nondum tunc erant damnatæ. In aliis bona fides, & perpetua cum Romana Ecclesia conjunctio, potuit eum à formali hæresi excusare, vt propterea non satis consulto Gabriel Prateolus, secutus Alphonsum de Castro, locum Caietano dederit inter hæreticos. Fuisse tamen eius pleraque pronuntiata, materialiter hæretica, nemo eat inficias. Videtis errorum Caietani plenam messem, apud Catharinum iusto volumine in sex libros distributo. Eam messem sub vnum conspectum objicit in calce operis. Echius quoque, ad calcem locorum suorum communium, vltra centum reprobæ doctrinæ tubera, ex Caietano eruta, proposuit. Quàm verò perversè ac periculosè scripturas exposuerit Caietanus, latè & concinnè rethoricando monstrat Canus lib. 7. de locis c. 3. *pag. mihi* 446. Ne linum fumigans extinguere velle videar, nihil sigillatim adduco.

Ioannes de Neapoli, ablegavit à Christo intellectionem creatam, censens eum res cognovisse, per solam cognitionem diuinam; qui est error exploratus, & iisdem refutandus argumentis, quibus ab Ecclesia excisus est error Monothelitarum. Videtis Valentia 3. p. d. 1. q. 9. p. 1. Suarez Tomo 1. 3. p. d. 2. 4. sect. 1. Lessium l. 2. de summo bono c. 2. Dolendum verò est, sanctam Virginem Cathari-

nam Senensem, ab aliquo malè solido Cyriaco, haufisse eam reprobam doctrinam, vt patet ex eius orat. 17.

Ioannes Capreolus vocatur *anima D. Thome*, nec est inter proletarios, apud Cyriacos; sed tenet gradum senatorium. Is tamen in 4. dist. 49. q. 4. ad 1. Scoti contra 2. conclusionem, & ad 3. Aureoli contra eandem, de visione beatifica admodum præposterè philosophatur; distinguens in actu visionis, substantiam actus prodeuntem ab intellectu; & formam addititiam, ratione cuius solius, est beatitudo, à Deo solo efficienter causata. Quo absurdo philosophandi modo, visio prout beans formaliter hominem, non esset quid vitale: & substantia intellectionis Deum attingentis, non esset quid supernaturale. Messem errorum in his paucis Capreoli dictis colligere liceret, si vacaret. Videsis Suarem tract. 2. l. 2. & Vafquem 1. p. d. 47. Alios Capreoli huius transultus, circa prædestinationem & gratiam, exhibebit index vniuersalis ab libros Cyriacorum.

Franciscus de Syluestris, cognomento *Ferrariensis*, ad 4. contra gent. c. 66. tenet quando ex speciebus sacramentalibus putrefactis generantur vermes, manere quantitatem specierum cum sola substantiali forma vermis adueniente; nullam autem ibi materiam primam reperiri; atque aded existimat vermes illos differre specie à cæteris vermibus; quod putat se habere ex D. Thoma ibi, & ex 3. p. q. 77. art. 3. & in 4. d. 12. q. 1. art. 2.

Melchior Canus l. 2. de locis c. 18. pag. 169. ait
S. Stepha

S. Stephanum in ea præclara dissertatione, quam Lucas descripsit Actor. 7. confudisse & miscuisse nonnulla; in quibusdam item leuiculis errasse per lapsum memoriæ; nec plus in eo locutum esse Spiritum sanctum, (quo plenus fuisse à Luca dicitur,) quàm in S. Ambrosio.

Idem Canus, matrimonia solis nutibus contracta, negat esse Sacramenta l. 8. de loc. cap. 5. pag. 479.

Verum Sacramenti Matrimonij ministrum, affirmat Canus esse Parochum; quem doctè id defendere, ait perpetuus eius adorator Combefissius, ad orationem Damasceni in Constantinum Caballinum num. 8. Ex quo habetur; Matrimonia absque parochò clandestinè contracta, in locis in quibus decretum Concilij Tridentini cassans ea matrimonia non est promulgatum, inualida esse, cum desit verus Matrimonij Minister; hoc tamen ab eodem Concilio, intorto anathemate, confoditur.

Christi voluntatem, idem Canus l. 12. de locis cap. 14. tempore passionis caruisse gaudio beatificam visionem consequente asseruit licenter de more; nec satis attendendo, eodem iure fingi posse, Christum eo tempore caruisse visione beata. Alia in hoc Caninum placitum vrgent Suarez T. 1. 3. p. d. 38. sect. 3. Vasquez 3. p. d. 73. Ragusa tom. 1. 3. p. dist. 84. & Iustinia. 1. Petri 4. v. 1. n. 4.

Dominicus Soto, ex suo cerebro constituit terminum commorationis animarum in Purgatorio; negans vllam ibi harere ultra decennium. Et non

nulla habet alia, (ait Antonius Senensis in bibliotheca Dominicana,) quæ iure optimo possent & deberent limari, vel à libro tolli.

Idem, negavit Episcopatum esse ordinem, aut Sacramentum. Ita habet in 4. dist. 24. q. 1. art. 2. quod Michaël Medina l. 1. de contin. c. 15. censet periculosum. Imo Petrus Soto lect. 4. de Sacram. ordinis; affirmat, contrarium certa fide esse tenendum.

Iuxta eundem Dominicum Sotum l. 10. de iust. q. 5. art. 3. chorus videtur esse de substantia religiosi instituti: cum iuxta eum dicenda non sit religio, quæ non canit in choro.

Petrus Soto lect. 11. de confess. censuit, Sacramentum pœnitentiæ in necessitate, consuminari posse per literas: quæ sententia fuit olim inter Cyriacos valdè recepta: ita enim Paludanus, Antoninus, Syluester, Ioannes de Friburgo, Fumus, Tabienna, Raynerius, & alij apud Fagundem in 2. Eccl. præceptum l. 2. cap. 10.

Dominicus Bannes, negat reuiuiscientiam meritorum, valdè commodè ad injiciendam lapsis desperationem.

Meritum essentiale soli charitati tribuit.

De correctione fraterna, post sedis Apostolicæ constitutionem, dixit quæ spongia indigeant.

Libertatem collocat in objectiua indifferentia. Videtis eum 1. p. q. 19. artic. 10. dub. 1. in 3. documento ad Nouitios. Qua doctrina nulla potuit Calvinistis accidere optatior, ad euertendam libertatem expeditam.

Censet,

Censet, calumniatorem posse præueniri ab eo qui inde sibi timet. Qua in parte, urgente Fratre Baptista de Marinis, contigit Francilco Amico, quod cani qui Sacerdotem Catholicum propè lacerauerat, & impune tulerat. Cum autem allatrasset PoppamCaluinianum, affixus patibulo pœnas dedit solius lâtatus, absque damno dato; vnde illud vernaculi Poëtæ de Cane à Fratre de Marinis (quippe πολυλω'τω,) satis percipien- dum absque lexico.

Voyez Messieurs mon piteux estre;

Pour auoir abbayé l'Huguenot.

Je mordis n'aguères un Prestre,

Et personne ne me dit mot.

Hoc non incommodè sic expresseris latinè, Cane per prosopopeiam dicente.

Aspicite ben! Quò me sententia iudicis egis,

Quia allatraui nescius sectarium,

Ante, Sacerdotem populo inspectante momordi.

Nemo vel una vocula increpuit ferum.

Dixerat Amicus, aliquos (& in his Bannem;) censuisse præueniri posse calumniatorem; se tamen nequaquam id asserere, & propterea agentibus Cyriacis, damnatus est. Bannez verò qui explicatè eam præuentionem esse licitam docuit, nihil molestiæ est perpeffus.

Idem Bannez, prædefinitiones mouentes, ac prædeterminationes diuinas, voluntati creatæ ineluctabiles, quoties in actum prodit, pronunciauit esse ex fide credendas; vnde dicentes, se non intelligere quomodò motiones illæ adamantinæ,

cum expeditione libertatis cohæreant; elisit illo ex suo tripode oraculo; *si non intelligunt, credant.* Ludouici autem Molinæ opus contra huiusmodi plusquàm aheneas voluntatis creatæ deuinctiones, habuit pro pestilente, & primus ad macellum detulit, indito partiariis eodem zelo amaro. Fructum verò delationis adeò luculentum retulit, quod ne apex quidem Molinæ, violatus est, quantumvis annitente Banne, & post eum Cyriacis vniuersis, & Iansenistis, qui ante damnationem ad vexillum prædeterminationis conuolarunt; cum omnibus qui Iesuistis Stomachum facere voluerunt. Talibus enim, prædeterminatio Cyriaca, est refugium miserorum, aiebat grauis Doctor Augustinianus; cum audiuit suum Basilium Poncium Legionensem, ex quo causa cecidit, & Fagundes reuocationem decreti in librum suum ab Inquisitione Hispanica, agente Basilio lati, obtinuit; iniuisse fœdus cum prædeterminantibus Cyriacis, illudque typis vulgasse. Et idem poterat dicere de Elianis & Elizeanis; qui dejecti opinatione illa sua quod essent primi Religiosorum, longè ante Christum & Apostolos; & quod B. Virgo non vouisset primam virginitatem, sed Elias; damnato ab Hispana Inquisitione opere Francisci Sanctamariani de historia prophetica, & damnatione Romæ confirmata; cum aliud non superesset perfrugium, ad azylum prædeterminationis ineluctabilis se receperunt; odio Ioannis de Pineda Iesuistæ, qui primus historiam Prophetica damnauerat, vt censor particularis à S. Officio Hispanico delectus.

Ioannes

Ioannes Vincentius relectione de gratia Christi à medio proemij usque ad finem, aded inebriatus est amore gratiæ nos sanctificantis, vt dixerit, esse qualitatem creatam, sed continentem participationem diuini esse, secundum eam rationem qua est ipsum esse per essentiam, imparticipatum, & independens, omnem præhabens essendi plenitudinem; vnde mirum non esse quod faciat hominem diuinæ consortem naturæ. Quam malè fundata sit hæc hyperbole, vix est opus exponere. Leges Suauem l. 12. de grat. c. 1. à n. 24.

Nicolaus Ricardius, à corporis conformatione Theritica, (ni maior ab ingenij præcellentia,) *monstrum* appellatus; tam monstrosæ fuit in doctrina soliditatis, vt dixerit ac scripserit, in formula Litaneutica, idem esse dicere *Christe audi nos*, atque dicere *S. Maria audi nos*. Et loci illius Actorum, *Visum est Spiritui sancto & nobis*, sensum esse voluit; *Visum est Maria Deipara, & nobis*. Item Beatissimam Virginem, vt aliquid mostrosam diceret, vocauit *Deum creatum, Deum mediterraneum, Deum dimidiatum*, quasi quartam personam, quasi diuinam ab Incarnata Triadem, non secus habitam quàm si diuina persona esset. Ea vt huiusmodi sexcenta, prodigiosa & monstrosa vix per hyperbolas quantumcumque exaggeratas excusabilia præteream; ait, non modò omnia Deiparæ merita simul sumpta, qualia in fine sanctissimæ eius vitæ fuerunt, æquasse, aut etiam supergressa esse sanctorum omnium, hominum simul & Anglorum simul sumptorum merita, in vnum fascem aceruata; (quod aliquis

non ita pridem trepidè dixerat ; sed etiam ait operationem quamlibet Deiparæ, certo mortalis vitæ tempore , dignitate ac consequente in virtutibus actualibus merito superasse omnes actus comprehensorum omnium & Angelorum. Nec ibi stetit monstrosa auxesis ; Ait insuper minimum quemlibet & quamuis minutum actum supernaturalem amoris à Deipara ante mortem elicitum, æquasse, aut etiam excessisse , dignitate ac merito omnium hominum simul sumptorum vniuersas actiones meritorias , congestas in vnum cumulum ; quasi quæ de quocunque Christi actu verissimè dicuntur ob infinitū valorem à Verbi persona refusum ; sint extendenda ad quemcumque actum Deiparæ, cuius persona huic Theologastro monstruoso , est quasi diuina, & dimidia ex parte increata. *Apage, Apage.*

Dominicus Graulina, asseruit Robertum Bellarminum intolerabiliter errasse, cum scripsit, aliquas religiones laxatæ disciplinæ, esse vnum fontem lachrymarum. E contrario Graulina , contendit nullam esse religionem quæ sit laxatæ disciplinæ. Sed de hoc infra , Idem Graulina omnem congregationem humanam cui intersint delecti à Pontifice administri, ait potiri infallibilitate: atque aded iuxta hunc palponem, Rota auditorum Sacri Palatii, Congregationes S. Inquisitionis , Indicis, Abundantiæ, &c. omnes sunt lapsus incapaces, & nullo modo errare possunt ; cum sint stillicidia fontalis ac plenæ potestatis , Petro & eius successori concessæ, quæ est infallibilis. *Selah.* Neque tamen

tamen tantus Assentator , ad purpureum decus evasit.

Sixtus Senensis adorator Origenis , variorum Conciliorum anathemata , quibus Origenes contritus est , ignorantiae adscribit eorum , qui non aduertunt quæ in scriptis eius damnanda videbantur , fuisse ab hæreticis deprauatoribus infarta , ipso Origene innoxio. Videtis l. 4. bibl. V. *Origenes*. Idem Sixtus post Concilij Tridentini definitionem contrariam, negavit integrum librum Esther, esse canonicum , truncans illum sex capitulis. Ita ille lib. 1. eiusdem operis sect. 2. V. *Esther*. Quod Eusebium Cæsariensem Artianorum signiferum, habet pro sancto, error erat in ordine communis, cum inter cælites haberetur adscriptus , in Cyriacorum Martyrologio.

F. Ioannes Maria Brasickelem , tunc Magister Sacri Palatii, quinquaginta & duas Emanuëlis Saa propositiones ex Aphorismis eius decerptas, damnauit, tanquam vel intolerabiles, vel in praxi non ferendas. Sed aded liberalis Censor, Censuræ suæ censuram passus est, reprobata eius damnatione tanquam inscitiae, vel malignitatis, vel vtriusque referta. Nam duæ supremæ Inquisitiones, Hispanica & Lusitanica, quinquaginta ex improbatis propositionibus restituerunt in integrum; duabus aliis tantum, expunctis. Nempe illa quæ post Manuelem à Clemente octauo fuerat damnata, de Absolutione Sacramentali per literas, cui cum Manuele multi Cyriaci ante Clementem subscripserant; & altera qua idera Saa, benedictionem

Theologorum sententia. Solus Frater Ioannes Baptista DE MARINIS, in gratiam aliquantum Petegolarum, & Achatidis vel palponis sui Augustini de Bellis pro communione feriæ secundæ apud S. Andream à Valle solliciti, contendit, communionem etiam ex opere operato, prodesse iis defunctis pro quorum subleuatione dictæ Petegolæ aliàs *Beghina* communicant. Proh doctrinæ profunditatem & soliditatem, nullis præconiis adæquandam; Audiuit se ubique terrarum, pro hac assertionem suam ludibrium doctis debere; & videtur in aliena vitula araturus, ad stabiliendum quod ipse per se præstare non potest, præ latinitatibus inopia.

Ex his speciminibus, liquere puto, Cyriacorum libros non esse adeo solidæ doctrinæ, quin possint cum siligine latere fursures, cui sit opportunum incerniculum. Non debent ergo statui immunes à censura, ex hoc capite.

DIATRIBA V.

Nullane in libris Cyriacorum, gerra, ineptiæ, ignorantia; Ut propterea quod ad has labea aetinet, immunes esse à censura debeant.

Hic contrahendæ erunt habentæ, ne si omnia persequi velim, excreseat nimium voluminis moles; & fastidium lectoribus creetur. Carpat

igitur ex ampla messe, paucas spicas.

Alanus de Rupe, in rosario Christi & Mariæ, necnon Andreas Coppenstenius, Cyriaci ambo, & ex eorum autoritate scriptor libri de corona Mariana Campitellensi pag. 18. asseruerunt, B. Virginem recitasse rosarium, & quidem tanquam orationē. Cum autem difficile videatur, B. Virginē direxisse orationem ad seipsam; Respondent B. Virginem eam orationem direxisse ad seipsam, prout spectatur secundum suum esse Ideale, ab æterno abditum in Deo. Sub qua ratione B. Virgo, est ipsa diuina essentia; ad quam perspicuum est, dirigi posse orationem. Et in hoc dicunt B. Virginem fuisse similem Christo, qui secundum humanitatem, orabat se prout Dei filium. Verum hoc ipso Theologicæ subtilitatis arcano, quauis arista acutiore, quilibet fidelis, poterit orare seipsum, prout est in diuinis ideis. De hac asinitate, plura alibi.

F. Elizeus Masini à Bononia, Inquisitor Genuensis Ordinis Prædicatorum, insigne peritiæ exemplum præbuit, anno 1612. quo exhibitus est ei Catalogus librorum in scholis prælegendorum, ut posset de more prælo subjici, atque vulgari. At homo in cuius cognomine stoliditas Arcadici Pecuarij delitescit, ubi vidit pro schola Matheseos proponi prælegendum librum, prænotatum hoc titulo, *Euclidis Geometria practica*, eradi iussit illam vocem *Geometria*; quippè (ut aiebat,) Magicam, cum terminetur in *ia*, sicut aliæ plexæque voces caliginosæ, ac furæ, *Necromantia*, *Geomantia*, *Goëtia*, *Chiromantia*, *Pharmacutria*;

Virgenti

Vrgentibus pro exoranda facultate cudendi eum titulum *Geometria practica*, librum esse adhibito eo titulo cūsum Romæ; respondit se velle librum videre. Allatus est liber ex editione Romana; munitus diplomate Pauli V. tunc sedentis ad Ecclesiæ clauum. Vbi librum aperuit, scientissimus bonarum literarum Inquisitor, incidit in figuras Mathematicas in plerisque libri paginis expressas, cum multis lineis se interfecantibus. Exclamat illico Inquisitor. En magicas delineationes, quas mihi vultis obtrudere. Non fiet, Non fiet quod petitis. Et quanquam ingesto volenti nolenti Privilegio Pontificio, quod ad libri principium extabat, & concessione M. S. palatij, & Vices gerentis; tamen stetit immotus, nec flecti potuit, vt vocem illam *Geometria*, mandari typis sineret; ita vt oportuerit, reliquo catalogo typis vulgato eam lacunam calamo explere in singulis pro grammatis. Spectatum admissi, risum teneatis amici?

Pari sapientia alius, doctum Philosophum cui nomen *Constantio*. morte postea apud Sinas in ministerio Apostolico obita, claro; negavit Parmæ facultatem, quippiam edendi de Arithmologia; eo quod syllaba terminalis *ia* Magiam resiperet. Eiusdem Ord. & potestatis Dicastia Romæ è scripto ad exorandam cudendi facultatem porrecto, iussit expungi illa verba, *Sic fata est*, Deleatur (inquit,) vox illa Antichristiana, sapiens Ethnicismum. Nam inter Christianos, authore Augustino, qui fatum agnoscit, fatuus est. Sanè; sed tu non minùs fatuus, qui fatum cogitas, vbi
nemo

nemo illud est fatus, & astrologiam fatariam subolfacis ubi de simplici locutione sermo erat.

Fratribus Cyriacis, plerosque suspectos fuisse hæreseos, tantum quia Græcè sciebant, demonstrat Angeli Politiani Prologus in Plauti Menechmos; amaris & acribus salibus defricans eam supinitatem; de qua sunt etiam expostulationes Erasmi Chiliadi 4. Centur. V. Adagior. Budæi, in opere de studio literarum rectè instituendo *sub initium*, quos deflorauit & aliis additis locupletauit, vir Eruditus, Benignus Sanrey in opere de recta pronuntiatione vocis *paracletus* c. 44. Nec parum his & aliis peritis scriptoribus laborandum fuit, in conuellendo eo fratrum effato; *Cauendum est à Græca lingua, ei qui nolit esse Hæreticus; Quid mirum despuere Græcas literas, homines miserrimè Græcantes? Liquet ipsos tales esse, ex illis apud eos crebris grammaticalibus ineptiis, quod Diabolus dicatur à δία id est duo, & βολus quod morcellum sonat; quia Diabolus facit de homine duos bolos, vnum de corpore, & vnum de anima.*

Imago lenibus typis celanda, calamo tantum delineata, Fratri Serrono, Romæ pro Magistro S. Palatii Typographicis curis inuigilanti, oblata est, à viro cuius laus est in Euangelio per quascumque primarias Italiæ Ecclesias. In ea imagine, signa cœlestia; & in his Virgo, inter Scorpionum ac Leonem media, spectabatur; supposita cuius signo sua nomenclatione, *Scorpio, Virgo, Leo*, Infremuit ad eius imaginis conspectum, Serronus. Et quæ malum (inquit) ista vecordia, Virginem Dei-param

param, collocans inter bestias, Scorpionum, atque Leonem? Quantumcumque ingereret qui imaginem delineatam obtulerat; non Deiparam ea Virginis nomenclatione signari, sed signum cælestes; homo astronomiæ scientissimus, contestans etiam Virginem Deiparam (iuxta S. Bernardum,) esse signum magnum in cælo; perstitit immotus in sententia, nec potuit flecti, ut tantum, (sic aiebat,) Beatæ Virginis inter bestias collocatæ probrum, sua adscriptione firmaret.

Eiusdem farinae est, quod ibidem Romæ contigit. F. Hyacinthus Pandulphus, fatebitur nihil hic affingi. Dicandarum cuidam Eminentissimo conclusionum, consilium injerat in meta philosophici curriculum, unus quidam Marchio. Conclusionum Epigraphæ hæc erat. *Eminentissimo & Reverendissimo Domino, D. Joanni Delugo &c. Marchio Petrus, &c.* Lustrans oculis eam inscriptionem F. Cyriacus, cuius erat conclusiones edendi facultatem concedere, iussit eradi illud *Marchio*, quod censebat esse in in casu dandi, & pertinere ad titulos Cardinalis. Contra morem est, (inquit,) S.R.E. Principem; *Marchionis* titulo donare, dicendo, *Joanni Cardinali Marchio*. At ô bone Frater, *Marchio* est casus nominandi; estque titulus clientis dedicantis, non patroni Cardinalis; quem tamen titulus *Marchionis* non plus dedeceret, quam titulus Comitum, aut Ducum. Et reipsa inter titulos Cardinalis Francisci Dietrichen's, Olomucensis Episcopi, hic quoque apponitur, sic eum compellendo. *Eminentissimo Domino D. Francisco*
· H S.R.E.

S.R.E. Cardinali, Episcopo Olomucensi, Marchioni Moravie. Audin. Marchioni, non Marchio!

Non ita multo post, ibidem Romæ, laudatus proximè F. Hyacinthus Pandulphus, cū recognosceret scriptionem aduersus dogma Iansenij, iussit eradi vocem *dogmatis*, quia vt magnus hic Doctor aiebar, ea vox non potest adhiberi nisi ad significandam assertionem Catholicam; qualis non erat quæ in Iansenio refellebatur. Hoc fecit Pandulphus, non quia de Iansenio pertineret ad eum, quem Cyriaci habent pro collactaneo; sed ne scriptum illud abiret intactum, & expers sugillationis. At poterat scire, S. Cyrillum scripsisse librum hoc titulo *dogmata Nestorij*. Num Nestorius Sancto Cyrillo est Catholicus?

Actus eodem Spiritu, Cyriacorum Trismegistus F. Nicolaus Ricardius, clarus præsertim in Ecclesiastica historiâ, emissio Tomo vno sex circiter pagellarum, in quàm minima fieri potest forma, (24. appellant;) de Gestis in Tridentina Synodo, cum aliquis in scriptione ad recognoscendum oblata dixisset de Magno Constantino Augusto, malè S. Athanasium tractante; *Constantine fidem petis, cum Athanasium insequeris*; petitionem fidei interpretatus postulationem initiationis in Christianum; iussit ea verba expungi, tanquam sordentia Anachronismo; eo quod Constantinus quando S. Athanasium insequabatur, iam esset imbutus nostris Mysteriis, & inter fideles coopertus; ac proinde non expeteret fidei nostræ doctrinâ imbui, ac fidelibus accenseri. Hanc supinitatem,

tem, iste & alij proximè adducti præstiterè Romæ in Theatro orbis amplissimo, in oculis Pontificis & purpuratorum Principum. En quos orbis habet doctrinæ arbitros, & librorum in Catholica Ecclesia recognitores atque censores, quorum iudiciis stent aut cadant Lucubrationes peritorum, ad eos Æacos, nulli innocentiam debentes, vnde-
cunque delatæ; qui quidquid per ignorantiam aut subitum æstum semel dixerint, irretractabiliter est exequendum. Nam maiores furdi sunt ad omnes reclamationes, nec est qui de eorum iudiciis ad incudem reuocandis cura aliqua tangatur.

De alio inter Romanos scriptorum Mastygas, non dixeris, hic niger est, hunc tu Romane caue-
to, cum sit totus Candidus. Eius tanta est sapien-
tia, vt aliquando repulerit Baptistam Giatinum insignem planè & Theologum & Philosophum, ab omnigena literaturâ instructissimum. Repulit autem, quod nollet fateri, *Filium in diuinis, esse Patri similem in natura.* Hoc perinde est, ac si diceretur; Romæ à primario è Pontificiis circa sacram doctrinam administris, repulsum esse insignem Theologum, eo quod refugeret subscribere hæresi Semiarianorum, cusæ à magno Diaboli emissario, Eusebio Nicomediensi; qui vt excluderet *οὐκ ὁμολογῶν* Catholicorum, (referente Niceta Choniæ, lib. 7. thesau. c. 12.) subinduxit vocem admodum affinem; vnico quidem, eoque minutissimo elemento literario grandiore; sed tamen detestabiliter impiam, & hæresi nefaria sordentem; ideoque Constantio Imperatori Catholicæ

veritatis indefesso hosti, probatam, nempe *ὁμοίωσιν* quæ vox Latinè sonat *similem in natura*; qualem dici Filium per comparisonem ad æternum Patrem, volebat is quem dixi candidus Cyriacus; à quo Giatinus, quod eodem modo blasphemare nollet, repulsus est. Adeone albet & candicat primarij Cyriaci, alienorum scriptorum Iudicis Sapia^{ti}a? Malitiam verisimile est abfuisse, sed ignorantia tegi non potest.

Quis verò ille fuit, qui Bellarminum adegerit ad lituram, quia dixerat diuites teneri *Eleemosynam erogare*, siue *poscere* Eleemosinam; quod censebat signari voce *erogationis*? Idem furvus ac niger, nec albus nisi prout Æthiopes vocantur *argentei*, obfirmatè renuit admittere, Christum de potentia absoluta, potuisse in Ecclesia instituere duos, qui simul gererent Vicariam Christi præfecturam; ut erant Consules. Qua obfirmatione, quid imperitius? Volebat etiam agnosci, B. Virginem fuisse Præsidem in Concilio Hierosolimitano, & autorem qui id negarat, voluit ad id è suo libro expungendum adigere: quæ est assertio periculosa & apta ad muniendam viam primatui Elizabethæ Anglicanæ in Ecclesiam.

Criminatus acriter est Ioannem Sancium, Ioannes Baptista de Marinis, quod dixisset, fas esse communicare feria VI. in pasceue. Quod Cenfor iste contendebat esse contra Canones, inter dicentes celebratione Sacramentorum ea die, ut videre est c. *Sabbatho* de consecrat dist. 3. & in Concilio Rothomagensi apud Ordericum Vitalem
l. 4.

l. 4. histor. Normannor. Verùm hic homo Marinus & alter piscis *Colaüs*, præ sacræ latinitatis ruditate; non aduertit, per *celebrationem Sacramentorum*, in Canonibus, non significari perceptionem. Vnde opus S. Ambrosij de Christiani sacrificij confectione, inscribitur *de Sacramentis*: Et opus de ritu missæ à S. Gregorio exaratum, inscribitur *Sacramentarium*. Cæteroqui, qui negarit fas esse percipere Eucharistiam feria VI. in parasceue, suam inscitiam prodet; quasi non legerit S. Gregorium qui de ritu officij feriæ VI. in parasceue agens, sic præscripsit; *communificent omnes cum silentio. Et expleta sunt vniuersa*. Ioannes Lorinus, qui paulo meliùs quàm F. Ioannes Marînus euoluerat Canones, & scita Pontificum ac Conciliorum, semper dum vixit, pastus cælesti cibo est, ea sexta feria. Item Robertus de Abruscellis fundator coetus Fontebraldensis vir Sanctitatis eximiæ, nec sacræ doctrinæ rudis vt eius Acta nuper edita produnt, imò Doctor Parisiensis egregius, maximi suo tempore nominis, sacram communionem suis edixit ea die obeundam. Et Cœnomanis, parroecia integra, dicta die satisfacit communionis Paschalis præcepto, ex vsu antiquo. Contigit hoc Fratri Marino, secundùm consuetudinem ignorantium; quia dedignatus erat consulere Suarem tom. 3. 3. p. d. 80. sect. 2. Vasquem 3. p. d. 2; 2. n. 21. & Scortiam lib. 4. de missa c. 29. num. 10. sed eos authores, Fratrer Marinus & Mineruij, non euoluunt, quippè alienos à prædeterminatione ineluctabili, & à Iansenianis.

Goffridum Viterbiensem suis Cyriacis accenset Bernardus de Luxemburgo, in opere de hæreticis non semel; quamvis Trithemius presbyterum duntaxat fuisse asserat, & aulæ Imperialis Sacellarium, ut addit Possevinus in apparatu. Sed Bernardo rem domesticam scribenti proclivius est assensum præstare. Godefridus, ergo scripsit opus cui titulus est *Pantheon* libris duodeviginti contentum, factum ineptis commentis: quale illud de parvula Christi veste è cælo submissa, & crescente semper cum ipso. Sed & modus scribendi apertè ridiculus est; in textu enim versus leoninos, orationi solutæ, quam mox resumit; mox denuo abjicit; conficiens stroma multicolor, & quasi vestem sponsæ variegatam. Ipse operis titulus *Pantheon*, ridiculus est, & ignorantiam scriptoris præferens. Cum enim ea vox sonet in usu communi ac recepto, templum omnibus diis sacrum, ipse vocem *Panthei* usurpat, ad designandum Chronicon vniuersale, Totus liber scatet ineptiis, non minùs quam *Gesta Romanorum moralizata*, opus in eadem incude subrefactum.

F. Gabriel de Barlette Cyriacus, tractans quomodo Samaritana, potuerit cognoscere quod Christus esset Iudæus; (dixit enim, *quomodo tu Iudæus cum sis*;) respondet, Samaritanam cognovisse Christum esse Iudæum, videndo eum esse Circuncisum. At quomodo hoc videre poterat mulier? Non enim Christo per incogitantiam excidit, vestem reducere, & monstrare velanda corporis. Oportuit ergo iuxta Fratrem Barlettam,

ut

vt Christus meditatò objecerit visui Samaritanae, &c. Proh effrontem Chamum; non minùs hac in parte ineptum, quàm impium & impudoratum. Hic est insignis ille Magister Noster *De Barlette*, qui hostibus fidei Catholicae, vberem sannarum materiam suppeditauit. Henricus Stephanus qui Camarinam ludibriorum in Ecclesiam Catholicam'emisit sub titulo *preparationis ad Apologiam Herodoti*, ad onerandos omnibus probris Clericos & Religiosos, vix habet ludionem quem crebriùs in scenam aduocet, semperque cum elogio *sapientissimi magistri*, vel *Nobilis Ecclesiaste*, cum maximè contendit eum ineptire. Quod vrget inexcusabiliter ab eo factum cum tractat quare Spiritus Sanctus, Christo iam per decem dies in cælum subuecto, distulit descendere, & exoluere promissum Christi. Causam enim refert F. Barlette Cyriacus, in dissensionem ortam inter Patrem & Spiritum Sanctum, (eo quod iste procrastinaret & differret descensum, veritus tractari, sicut Christum conspiciabatur tractatum. Tametsi tandem (vt ait F. Barlette, Spiritus Sanctus statuit descendere, alia forma quàm humana; ne malè haberetur, sicut Christo sub humana forma contigerat. Itaque assumpsit formam Spiritus vehementis & ignis, vt indemnis ac tutus veniret. Vah Cyriaci iudicium!

F. Iacobus de Losanna Cyriacus, qui denominatur in fronte operis *declamator peritissimus*, sermone *de Passione Domini*, cum maximè seriò agendum est, ac ineptiis abstinendum; statum Christi

in cruce, coquinaria comparatione adhibita, sic expressit. [Nota historiam, & expone in Gallico. Vnde isti pessimi Iudæi fecerunt de Salvatore nostro, sicut faciunt homines de Capone; primò depilant eum, postea ponunt in veru, & tandem perforant eum de Cultello, vt probent si benè sit coctus, an non. Sic fecerunt isti pessimi Iudæi, Saluatori nostro. Expoliauērunt eum nudum; affixerunt eum Cruci clauis ferreis; Exposuerunt eum feruori Solis; Et tandem, vt probarent eum, si benè coctus esset, lancea perforauerunt latus eius; & tunc exiuit pinguedo gratiæ, scilicet sanguis & aqua de latere Saluatoris nostri: Benè debemus sustentari in vita spirituali. Et idèd Saluator noster, dicitur verus Pelicanus, qui pro pullis suis fouendis, seipsum interfecit. Sic &c.] Vt cōparatio quadret, oportet hunc *meritissimum declamatorem*, accipere *Pelicanum*, pro *Capone*: Est enim similitudo non parua; quia in vtroque vocabulo, est syllaba *ca* & *P*. cum litera *N*. Vt ergo benè nutriremur in vita spirituali, Christus pascit nos suo *pelicano*, id est *capone* Corporis sui, tosto in veru Crucis, atque perforato per lanceam, vnde exiuit *pinguedo*, id est sanguis & aqua. Euge bone Nabuzardan; cur prætermisisti citrium malum aureum, cuius succo per compressionem affuso, Capo melius saperet? Poteras sanè æque acetum in mali citrij succum mutare, ac Pelicanum in Caponem.

Sancius à Porta Cyriacus, cum vbique altè ac latè ineptit, tum nominatim orationē latinam lingulis vernaculis, vt Capum sectilis lardi turundulis confingens;

configens ; tum magnificè serm. totius operis ultimo, qui est de Annunciatione, habito coram summo Pontifice , propter quem sermonem, gloriatur se factum Magistrum S. Palatij. Est autem sermo , ab initio ad finem , ineptissimis conceptibus fartus. Nam vt monstraret in verbo *AVE* contineri tres personas Augustissimæ Triadis ; ait, secundam literam verbi illius, hoc est *V*. denotare secundam personam ; cuius nomen *verbum* , similiter inchoatur ab *V* ; quæ litera , est etiam nota numeralis, signans quinarium. Quo ipso, insinuat quinque Christi plagas. *E* autem, quia est ultima litera verbi *AVE* signat Spiritum Sanctum , qui est postrema Trinitatis persona. Pari subtilitate ac lepore , paulo post in voce *Dominus* , quam protulit Gabriel , dicens B. Virgini *Dominus tecum* , profundè scrutatus hic seminiuerbius , inuenit septem Ecclesiæ Christianæ Sacramenta , consequenter ad titulum illum *gratia plena* , immediatè præmissum. Ad quod allegat suum sodalem Holcotum. Ait ergo. [Ista pars *Dominus tecum*. sequitur ex parte immediatè præcedenti *gratia plena* Vnde apud eum, (Gabrielem,) ista est bona consequentia , *gratia plena* ; Ergo *Dominus tecum* , & è conuerso. Probo consequentiam, dicit ipse (Gabriel.) Nam tota plenitudo fontis gratiarum , per septem Sacramentorum flumina , in septem literis , quæ continentur in hoc termino *Dominus* , clarissimè adaptantur Prima litera *D* in quo dimissio peccatorum ; Ecce pœnitentia. Secunda *O* in quo Ordo Clericorum ; Ecce Sacramentum Ordinis. Ter-

tia *M* in quo matrimonium coniugatorum ; Ecce Matrimonium. Quarta *I* in quo initium Christianorum ; Ecce Baptismus. Quinta *A* nexus Confirmatorum ; Ecce Sacramentum Confirmationis in quo ligantur. Sexta *V* Vnctio extremorum ; Ecce Sacramentum Vnctionis. Septima *S* Sanctum Sanctorum ; Ecce Eucharistia.] Si quis meditatio vellet ineptum agere, non posset aptius quam iste fecit, ineptire ; præsertim collato studio cum sodali Cyriaco , & abortiones cerebri vtriusque ipsorum , attribuendo Gabrieli Archangelo. Et propter has gerras , ais te factum Magistrum S. Palatii ! Non Credo, Fratrem caput cucurbitæ assensurum. Nisi vererer rumpenda ilia Codro, adducerem ex sermone 17. de Assumptione Missam Pharisei, collatam cum Missa B. Virginis Sacerdotissæ , dicentis *Confiteor*, coram B. Petro curato suo.

F. Bernardus de Luxemburgo Ord. Prædicat. confecit Catalogum Hæreticorum ; sed adeò ineptè , & cum tot hallucinationibus crassis , ut sæpissimè ludibrium debeat Alfonso de Castro : qui frequentissimè in eius supinitates concitatur , & misellum stimulat ad piè recitandam orationem pro ignorantibus, quæ apud Abacuchum legitur. Est verò præter cætera insignis Ethymologicus ; ut cum in prologo libri , ait , *vulpes* dicitur à *volando*. Est peritissimus Chronologiæ , ut cum ait, Antropomorphitas cæpisse anno Domini 549. sub Berengario Imperatore. Et tamen subdit , Theophilum Alexandrinum & Cassianum

num scripsisse contra eos. Arnaldistas quoque, fatetur se nescire quinam fuerint : & tamen de Arnaldo multa subjicit. Nam quod *Galanitas*, putat esse *Gabanitas*, stultum est & nimis pingue.

F. Albertus Vaquerius, ignarus in quæstione scholastica argumentationes pro parte contraria ab iis quibus postea scriptor inhæsurus est, primùm proponi, tum dilui, magnos conciuirumores, contra scriptorem innoxium, qui in disputatione de appulsu S. Mariæ Magdalenæ Massiliam, contra queudam Launoyum, à quo is appulsus tanquam fabula explodebatur; proposuerat primò ratiunculas ipsius Launoyj pro parte negante; subjuncturus quas pro veritate appulsus, contra aduersarium, excogitauerat. F. Albertus Vacquerius, paulo minùs versatus in qq. scholasticis quàm Albertus Magnus, pro suis Sanmaximitanis à Launoyo laceratis sollicitus, adiudicauit eidem cum Launoyo furcæ, impugnatores eius; tanquam ambo idem sensissent; quia hic, primo loco retulerat rationes partis negantis. Quæ sapientiæ in quæstionibus pertractandis profunditate, S. Thomam Atheismi insimularet: idcirco quod initio articuli, *an Deus sit*, præmiserit rationes apparentes, contra existentiam Dei; contrarias mox adducturus, & priores reiecturus.

F. Paulus Gryfaldus, in compendiosa hæreticorum historia, præfixa operi de decisionibus fidei, grauatus est lapsu oscitantis librarij; qui cum suppeteret charta pura in columna Doctorum sacrorum, descripsit in columna hæreticorum, Metho-

diur,

dium, Isidorum Hispalensem, Remigium Rhenensem, Gregorium Turonensem, Cassiodorum, Eligium, Bedam, Antiochum, Victorem Vticensem, Rabanum, Anastasium Sinaitam, Proclum, Ferrandum, Andream Cretensem, Paulum Diaconum Hac ignorantissima exerratione, quæ haud dubie cadere non potuit nisi in Asinum bipedem, perperam videtur grauari Gryfaldus, sed non potuit nisi per auctoris ignorantiam contingere, illa alia aded absona consignatio temporum, qua S. Methodius collocatus est post Anastasium Sinaitam; & Paulum Diaconum ante Proclum & Theophilactum adscripsit anno 538. Pueriles isti anachronismi non librarij oscitantiam, sed Griseam Grifaldi peritiam in ratione temporum produnt.

Abrahamus Bzouius in opusculo de Sanctis Medicis, S. Ioannem Mansur, transformauit in Ioannem Mesue, Sarracenum & Pharmacopolam, tantum ob nonnullam cognominum affinitatem, & nominis, ac patriæ Damasci communitatem. Idem aded conscius fuit historiæ æui sui, vt historiam Concilij Tridentini ab Impio Apostata Paulo Suau, ex omni capite reprobam, vni Tomo suo immissam voluerit. Et iam recognitus erat Tomus, aded reproba merce fartus; iam publici comeatus iure à M. S. Palatij æquè Cyriaco, donatus fuerat; cum subiit Abrahamum cupido, nouæ recognitionis quærendæ, quam aliquis nominatim à summo Pontifice delectus præstaret. Interpellauit ea de re Urbanum VIII. initio morosum

rosam ad concedendam nouam recognitionem. D. Hilarion Rancatus Vicarius Generalis Cismon-
tanus Cisterciensium, denique ad id delectus est à
Pontifice. Is vix paucis foliis euolutis, putorem
operis, & pro suauis odore, auctoris exscripti fœto-
rem illicò odoratus, de morte in olla Pontificem
admonuit, à quo alij insuper recognitores sunt ad-
hibiti. De tanta obesitate ad veritatem pronuncia-
turi, de omnium sententia, factum est Codici
Bzouiano, Pauli Suauis pestifera scriptione sagi-
nato, ita vt Paulus suauis sub nomine Bzouij eden-
dus esset, si codex Bzouij prodiisset; factum in-
quam eo est, quod à S. Ephremo olim esse præsti-
tum circa librum hæreticum, retulit Gregorius
Nyssenus. Mutuo namque per sanctum sumpto
impio volumine, omnia folia interposito glutine
simul sunt compacta; ita vt deinceps explicari ac
euolui paginas, vt ad legendum necesse fuisset,
impossibile fuerit. Eia bone Cyriace, sodales tui
pro paucis Vermilij locis, subjuncto statim anti-
doto exscriptis, Rangolium Virum Doctum, pro-
scripserunt; & tu puro ac puto veneno pessimi
seplasiarij, se Suauem emementis, absque Alexi-
pharmaco, lectoribus tanquam ex tuo narthecio
ad certam perniciem propinando, tuorum faculta-
te non contentus, etiam Pontificem per suum
delegatum adiscere in maleficij consortium sta-
tuebas. Deus pessimum consilium disturbauit per
virum optimum.

In quodam Cyriacorum Hispaniæ cœnobio,
cuius nomen consultò reticetur, obiit F. Cyriacus,
absque

absque Sacramentis. Magna inde concitatio in Priorem Cyriacum in Prouincialibus Comitibus, & non leuis in omnibus Prioribus timor, ne quid tale domi suæ accideret. Aliquo post tempore, Frater quidam media æstate peruenit ad aliud eiusdem prouinciæ cœnobium; æstuans & facie rubens præ vrente Syrio. Vix mulo exscenderat, cum accurrit ad hospitem Prior, & pro haustu ad suum temperandam, præcipit hominem in valetudinariam deduci, ac incœnatum lecto componi. Et nequicquam reclamantem, seque sanum & valentem contestantem, vrget & adigit minis ad sumendam pro Viatico Eucharistiam. Quod vbi factum est, ad extremam luctam, inungi oleo infirmorum, hominem mandat; & vix Sorbitiuncula ad sustentationem impertitum, noctem sub cura valetudinarij exigere præcipit. F. Hospes, eam tractationem, postridie tumulatione ac inferiis excipiendam veritus, nocte concubia euolans ad stabulum quo mulum suum adueniens incluserat, tentato egressu, è cœnobio clam omnibus, se festinus proripuit; & fatuum Prioris zelum supra paratos suscitare Leviathan proscidit. Euge exquisitam, laborantium procurationem.

Ad ipsum ignorantiae verticem, pertigerat Cyriacus ille qui Ioanni Pico, Mirandulæ Principi, ingeniorum æui sui Phænici, negotium præ cæteris facessuit, emotus mente, præsertim ad nomen *Cabala*. Sic enim lego de eo in Apologia q. 4. quæ erat de Cabala & Magia naturali. *Interrogatus quidam ex eis* (ex Cyriacis qui negotium Pico

Pico facellebant eo quod Cabalæ meminisset;) quid esset ea Cabala; Respondit fuisse perfidum quemdam hominem, & diabolicum, qui dictus est, Cabala, & hunc multa contra Christum scripsisse, inde sequaces eius dictos esse Cabalistas. Exclamat ad eam supinitatem Pico, & meritò. *Quis quaso hic risum teneat!* Præmiserat verò; horrendum istis Patribus videtur hoc Cabala nomen, & ex ipso penè sono timendum, ita ut fortè sint ex ipsis, qui Cabalistas, non homines, sed hirco cernos potius, vel Centaurum, vel omnino monstruosum aliquid esse suspicentur. Videbis Bonfrerium, in præloquiis ad scripturam c. 21. sect. 1. n. 2. has officias depellentem.

F. Thomas Valois, adiutore F. Nicolao Triuet, conscripsit commentarium in opus D. Augustini de Ciuitate Dei, tam multis ignorantibus, ineptiis, gerris, anilitatibus, figmentis fartum, ut videatur vna perpetua somniantis exerratio. Ludouicus Viues in præludiis, ad suam eiusdem operis Augustiniani illustrationem, aggressus sertum ex hisce ludicris carpere; abiecit hastam, videns si quis suscipiat ludicrorum illius Fratrum Commentarij colligendorum Prouinciam, totum opus fore exscribendum. Itaque Viues specimine nugarum parè decerpto & exhibito, dimisit earum plenitudinem. Ego pariter vna & altera, ex innumeris quibus integer Commentarius redundat, nugacitate & crassa ignorantia repræsentata, cæteras præteribo.

Ad libri ergo secundi caput 4. de Berecynthia differentes commentatores Cyriaci, tradunt; Atyn fuisse

fuisse speciosum puerum, Berecinthiæ oblatum ut
 voueret castitatem, & seruiret sibi in templo suo.
 Itaque factus est Sacerdos, sed postmodum votum
 suum fregit; propter quod Dea irata immisit ei
 furorem quo penitus se exsecuit dicens. *Ab pereant
 partes quæ nocere mihi.* In eius Deæ cultu, alter ex
 iisdem Commentatoribus eiusdem libri c. 26. ait,
Symphoniacos dictos esse, qui Deæ Imaginem
 Syphonibus in eam à posteriori parte intortis
 reuererunt: *Syphon* enim vnde *Symphoniæcus*, dici-
 tur, à Sybilo *b.* in *f.* commutato. Vnde sonitus
 quo oppedentes in Deam perstrepebant, *Syphon*
 dicebatur, & ipsi Deæ Ministri *Symphoniaci*. Sic
 enim iuxta F. F. Valois, atque Triuetum c. illo 4.
 habet lectio probatior; cum ea quæ protritior est,
 habeat *Symphoniaci*. Iidem dicebantur *Corybantes*,
 Et dicebantur etiam *Scenici* à Scena, quæ propriè
 est domuncula in medio Theatri, quales sunt do-
 munculae tabernariorum, vel mercatorum in nun-
 dinis. In ea domuncula erat pulpitus, quem ascen-
 debant illi qui fabulas recitabant, & quot erant
 carmina, tot reputabant apposuisse fercula. Ad
 hanc Deam quando eius imago erat in Pessunio,
 Consules, Prætores, ac similes, victoriam aliquam
 consecuti, adibant, vota sua persoluturi, & eidem
 Deæ, Domitianus templum *Pantheon* construxit.
 Hæc & alia de Berecinthia F. Valois, suffragante
 F. Triuet, collato studio; Nam ad tantæ eruditio-
 nis fruges aceruandas in hoc commentationis hor-
 reum, non suffecisset eorum vnus. Sicut nostra
 ætate, ad explanandam caliginosissimam Ezechie-
 lis

lis prophetiam, duo insignes viri, collato studio in conscribenda eius interpretatione collaborarunt. Neque tamen (quamvis plus videant oculi quàm oculus,) videre hîc fratres, si nugari vacabat; aptiùs syphonem, accipiendum fuisse de aqua pedum, quam in Deæ aram; allegato Iuvenale sparsam à micturientibus; (imò à mingentibus,) volunt, sic exponentes Poëtam; quàm de bombo postico, in Deæ faciem disploso. Cauendum est, ne rumpantur ilia Codro, si in talia legendo inciderit.

Dignum verò videtur, non præterire quæ de sacris addunt; quibus nomen *phrygalia*, vel *phrygalia*, siue *Bacchanalia*, in quibus viri & mulieres adunabantur, & *faciebant totum*: Et dicebantur *phrygalia*, à Phrygia in qua ista Dea colebatur. Quia verò omnes Poëtæ, vocant Phryges timidos, propterea D. Augustinus vocavit ea sacra *fugalia*, à fuga quam ineunt qui timent. Ludos illos scenicos, Berecinthiæ Deæ faciebant poëtæ: & illis seruiantes, in dicto pulpito recitabant; sub eis thymelici instrumentis Musicis canebant. Mimi autem ac histriones ea motibus corporis effigiabant; vt Commentatores aiunt ad c. 8. eiusdem libri, vbi subdunt, Poëtas alios fuisse Comicos, sic dictos à *comis* id est *pagis*, & *odos*. id est *cantus*; quasi *canis villanus* quia circa pagos & villas consueuerant cantari: vel certè dicti sunt *Camici*, à *comestione*; quia post comestionem indulgebatur talibus. Poëtæ hi Comici non agebant nisi de factis hominum priuatorum: sicut Tragici
I sic

id est alter ille sanguis qui per ejectionem alterius purgatur. Sic illi. Tot verba, (& hîc & superius) tot errores; nec possent vlla Arcadiæ pecuaria ruderere inconcinnius. An non ipsi hominum *Apices*, & *Germanè* loquentes? Ita sanè iuxta istorum Glossam. Nam ad lib. 2. c. 13. Cùm D. Augustinus dixisset. *O an mun germanè Romanum!* ipsi sic Glossant; *Germanè id est altè, vel immaniter. Nam Germani habent alta & immania corpora*, Et eodem lib. c. 15. cum D. August. dixisset de lino vel lanula capiti flaminum adhibita, *Flaminem apice teste in Romanis sacris excelluisse*. Glossa istorum habet. *Apex nomen est cuiusdam historiographi Romanorum*. O miram metamorphosim. Deus è limo hominem finxit; isti ex lino aut lana (ea enim erat apsi materia,) hominem formant, qui testetur, hominem gestatorem apsi, vel apsus, in Romanis sacris excelluisse.

Ignorantiæ nota est, præproperè damnare, ut etiam Aristoteles observavit. At hoc solemne est Cyriacis, fuitque iam olim. Cum primùm aliquid audiunt ab alio prolatum, quod apud suos non sit protritum; illicò inlidunt anathema maranatha. Dixit vnus Minorita, in Sanctonibus, in quodam suo cœnobio, haberi guttas aliquas sanguinis Christi patientis, insperfas alicui materiæ è terra sancta asportatæ. Confestim it Cyriacorum clamor cœlo, & confestim decernitur damnanda sententia, admittens aliquem Christi sanguinem esse interris residuum. Turrecrementa ad c. *Innitat.* de consecr. dist. 2. ei sententiæ inurit notam erroris in

fide suum faciens virulentū sensum Ioannis de Poliacco. Sed Ecclesia per Pium II. nigrū illud theta erasit. Scripsit Suarez, probabiliter defendi posse, Christum conceptum fuisse ex materno semine. Conuolant in eum tanquam in cadaver Hæreticum, Cyriaci. Scripsit Cosmas Philiarcus, in apparitionibus Sacramentalibus abscedere Christum, cum aliquid carneum aut cruentum æquè omnibus obijcitur ad longum tempus; id quod etiam antè in Germania dixerat quidam Theologus. Hunc confestim, F. Henricus Institor, Ord. Cyriacorum, fungens munere Inquisitoris, hæreticum pronunciauit; & sub excommunicationis interminatione eam assertionem retractare mandauit; præpropere & casso mandato, cum sit contra torrentem Theologorum de quo alibi. Nec aliter Philiarco contigisset, nisi Florentia esset in Tuscia, procul à Germania; & nisi Franciscani essent in Tuscia Quæsitores. Scripsit Ludouicus Molina, se non posse capere quomodo prædeterminatio voluntati ineluctabilis, cohæreat eum expedita libertate. Succlamatum statim est à Fratribus Cyriacis; Tolle, Tolle, crucifige eum: Semipelagianus est, eradatur de terra uiuentium, & cum iustis non scribatur. Ægidius de Coninc, contra receptum apud Cyriacos sensum, dixit aquam vino admistam immediatè verti in sanguinem; & aquam non posse à vino ita subigi, ut vinum fiat. Confutatis hisce scriptis, flammis acerbis addictis, Petronius & Coquetius, Cyriaci, (vterque sub nomine *Hyacinthi*, Paliurus,) de auctore;

tore statuunt, quod de suspecto hæreseos esset discernendum. Hinc patet quod assumebam, Cyriacos attendentes ad pauca, facile pronunciare, euidenti ignorantia suæ argumento.

Videat verò lector, Cyriacorum ignorantiam malignitate commistam. Passim cum ad eos defertur liber, aut scriptum quodcumque, commendans Conceptionem passiuam Deiparæ à puritate; dicendo, *purissima conceptio* vel *pura conceptio*, iubent has voces expungi, quia Ecclesia docet nihil esse definitum ex fide circa conceptionem. Hoc vltimum verum est; sed ista cauda ad quem vitulum pertinet? Quanta ignorantia est, existimare, simplicem assertionem puritatis siue nitoris à labe peccati, esse affirmationem eiusdem nitoris, tanquam ex fide definiti? Et tamen S.Thomas (qui Cyriacis est pro Deo scientiarum,) apertè cum S.Anselmo lib. de conceptu Virginali cap. 18. agnoscit in 15. dist. 44. q.vn.art. 3. ad 3. puritatem Deiparæ; (audin? *puritatem*.) fuisse huiusmodi, vt maior non possit sub Deo intelligi. Et ibidem conceptis verbis agnoscit, conceptionem illam caruisse peccato originis. Neque tamen idcirco affirmat, hoc esse ex fide diuina credendum; alioqui Væ Cyriacis nitorem illum inficiantibus: nam iudice S.Thoma, essent hæretici: Hæc tamen non tam est nuda ignorantia notionis vocum, quàm malignitas in obtrudenda priuata ordinis doctrina, & excludenda piissima sententia, prætextu non violandi decreta Ecclesiæ.

Similem ignorantia notionis vocum, cum non-

nulla mixtura pugnae pro domo sua, cernere est
 in decreto quod horum artificio extortum est cir-
 ca auxilia diuinæ gratiæ. Cum enim initio cau-
 tum duntaxat esset, ne inter tractandum de auxi-
 liis, quisquam alterutram partem sugillaret acer-
 bius; sed quisque partem quam amplexus esset,
 modestè & salua charitate propugnaret; Cyriaci
 videntes magno cum cordolio, se in dies obrui
 molibus scriptionum; prætexentes pacem, extor-
 serunt secundum decretum, ne ea materia de di-
 uinis auxiliis efficacibus eluctabilibus, vel inelu-
 ctabilibus, tractaretur libris editis; cuius decreti,
 ipsi ob munus quod apud S. Inquisitiones gerunt,
 curam habent. Sed ita cum amicis suis, qui post
 decretum scripsere, se habent, vt gratiam edendi
 faciant, vel si ediderint se inconsultis, dissimulent
 violationem decreti. Testes qui post decretum
 secundum, vulgarunt tractatus de eo negotio, &
 impune tulerunt, quia stabant pro prædetermina-
 tione & auxiliis ineluctabilibus, *Gibieus* in opere
 de libertate Dei & creaturæ; *Didacus Alnares* libris
 quatuor responsionum ad objecta sibi & suis.
Michaël Zanardus in 1. p. & ibidem *Nazarius* ad
 q. 23. *Theophilus Mennius* disp. 6. Theolog. *Albelda*
 de discrimine auxiliorum. *Gregorius Martinez* 1. 2.
 q. 11. *Guilelmus Camerarius* in antiquitatis victo-
 ria. *Philippus à sancta Trinitate* 1. 2. tract. 3. disp. 3.
 & 4. alique permulti, post interpositam prohi-
 bitionem vulgati; & tamen quia amici erant Cy-
 riacis, irreprehenfi. Si autem pro contraria parte
 dicatur verbulum, vel si præcisè dicantur hæc
 verba,

verba, *gratia efficax non prædeterminat; vel gratia efficax potest abjici*, illicò spongia Cyriaca ista inducit. Contendunt enim Cyriaci, hoc esse contra decretum de non tractando. At ô boni, *tractare* non est simpliciter asserere; sed est disputando agitare; & hinc & inde vtrò citròque discutere aliquam quæstionem. Videsis D. D. ad leg. 11. §. ultimo ff. *ad l. Iuliam*. vbi *tractare*, exponitur *discutere*. Discussio autem non potest fieri per simplicem assertionem. Est ergo maligna ignoratio terminorum, vt fastidium creetur aduersario cuius Cyriacus quæsitior Pars simul & iudex est, vnicum verbum, vel simplicem propositionem, vocare *tractationem*, & idcirco eius vulgationem prohibere. Audaciùs verò fecerat, qui strangulaturus sententiam Iesuitarum, voluit ea prohibitionem tractationis de efficacia auxiliorum, comprehendit tractationem de libertate expedita; & tractationem de scientia futurorum sub conditione; sine qua scientia, exclusis prædeterminationibus, tolleretur infallibilitas diuinæ prouidentiae circa electorum salutem, & tota doctrina Iesuitarum rueret, magno Cyciacorum commodo. Iamque molitudo vitellica manus dederat, contenta vt tractatione de ea scientia abstineretur, ne Crabrones Cyriacos commoueret; sed sapientiorum curis, artificium illud Cyriacum dissectum est; monstratumque, aliud esse tractare de auxiliis; aliud tractare de scientia illa.

Pro Coronide, ad abstergendum amarorem ex tot Cyriacorum gerris, ineptiis, ignorantibus, subijcio

facetum paradigma concinnæ ineptitudinis, quod subministrat Dominicus Soto in senatu Cyriacorum haud quaquam pedarius, sed de primoribus vnus. Is volumen scripsit *de Iustitia*, decem libris comprehensum, Indicem librorū & quæstionū aded affabrè tornauit Sotus, vt quod ad libros attinet, decies; quod spectat ad quæstiones, septuagies eoque amplius, commutarit phrasim qua numerus articulorum vel quæstionum est exprimendus: Et quasi peccatum foret in confessione exprimendum, iterare verbum in hac oratione sua, ad singulos libros, & ad singulas quæstiones, fatigauit collectores phraseon, vt haberet vnde declinaret Tautologiam, suamque locutionum eodem sensu fortatū peritiam ostēteret. De libris sic habet. Liber primus, *in septem quæstiones secatur*. Liber secundus, *in quæstiones finditur novem*. Liber tertius, *quæstiones sibi sumit septem*. Liber quintus, *quæstionibus locupletatur duodecim*. Liber sextus, *in quæstiones distrahitur sexdecim*. Liber septimus, *quæstionibus adornatur sex*. Liber octauus, *quæstionibus tribus perficitur*. Liber nonus, *quæstionibus ditatur octo*. Liber decimus, *quæstionibus absoluitur quinque*. Papæ, quanta multiplicium phraseon de eadem re subiecta feracitas!

At multo magis facundæ Soti vena se prodidit circa quæstiones, quibus contentorum articulorum numerum sic exprimit, semper ad gloriam Dei euariando. Prima quæstio *amplectitur articulos quatuor*. 2. *articulos sortitur duos*. 3. *articulis absoluitur quatuor*. 4. *articulos sibi vindicat quinque*. 5. *articulos*

An Cyriaci ineptiis ac inscitis liberi. 129

5. articulos habet quatuor. 6. articulos comprehendit octo. 7. articulos continet tres. 8. articulos tenet quatuor. 9. articulis 12. superbit. 11. articulis conficitur sex. 12. articulis est contenta quatuor. 13. articulos habet non plus duos. 14. articulis donatur quatuor. 15. articulis perstringitur duobus. 16. articulis est pradita tribus. 17. articulos possidet quatuor. 18. articulos complectitur octo. 19. articulis tribus expeditur. 20. articulos sibi vendicat sex. 21. articulos vult quatuor. 22. articulos sibi poscit septem. 23. articulis constat duobus. 24. articulis explicatur tribus. 25. Vnicus est articuli. 26. duorum est articulorum. 27. articulis instruitur quatuor. 28. articulos continet quinque. 29. quatuor est articulorum. 30. articulis dotatur novem. 31. trium est articulorum. 32. articulos continet sex. 33. articulis peragitur quatuor. 34. articulos possidet quatuor. 35. articulis fulcitur quatuor. 36. articulis pertractatur quatuor. 37. articulos exigit quatuor. 38. articulis declaratur tribus. 39. articulos postulat quatuor. 40. articulorum tantum est duorum. 41. articulis adornatur tribus. 42. articulis exornatur sex. 43. articulis enucleatur tribus. 44. articulorum est duorum. 45. articulos sortitur duos. 46. articulis enodatur tribus. 47. articulis est contenta duobus. 48. articuli est unius. 49. articulis perficitur duobus. 50. habet articulos duos. 51. gaudet articulos unico. 52. articulis prae fulget quinque. 53. articulis finitur duobus. 54. articulis excolitur tribus. 55. articulos vult quinque. 56. duorum est articulorum. 57. articulos capit tres. 58. articulos occupat quatuor. 59. duobus quuntaxat articulis absoluitur. 59. articulis accipit or-

natur. 60. articulos quatuor complectitur. 61. articulos retinet tres. 62. articulis fruitur quatuor. 63. unum atque alterum habet articulum. 64. articulos obtinet quatuor. 65. articulus quatuor perficitur. 66. duorum tantum est articulum. 67. articulos est nata duos. 68. articulos est adeptus tres. 69. articulos est sortita duos. 70. articulis est contenta quatuor. 71. articulos sibi usurpat quatuor. 72. articulos exposcit quatuor. 73. articulum quinario concluditur. 74. articulis concluditur feliciter plus minus septem.

Quid ais lector? Quam vberi vena Latinitatis, locupletatur, superbit, ornatur, extollitur, Soti de eadem re locutio? Obstupuere omnes ad unicum illum versum, *Tot tibi sunt dotes Virgo, quot sydera cælo*, millesies ac vigesies bisque replicatum, ex iisdem vocibus variè collocatis. Nec minor fuit admiratio, ob unum illum versum de S. Agatha, *Quis dei me sacros Virgo tibi fundere versu?* ex iisdem vocibus reuersatis, multiplicatum in versus ultra ter mille, à Petro Herrera in Cataniensium historia. Soto si huic versuræ se addixisset, & reuersandis hisce subcinerciis panibus

dedisset operam, supra omnes micuisset;

ut ex hoc indice coniectatur, qui

simul prodit cordis in hoc

Cyriaco inopiam.

* * *

DIATRIBA VI.

Adeone exulet à Cyriacorum libris fermentum imposturae atque mendacij, ut iure ex hoc capite, sortiantur à censura immunitatem.

HÆc causa immunitatis à relatione in indicem, non potest verisimiliter proferri: quia Cyriaci sunt homines; atque aded scripta & verba eorum, falsiloquiis sunt obnoxia; præsertim cum agitur honor ordinis, ut testatur versatus diu inter eos Ambrosius Catharinus. Pauca commenta per Cyriacos obtrusa, signatum venio.

Reuereri tamen placet Albertum Magnum, tametsi satis constat legi apud eum commenta multa, huic loco apta. Antonius Bernardus Episcopus Casertanus l. 29. euerf. singular. certam. sect. 2. aliter cum Alberto egit, refellens Pomponacium, qui nixus Alberto l. 3. de motu anim. asserenti se vidisse duos pueros, quorum vni si deferretur iuxta ostia clausa, aperiebantur; si dextrosum sita essent; sicut alteri contingebat quoad ostia clausa sinistrosum; inferebat causas naturales posse agere absque contactu. Hoc ergo Pomponatij placitum refellens Bernardus, ait quoad pueros illos ex Alberto teste oculato adductos. *Videret hac Aristoteles, diceretque; Albertum nar-*

rare

rare somnia, & qui dixerunt hæc se vidisse; eos quoque fuisse deceptos, & ita nihili faceret Alberti autoritatem; præsertim eum is sit qui suo tempore viderit plura in rebus naturalibus miracula, quam ceteri omnes, à principio mundi, usque ad hoc tempus. Quæ quidem cum rationi consentire non videantur, rationi consentaneum est, ut opinemur, eum sibi finxisse illa quæ narrat vidisse præsertim eum sint supra naturæ ordinem; ipse verò non referat ad causas supra naturam; in quo sanè eo magis videtur esse reprehendendus, cum esset ex iis qui Christi Sanctissimam Religionem sectantur. Reuereor (vt iam præmisi) Albertum; propterea quæ nolo adscribi Antonio Bernardo, mendacitatis eum arguenti; malo autem quæ apud eum leguntur incredibilia atque fictitia, tribuere interpolatoribus operum Alberti; siue fuerint domesticæ, in hoc genere admodum nauis; (vt mox patebit;) siue fuerint externæ: Sicut quæ de capite æreo apud Albertum responsa dante, & per D. Thomas confracta iactantur: & quæ de vere, media hyeme in gratiam Imperatoris inducto, circumferuntur, commenta sunt, non ipsius Alberti sed otiosorum. Deinde hæc, nimis remota sunt: propiora attingamus.

F. Ludouicus Vrette Cyriacus, satis spissum volumen vulgauit de rebus Abbassinorum, totum commentis refertum ab initio ad finem; ita vt hic autor sit supra Ctesiam, fabulosus, & mythologus supra Lucianum in vera historia. Censuit enim posse se de oris adeò dissitis & rarè aditis per Europæos securè mentiri; *De longas vias,*
luengas

luengas mentitas, (vt habet Hispanicum adagium à Cano memoratum 11. de locis, c. 6.) Inter alia ait F. Vrettè, per Abassiam vniuersam, esse multa Ord. Prædicatorum cœnobia, sed duo præ cæteris celebria; quæ, *de plurimanis & Alieluia* nominantur. In priore, ait degere nouem millia Religiosorum Ordinis Prædicatorum; In posteriore, septem millia. Addit esse ibidem in Abbassia, tertium eiusdem sui Ordinis Cœnobium cui nomen *Bedenagli*, in quo degunt fœminarum Deo addictarum quinque millia. Item addit, de causa foundationis illorum cœnobiorum; quæ iuuerit legere, cum quis fuligines bilis atræ excutere, & in effusum risum solui amauerit. Legi autem possunt apud illum, vel quia liber Lusitanicè conscriptus est, & infrequentius occurrit, legi possunt apud Nicolaum Godignum l. 1. de rebus Abassinorum c. 34. qui conuincit manifestis argumentis, & oculatorum testium relatione, omnia prædicta & ferè quæcunque in Fratribus Vrettæ volumine continentur, sordere continuo mendacio. Sed illud impium ac perniciosum, & cum graui peccato mortali coniunctum, vt benè statuit Besslerus l. 6. de conscientia c. 21. n. 284. quod cum multos Cœlites fictitios ex ora illa & ex ordine suo inferat cœlo, factum est, vt aliqui Improvidi; per eum acti in fraudem, non aliter quàm Iudæi illi in l. 1. Machabeorum c. 1. dicentes *homo de semine Aaron venit, non decipiet nos*; retulerint in indices sanctorum, & aut colendos aut imitandos proposuerint hos Cœlites

Vrettanos

Vrettanos; hoc est, *Chimaras sanctorum*, qui in rerum natura nunquam fuerunt. Fecit hoc syluanus Razzius, fecit etiam Antonius Balinghen, & congestor exemplorum ad sacras Cathecheses. Benignè faciat Deus benignitati nimix Nicolai Godigni, qui aded noxium blateronem, spongia potius, tentauit eluere, quam strigili (vt par fuerat) defricare; Et in causa fortassis est, cur Congregatio sacrorum rituum, ad tantam Impietatem hæcenus siluerit.

Contermina est, fictioni cœlitum, fictio cœlestium operum; puta miraculorum, ac reuelationum. Non fuere parci huiusmodi mercium adulterinarum, Cyriaci; sed ea maximè celebris in hoc genere mendacitas fuit, quam descripsere Trithemius, Surius, Baselius, Petrus Martyr Anglerius, ac Henricus Spondanus, aliique. Frater inter Cyriacos Laicus, Ioannes Ietzer, Zurzaco oriundus, professione sartor, implanatus est à quatuor primariis Bernensis cœnobij Patribus, Ioanne Vetter Priore, Stephano Bolthost concionatore, Francisco Vleti Supperiore, Henrico Stenieckeo Procuratore, ad confingendum miraculum contra immaculatam Deiparæ conceptionem. Sed veritate resecta, Bernates nondum tunc Zuingliano mero inebriati, egerunt apud Iulium Secundum Romanum Pontificem, vt Lausanensis Episcopus, in eos inquireret. Quod cum Episcopus, rite ac ex iuris præscripto fecisset; quatuor primarij Dominicani, (Vt ait Surius,) degradati sunt, posteaque flammis absumpti,
ob

ob falsa miracula , ad falsitatem asserendam, conficta.

Tametſi nihil videtur neceſſe , poſt tam luculenta miraculorum ac reuelationum figmenta per Cyriacos obtruſa , alia eam in rem exempla quærere ; tamen non ibi ſtetiſſe artem *pretiandi* Cyriacorum (retineo Emphaticum poetandi verbum, à Lucifero Calaritano l. 2. pro S. Athanaſio adhibutum pro verbo *ſingo* ;) docet Eleutherius Bizenus in Apologia metrica pro Reuclino , quam inſcripſit *Triumphum Capnionis , ſiue Reuclini de Fratribus* quos Capnio , ſiue Reuclinus domuerat , ac ne ſibi nocerent obſtiterat. Poſt adductam ergò Stropham Bernenſem , addit, eam narrationem iam eſſe antiquam ; ſed nouas ac recentiores ſuppetere.

*Iam Vetus hiſtoria eſt. Quod Galla Luſetia narrat
Vnius eſt anni ; Quoddam de plebe Cadaner
Reſtituiſſe anima , veſtraſque , vt crederet artes
Decepiſſe rudem populum , pœnâſque dediſſe.
Veſtra hac , ſun. Et adhuc alios depoſcitis igni ?*

Aſſatur Cyriacos , exprobatque eis , (vt paulo poſt nominat) *Parrhiſum nefas*. Hoc quale fuerit Annales Gallicani plenius produnt ; Tametſi Eleutherius ſatis expreſſit. Addamus alia.

Plenam miraculi, Caroli ſecundi Siciliae Regis & Prouinciæ Comitſ liberationem à captiuitate qua apud Arragonios detinebatur , factam interuentu B. M. Magdalenæ , narrant plerique Cyriaci, ex quibus Sylueſter Prierias , in Roſa aurea tract. 2. Sermone in feriam v. Octauæ Paſchatis.

Res

Res breuiter iuxta eos sit habet: Carolus nauali pugna cum Rege Arragonum congressus sub annum 1279, Vincente Aragonio, captiuus Barchinonem ductus est, & duro carceri mancipatus; cūque indubitatam mortem operiretur, monitus est à F. Guilelmo de Ionnaij Ordinis Prædicatorum qui ei erat à confessionibus, vt B. Magdalenam quæ in Prouincia Salyum ipsi Carolo subdita prædicauerat, & in specu ad S. Maximinum triecenariæ pœnitentiæ solitaria perfuncta labore obierat, in patronam assumeret, eique causam suam & libertatem commendaret. Dictum factum: & Ecce pridie festi B. Magdalene apparens Carolo per noctem, beata; vt se sequeretur admonuit; cūque aliquantulum progressus Carolus sibi videretur, audiuit de eo sciscitantem ductricem suam, vbinām se esse crederet: illo respondente, intra muros Barchinonenses Falteri (inquit,) nam non nisi vna leuca abes Narbone; & supra triginta Leucas iam emensus, calcas terram tibi subiectam. Reponente Carolo; & quid pro tanto beneficio posset referre; respondit sancta Latent in S. Maximini ora, reliquæ meæ. Substituto enim alio cadauere delusi sunt, qui eas Vezeliacum asportare quærebant; & vbi primū condita fuerant, remanserunt. Tu eas honorificè colloca; & fratribus meis Ordinis Prædicatorum Religiosis, asseruandas committe, assignato censu annuo pro centum fratribus, vt semper ibi vigeat studium generale. Sic fata Magdalena, disparuit. Et Carolus eo ipso loco

crucem

crucem figi iussit, cui hodieque nomen est *Cruce de Leuca*. Moxque super Gabellas Niciensis ciuitatis, & alias, præscriptum annuum censum fratribus Sammaximitanis constituit; & duodecim cœnobia Ordinis Prædicatorum, vel etiam plura in Neapolitano regno erexit. Sic Syluester, mox totam visi cœlestis narrationem retexens & aliter describens. Historici autem Galli, totam de Carolo per Magdalenam liberato narrationem, & translationem Caroli adeò subitam, & commendationem Fratrum, ac pinguis redditus præscriptam à Magdalena assignationem, ablegant ad Deum Fabulinum. Carolum autem ad suos inita pace cum Aragonio, liberum reuoluisse absque miraculo, vt exploratum ponunt. Neque sanè in Chronicis vulgatis, & in actis S. Magdalene, extare aliquid eorum quæ retulit, fatetur Syluester.

F. Ioannes Vincentius Ordin. Prædicatorum, quomodò dementata per confictas reuelationes plebecula, in Ciuitatis Bononiensis dominatum se insinuarit, & septus armis, ciues pro libito ex vrbe pepulerit; vel in ea retinuerit; Narrat Baptista Fulgosius l. 1. tit. de Religioso cultu c. 1. ex Guidone Bonato, res sui temporis describente. Et addit Fulgosius, de Hieronymo Sauonarola, qui per triennium, Florentiæ sparsis multis reuelationum figmentis, exercuit dominatum; & tandem iussu Alexandri V I. non sine tumultu & sanguine captus, ac post solèmnem exautorationem, viuus flammis combustus est, falsus sua

commenta. Qui hunc Æthiopem dealbare conati sunt, operam luserunt vt monstrat Delrio 4. magic. c. 5. q. 3. sect. 6.

Confectam à Cyriacis reuelationem de maculata conceptione passiua Deiparæ, factam S. Catherinæ Senesi, euincit Delrio ibidem sect. 4. post Catharinum lib. 3. de immacul. concept. *sub inidem*. Quod enim Fratres, vrgerentur reuelatione B. Birgittæ, de nitentissima & prorsus maculæ experte conceptione B. Virginis, vt clauum clauo truderent, reuelationi veræ qualis fuit Birgittana, falsam ex sua incude obiecerunt. Dolus an virtus, quis in hoste requirat?

Binas reuelationes pro astruenda sublimitate doctrinæ S. Thomæ, retulit Lucas VVadinghüs in additionibus ad Tom. 3. quas adiunxit tomo 7. pro anno 1308. Prior est, quam narrat Baltazar Aruis serm. de S. Thoma, de quodam Minorita, indefessè Scotum euolvente & absque fructu; interpellato autem ea in re S. Franciscò; ait apparuisse illi S. Franciscum, hærente lateri eius S. Thoma. Tunc S. Franciscum supplici dixisse de S. Thoma, *hunc lege, hic enim dicet tibi quid te oporteat facere*. Posterior reuelatio est ea quam narrat F. Ioannes de Mata serm. de eodem S. Thoma. Exhibeo breuiculum. Franciscano in quadam Theologica difficultate implexo, apparuit B. Virgo media inter SS. Franciscum & Thomam, dicens illi Minoritæ; monstrato S. Thoma, *huic inhære; eius enim doctrina semper permanebit*. Vtramque hanc narrationem, esse meram fabulam,

fabulam, à Cyriacis concinnatam ad extollendam S. Thomæ doctrinam, quasi extra eam non sit alia, prosequitur idem VVadinghus. Commenta ista sua obtrudentes in concione prædicti Fratres non considerarunt quàm graue scelus sit, reuelationes falsas aut miracula conficta inter prædicandum obtrudere: in quam rem agit efficaciter Ioannes de Anania in c. *Fraternitatis* de Hæreticis. Videtis item de scelere affingendi sanctis miracula Petrum Damiani, initio vitæ S. Dominici Loricati:

Vrgebatur Canonizatio Pij V. ex Ordine Prædicat. Assumpti & negotium belle procedebat, pro insigni illius Pontificis sanctitate, & multis operibus supra naturam quibus Deus mirificauit sanctum illum suum. Nescio tamen quis Cyriacus, censuit splendori illorum operum aliquid deesse. Itaque suppleuit pro costa carnem. Sed Auditores Romanæ Rotæ, qui in negotio Canonizationum omnia penitissimè ad intimas vsque fibras discentiunt, aduerterunt sutelam, unde iniecta est negotio remorazita vt cum per breui conficiendum putaretur, dilatio sit interposita; vt discant Commentores, in huiuscemodi rebus, nec figmento, nec fermento, locum vllum esse debere. De veritate huius querelæ, locuples testis esse potest F. Baptista Marinus. Nam aderat. An etiam intererat?

Confictam à Cyriacis Iunioribus, in cœnobio S. Mariæ supra Mineruam degentibus, magnam copiam miraculorum Thomæ de Lemos;

anima simplex Hyacinthi Coquæi libro suo de visceribus maternis B. Virginis erga Ordinem Prædicatorum, immisit. Implanatus enim est Coquæus, Literis hudionum illorum senili simplicitati illudentium, vt retulit, nec sine detestatione, grauissimus Antistes ex Cyriacis assumptus. Librum Coquæi cūsum in Belgio, fartum commentis, legere memini. In eo, Thomas de Lemos, assertor prædeterminationum ineluctabilium, & monstrorum contra robustissimam & adaſtricem Dei gratiam bellantium, Hercules; depingitur iis notis, quæ in doctrinæ ab eo propositæ confirmationem redundant. Quoties Lemos causam sibi concreditam pro auxiliis adamantinis acturus, adibat Pontificem (& adibat non in frequenter) facies eius veluti Moſis, cornuta & vndique radiis micans obuersabatur; id quod Urbanum VIII. de se factum esse, habet Coquæus: addit verò, Lemosium integro ante mortem triennio, cæcitate plena fuisse occupatum; nisi quod ad altare Sacrificatum ritu Christiano accedens, visum recuperabat; quem rediens ab altari, amittebat denuò; sicque factum est triennio integro, renouata quotidie miraculosa oculatione & cæcatione, donec anno 1628. concessit fati Lemos, est elatus in ædem B. Mariæ supra Mineruam, cum immensa populi Romani multitudinem quæ cum se se ad contingendum corollis precatoriis, & æneis icunculis corpus in feretro iacens, manûsque demortui piè fixo osculo contingendas comprimeret; accedente cum Cæ-

teris,

teris, Lemosij quondam auditore Nicolao Ricardio Monstro accessu autem ad osculandum manum prohibito, non quia statura pusillus erat; sed quia præpinguis eum esset ac perobesus, confertæ multitudinis ad pium officium constipatæ septum perrumpere non poterat; Lemosius charo alumno è feretro Brachium procul exporrexerat, & manum ei osculandam miraculo præbuit. Omnia ista & alia ad fabulæ ornatum à samnionibus ipsi imponentibus conficta, bonus Coquætius tanquam verè gesta vulgavit. Urbanus VIII. mendacitatis notavit, quod diceretur vidisse radiantem Lemosij faciem, in confirmationem doctrinæ de auxiliis ineluctabilibus in sensu composito, ab ipso Lemosio propugnata. Tota narratio, Romanis omnibus, conficta & digna plagis est habita.

Suppositiones fictitias, falsationes, & adulterationes alienarum scriptionum Cyriacis fuisse non infrequentes, multi notarunt F. Nicolaum Eymericum 2.p.directorij q.26.confinxisse diploma sub nomine Gregorij XI. contra Raymundum Lullum, suadent quæ proferunt Vasques, .1p.d. 133. c.4.Dermitius Thadei in Bzouio expostulato ad annum 1372. *pagina* 478. & Luca: Vadinghus ad annum 1315. Idem Eymericus conuincitur finxisse bullam Clementis V. circa sanguinis Christi controuersiam, definitam (scilicet,) in fauorem Ordinis prædicatorum contra Minoritas. At hanc esse apertam Eymerici imposturam, inde liquet, quod Pius II. indiplomate

Anconæ dato biduo ante mortem, testatur, neminem suorum prædecessorum quicquam in ea causa definiuisse. Diploma Pij est penes Lucam VVadinghum.

Libellus Athanasij (fortè iunioris,) de sanguine qui manavit Berytti, ex imagine saluatoris transfixa; adulteratus recens est per Cyriacos, apposito in calce libelli, assumento, quod neque est in Græcis codicibus, neque in antiqua libelli versione Latina, adornata ab Anastasio Bibliothecario. Detexere hanc adulterationem, Baronius in Martyrologium Romanum ad 9. Nou. & in Annalibus ad annum 765. Bellarminus l. de scriptor. in *Athanasio* ac Martinus Bresserus l. 6. de conscientia cap. 22. *ad finem* Ringitur contra eos Frater Combefisius, in notis adorationem de imagine in puteum merfa. Esto autem, demus gratis quod Combefisius leuibus argumentis contendit; nempe eum libellum esse magni Athanasij. Nos de hoc non sumus solliciti; sed tantum dicimus, limbum libelli, habere assumentum appositum à Cyriacis quorum intererat. Contendimus inquam; eam fuisse infidelem & indignam libelli adulterationem pro domo sua.

Magnus Albertus adducitur ex 3. sent. per Cyriacos notatos à Catharino l. 2. pro immacul. concept. pag. mihi 50. dicens [Esse sanctificatam Mariam ante animationem, conclusum fuit hæresim esse, in Parisiensi Gymnasio; quia contraxit peccatum Originale.] subdit his adductis Catharinus.

tharinus. [Sed certè apud Albertum , verba hæc, quia contraxit peccatum Originale , non leguntur, sed addunt de suo.]

Scriptorum S. Thomæ variæ falsationes & adulterationes , ac affictorum ei alienorum operum suppositiones à Cyriacis factæ , non latent. Intrusionem Commentarij Petri Veronensis in Matthæum , inter S. Thomæ opera , factam malitiosè à Bartholomeo Spina superiùs altigi , ex VVielmio spinæ discipulo. Dixerat S. Thomas 1. 2. q. 102. artic. 4. ad 6. propitiatorium fuisse lapideum. Hoc Thomas de Lemos (Beatus ille Coquetianus , prædeterminatorum vexillifer, de quo paulo superiùs ;) in Romana editione summæ , absque vlla veterum codicum fide , ex suo cerebro mutavit, facta *lapidi* mutatione in *lignum*; contra quàm , Tibure & alibi lignum lapidescit Videns ergo Lemos , esse contra scripturam, quod propitiatorium dicatur lapideum, falsavit textum , ne D. Thomas diceretur ignorasse veram propitiatorij materiam. In quo comprobatur verum , quod dixit S. Augustinus , posse aliquem, etiam dicendo verū, mentiri. Nam quamvis quod Lemos erasit , falsum esset , & quod ipse substituit sit verissimum ; tamen mentitur , qui ait S. Thomam in re proposita dixisse veritatem ; vt ei Lemos falsarius attribuit. Densæ aliæ falsationes circa passiuam Deiparæ conceptionem , à varijs obsetuatæ sunt , & nominatim à Baptista Poza in elucidario l. 4. tract. 4. & seqq , cui carò stetit tam accurata perspicuarum falsationum anno-

tatio; Nam emouit aduersùs se Crabrones, qua de re aliàs. Antiquiores S. Thomæ hac in parte falsationes, obseruauit Pineda in c.7. Ecclesiastæ *aduersum* 29. Sanè 3. p. q. 27. artic. 2. textum esse corruptum, patet ex titulo articuli, & responsione subiecta; quibus S. Thomas tantum inducitur quærens, *an B. Virgo fuerit sanctificata ante animationem*, & nihil tradens, siue ibi, siue in reliqua quæstione, de eo quod præcipuè quærendum erat, nempe de sanctificatione in animatione prima. At D. Thomas non est adeò impertinens, vt tractans aliquam difficultatem, omittat quod est in ea præcipuum. Itaque textus ille fuit manu adulteratrice contactus. Et apud F. Ioannem Bromiardum, qui florebat anno 1260. (vt habet Chronicon Ordin. Prædicat.) locus ille legitur vt par est. Videbis Bromiardum in summa Prædicantium V. *Maria* artic. 2. adducit enim Bromiardus, S. Thomam eo loco dicentem; Beatam Virginem fuisse sanctificatam non ante animationem, sed in ipsa prima animatione. Ex quo sequitur exclusio peccati originalis à Deipara. Fratres autem, ne ibi hoc S. Thomas diceret, & sibi contradiceret in 1.2. adulterato textu effecerunt. Sed quid quærimus antiquas adulterationes textuum S. Thomæ, quoad conceptionem, cum in diebus nostris F. Cosmas Morelles textum apertissimum S. Thomæ in 1. d. 44. q. vnica artic. 3. *ad* 3. impudoratè adulterauerit anno 1613. in editione Antuerpiensi operum S. Thomæ, cui ipse præerat emaculator: sed perfidè munus suum gessit, tantam

tantam maculam fœdissimè illinens textui , & affingens Sancto Thomæ , quod ibi tradiderit conceptionem maculatam , cum disertissimè in omnibus retrò editionibus , etiam Romana Pij V. contrarium asserat ; & discursus S. Doctoris id necessariò ferat. Teneo te falsarie effrontissime , adulterator impudentissime. Sic S. Thomam dehonestas , vt purissimam Virginem violentes ?

Cysiacos in S. Thoma falsando adeò non parcos , quis miretur falsare scriptiones alienas , easque vel corrumpere vel truncare , vel suis assumentis grauare , vel subiicere alienis authoribus ? Strenuitas F. Vincentij Bandelli à Castro Nouo , in falsandis , & vitiandis , vel contorquendis locis Patrum , vt viderentur stare contra immaculatam conceptionem , à tam multis est euiçta , vt puduerit reliquos Cyriacos. Itaque cum Bandellus , ex deprauatis , truncatis , adauctis , & quomodolibet corruptis Patrum libris , plenos aggeres protulisset ; Capreolus in 3. d. 3. eam molem ad quadragenam restrinxit ; Caietanus autem proprio hac de re opusculo , videns eam quadragenam testimoniorum à Capreolo adductam , & multo magis Bandelli Chiliades , esse saltationes extra chorum , vel apertas detorsiones , vel corruptelas , arctauit allegationes Patrum conceptioni immaculatæ aduerlantium , ad quindecim. Ac ne istæ quidem sunt rectipedes , vt egregiè conuincit vir in B. Virginem egregiè addiçtus , Hypopolitus Maraccius in quem idcirco F. Caput cir-

bitæ coniscavit , de quo alibi. Itaque qui loca Sanctorum Patrum , ne honori Ordinis incommodarent , toties corruerunt , (honori enim ordinis præcipuè seruitum in tota hac mangonia , refert qui aderat , & domesticus fidei erat Catharinus ;) cui alteri parcent , aut à quo continebunt manus interpolatrices & adulteratrices ?

F. Ioannes Annius Ordinis Prædicatorum , confinxit libros quos nomine Berosi , Metasthenis , atque Philonis Biblici emisit , scatentes erroribus contra scripturas & seculares historias ; ideoque Annium quantumvis iuratum assertorem antiquitatis illorum Codicum è quibus suam editionem adornauit suppositorum illis antiquis suorum commentorum , arguerunt , Volateranus l. 14. Anthropol. Canus 11. de locis. c. 6. Possseuius in Bibliotheca selecta lib. 16. sect. 4. c. 1. Antonius Augustinus Dialogo XI. antiq. Pineda l. 7. de Salom. cap. 25. à n. 4. Cui vacauit integra volumina fingere , & pro laboribus antiquorum Autorum à se refossis , venditare , quàm liberaliter mendax fuit ? An F. Petrus Iammi qui nuper præfuit editioni Turcicæ Alberti Magni , cum Codex M. S. antiquus hiabat , lacunas non exiguas de suo expleuerit , (quod à non nemine insusurratur ,) nolo definire. Viderint qui referunt.

Damirauerat Academia Parisiensis varios errores F. Ioannis de Montefono Cyriaci. Is ea damnatione perculsus , appellauit Pontificem , porrecto libello supplici in quo ferè tot sunt mendacia , quot

quot verba, aiebat qui tunc nomine Academæ Parisiensis, iustam fuisse Montefoni damnationem, comprobabat, libello qui extat ad calcem. Magistri sententiarum.

Non exiguum argumentum mendacitatis multorum Cyriacorum, ducitur ex iactatis per annos circiter quadraginta, rumoribus de Molina, per Clementem V I I I. & Paulum V. damnato, confectis ea de re diplomatis, quæ tamen ex commiseratione in Iesuitas tunc Venetiis expulsos ob sedis Apostolicæ obsequium, suppressa ad tempus fatentur, horum rumorum satores Cyriaci; & ex eorum informatione F. Ioannes à S. Thoma, in Chronologica quæstionis de auxiliis historia, concinnata ex fide præsertim Francisci Peññæ Hispani, Romanæ Rotæ Decani. Sed omnes illos rumores esse fictitios & mendaces, neque unquam à Sede Apostolica, aliquid siue paruum siue magnum definitum esse contra doctrinam Molinæ, nuperrimè suprema Inquisitio Romana coram Pontifice declaravit, obstruens os loquentium iniqua. Franciscus autem Peñña, hostis professus Iesuitarum, remouetur à testimonio ferendo in eorum causa, quia omnibus manifestum est, eum inimicitias erga ipsos continuasse per annos complures; nec constat, an eas in morte deposuerit; cum etiam in morte, supremo testamento, discipulos Iesuitarum voluerit esse extorres cuiusdam benignitatis à se pauperibus Scholaribus in perpetuum constitutæ. Non sanè Christianè. Vnde etiam iudiciali sententia, ea conditio reiecta est, & habita

bita pro non apposita. Itaque citare hostem in testem, cum sit ridiculum,prehenditur aperta mendacitas Cyriacorum circa diplomata adducta. F. Ioannes à Sancto Thoma qui Diaria Francisci Penæ habet ferè pro Euangelio, & inde conflatur bullas damnationis Molinæ, videat cui crediderit: & post declarationem Authenticam quod bullæ istæ numquam fuerint in rerum natura, desinant quos iste implanauit, vocare ea quæ non sunt, tanquam ea quæ sunt.

Frater Piscator (cognomento *tela subtilis*, quod primæ notæ linum apud mercatores sæpè sæpiùs quærere deprehensus sit;) in Molinam feruentissimus declamator, præsertim Cularone apud Gynecœum *Montis floridi*, quod ei est pro theatro bacchationum in Molinam (non secus ac Arnaudo Iansenistæ, Partheno portus Regij;) debuit non semel ludibrium versificatoribus Gallicanis, quod adedò sonanter in Molinam conclamaret, adedò vt eorum vnus acuto Epigrammate luserit in Asellum hunc bipedem, adedò auersum à pistrino; Gallicè *le Moulin*. Hic Cyriacus, cum effractis omnibus modestiæ repagulis in Molinam multa creparet, & eius tanquam Semipelagiani hæretici, damnationes Romanas, (scilicet,) passim effunderet; tandem pectoris cacochimiam emissos typis libro contra Molinam, copiosè profudit. Liber fuit adedò crassis calumniis & pinguibus erroribus differtus, tantæ verò aduersus decreta Romana petulcitatatis, vt Præsul integerrimus ac excubitor in causa Dei vigilantissimus, Illustrissimus,

mus, Episcopus Petrus de Scarron, adactus sit, & librum proscribere, & autorem suggesto quod in Ecclesia Gratianopolitana tunc occupabat, exturbare; omnibusque ad populum Sacris muniis excludere. Data fide quod deinceps saperet, & librum illum pestiferum, planè addiceret libitinæ omnibus exemplaribus Amplissimo Domino Roux, Regio Consiliario fideliter depositis, in Episcopi gratiam adrepsit. Sed haud ita multo post, contra fidem datam, librum denuò typis subiecit, apud *Charuis* Typographum: clam quidem ut tenebriones solent, tamen ita ut loquacitate famuli Typographici, deprehenderetur; Fratri Piscatori, cum de lacerando Molina agitur, fidem datam ac iuratam, esse non iam setabicum carbasum lineum, cuius est curiosissimus; sed telam aranearum: Nec ullis interdictis Pontificiis; aut Episcoporum præscriptis, sperari posse frænationem deblaterationum & falsiloquiorum, ex segestri linteo & tela crassa, ab eo consarcinatarum in Molinam.

Sed in hoc genere fingendi contra Molinam & eius socios, nullus fuit liberalior Cyriaco illo qui anno 1644. emisit libellum hoc titulo. *Questio historica & Theologica & Iuris Pontificij, quæ fuerit mens Concilij Tridentini circa gratiam efficacem, & scientiam mediam. Venetijs anno 1607.* Ridebat Hincmarus senior, iuniorem, quod ipso in titulo scriptionis impegisset coniectans ex ægro capite, qualenam futurum esset corpus reliquum. Idem huic bambalioni occipni potest.

Nam

Nam cum ea quæstio edita primùm sit Tolosæ, mentitur autor editam esse Venetiis: & cum primùm prodierit anno 1644. fingit prodiisse 1607. Totus contextus quæstionis, est vna perpetua Gangræna mendacitatis. Constat ea quæstio triginta punctis; In quolibet puncto; est aceruus mendaciorum, è quorum vel nuda relatione posset contexti plena & iusta lucubratio. Sed præripere hunc laborem sibi, Gabriel Enao in Mantissa ad tractationem de scientia media, & Franciscus Annatus qui ad calcem operis de scientia media, & ipsam quæstionem Theologicam F. Antonini Reginaldi Cyriaci Tolosani exhibuit, & subiuncta breui disputatione, quantis falsiloquiis ea quæstio scateret, demonstravit. Mihi cum primùm eam quæstionem legi, (hoc est cum primùm prodit; nam quaquaversum illicò disseminata est à Fratribus;) visum est, eam quæstionem esse quale illud quod Athenienses apud Pausaniam vocabant *forum mendaciorum*; præ tanta vbertate falsiloquiorum circa gesta & personas, cum nihil planè autor quæstionis attingat, quin illud luculento, imo lutulento aliquo mendacio, sæpè etiam pluribus conspurcet atque contaminet.

Non igitur debetur immunitas libris Cyriacorum, ex eo capite quod careant falsiloquiis mendacibus, & depravationibus, ac suppositionibus, & similibus corruptelis; non per incogitantiam sed mala fide factis. Vnde ergo est quod tanta cœnositas plerasque eorum scriptiones inficiens,

Num Cyriaci vsquequaque lenes. 151
ficiens, nullius foriarij detergentis curams est
nacta?

DIATRIBA VII.

An nullus acor, nullave mordacitas, occurrat in libris Cyriacorum; ut propterea eis ob nullatenus violatam mordendo siue charitatem siue iustitiam, nulla sit timenda grandinatio, sicut libris caterorum.

A Deò feruent Cyriaci in tuenda Charitate, ut cum Constantinus Caietanus, homo semi infans, (compertissima dico,) alios fœdè nec obiter, sed ex instituto proscinderet; Tamen F. Caput cucurbitæ, de eo cum moderamine inculpatæ tutelæ obiter repulso, magnos conciuerit rumores. Ioannes autem Rho, hoc solo titulo Victima Belliani liuoris ceciderit (ut postea dicam:) Bella charitatis larua cum lubet. Nam Leo Allatius qui fatuum illum discerpfit, quia patrono nitebatur Eminentissimo; non est existimatus violasse charitatem, & indemnus abiit. Ipsi verò Cyriaci, quia sciunt securè se posse mordere; quoscumque libuerit conscerpendo, non violant charitatem iudicio sodalium; & idcirco lacerationes aliorum impune ferunt. Pauca de innumeris exēpla annoto
F. Bartho

F. Bartholomeus Spina, homo fuit nominis sui Rhamnus inquam & paliurus, non scriptor. Opus spissum ~~de~~ *de* *uniuersali corruptione generis humani* i emissum post Sixti IV. extrauagantem, est vna perpetua lepra maledicentiæ, aduersus agnoscentes conceptionem passiuam Deiparæ fuisse immaculatam; quam Spina contendit esse apertam hæresim, à Satana excogitatam. Atque adedò manifestè incurrit ex communicationem à Sixto latam. Alibi vbique, semper crepat conuitia; opiniones probabilissimas, & aliquando certas sententias, si minùs arrideant, confodit illicò vt hæreticas. Ex eius sentibus in Scotum, & Antonium Andream, atque Mauritium Hibernicum, ac reliquos Scoti assèclas, facilè confici posset fascis magnæ molis, percurrendo perfunctoriè digressiones quas subtexit lectionibus S. Thomæ in metaphysicam, Aureo-
peplo, crassam telam & verè mastrucam Sardoam subtexens. Si seriò & accuratè agendum esset, opus vniuersum esset repræsentandum. Sertum tamen modicum ex carptis hinc inde sentibus apponere, omnino decreueram. Sed auspicatus aliqua legere ac decerpere, vidi esse absistendum. Nam tanta rusticitate & spinositate, per singulas digressiones agit cum Scoto & Scotistis, vt nihil sit quod seligi possit. Vbique crepat delirationes Scotistarum, ingenij hebetudines, iudicij imbecillitates, chimæras, phantasias, stultitias, mentem emotam; & quid non? Sunt semper, (si Spinæ creditur,) Scotista in tenebris & profunda caligine; & nescientes quid dicant, quidve impugnent,

aut

aut defendant, palpant sicut cæci in meridie. Solus Spina & qui cum eo sunt, luce in tenebris fruuntur, ipso quidem iudice. Diceres reuenisse tempus, quo filiis Israël luce serena potentibus, miseri Ægyptij tenebris atrectabilibus offundebantur. Quam religiosa sit hæc cum Religiosis agendi ratio, superuacuum sit exponere; cum luce Meridiana clarius sit, Religiosi esse, temperatè semper ac verecundè cum talibus agere. Nam si Patres etiam cum hæreticis agentem; vetant efferari; & verbis amarulentis aut ex impetu vibratis, ferire aduersarium, tametsi à fide alienum, prohibent; quanto magis necessariò est habenda agendi ratio temperata, cum Christiani & Religiosi lacessuntur? Concitatio eiusdem Spinæ in Pontzibinium, & verborum asperitas qua in eum fertur absque vlla moderatione; tribui fortassis queat, iustitiæ causæ quam Spina tuebatur. Sit sanè ita. Sed tamen hominis Religiosi est, cum personâ sua loqui, & nihil vnquam indecorum gerere. Quid verò miramur horrere Spinam, nec nisi aculeos præferre, agentem in Religiosos, aliasque priuatas personas? Spinæ aculei in Patres Tridentinos, extant in præfatione eius ad opus Turæcrematæ Magistri sui, de conceptione, quod interpolauit & inserit pro libidine. Ibi leguntur hæc rabiosæ spumæ. *In Concilio Tridentino non fuerunt docti Theologi; sed homines audaces & vani, qui popularem auram captantes, decretum in fauorem immaculate conceptionis Beata Virginis edendum curarunt.* Petulci pecoris bestialitatem

sciens dimitto. Audaciorẽ & amariorem scriptorem non est reperire.

Aceruandis spiculis verborum quæ intorsit F. Melchior Cano, in quoscúmque agit, exigeretur Pharetra admodum capax. Ex quo enim occupatus est cæstro in aliquem, non parcit, nec pœnitutine flectitur; sed sagittas suas ardentibus efficit.

F. Dominicus Graulina verba amarulenta fundit assiduè. Ex acidis eius vocibus, lexicon spissum confici posset, tametsi plerunque mordet non in sibilo, lentè in speciem incedens, ne scandulas in ornithonem contingeret durior calcatio.

F. Abr. Bzouius Ordin. Cyriacorum per exigui iudicij scriptor, nec tam autor quàm consarcinator; emisit multa volumina continuationis Ecclesiasticæ historiæ post Baronium, cui succedaneam in eo argumento operam nauauit; vt obiectu contrarij, magis elucesceret Baronij accuratio, iuxta Philonis obseruationem lib. quis rer. diuinar. hæres. Tomi Bzouiani sunt potiùs annales Dominicanorum quàm Annales Ecclesiastici; Est enim totus in rebus domesticis efferendis, ac dilatandis; nisi cum aliquid ordini probrosum, quod conuellere non posset, malis auibus in historiæ seriem incidit. Tunc enim supra piscem tacitus abit. Et cum agitur de mordendis & risui omnium exponendis Fratribus Minoribus, probat exquisitè diligentiam; Arripit omnia, siue apertè falsa, vt quod de rabie Scoti morientis exarauit; siue è solis rumoribus inanibus hausta,

vt cum F. Berthodum infamat ob inuentas bombardas, & aliis sexcentis locis consimilibus. Fratricellos hæreticos, nullo iudicio confundit cum FF. Minoribus. Nihil prætermittit scurrile, quo FF. Minores possit ridiculos reddere. Hæc est modestia, & mordendi abstinencia, notaque charitatis in Cyriaci.

F. Franciscus Combefis, velut austerus Orbilius sic se hactenus gessit, vt pauci eius ferulam effugerint. Quomodo SS. Chrysostomum, Martinum ac Maximum exceperit, dictum est superius. Qui in viridi ligno hæc fecit, in arido quid præstabit? Balthasarem Corderium, & Petrum Lanselium, vocat *presumptores*, qui multa *temeritate, erroribus non ferendis, S. Maximi Scholia contaminarunt*. Sic ille modeste tract. de causa Honorij c. 3. §. 3. In notis ad Asterium, vnguibus & rostro Andreæ Schottum lacerat, & *desipientia ac infantilitatis in Græcis* arguit; cuius *assystasia* id est, à Scopo aberrationes inter vertendum latinè *Græcum opus, sint perpetua*. Fronto Ducæus, Combefisij iudicio, tract. pro actis 6. Sinodi c. 1. §. 3. *ridiculus est in recognitione Nicephori*; (si ipse Auctor,) & *equè feliciter operam recognoscendo Nicephoro nauauit, ac Chrysostomi omnibus, in Parisiensij editione*. Omnes ferè Belgæ, sunt *oscitantes & rudes Græcanici contextus Interpretes*, vt ait Combefisius ad Anastasium Sinaitam oratione in Psalmum 6. Vincentius Richardius Procli interpreter næuis, iuxta eundem superciliosum censor. Albertus Pighius, (vt ait Combefisius agens

pro actis 6. Synodi c. 1. §. 2.) *Cacante affectu, sibi
absona locutus est, quæ nec vix ebrius, vel delirans
posset; subiungitque; lenis ea censura, quidquid vi-
deatur habere auri. Qui sic mitis & lenis est, in
virum bonum, & catholicum, & (velit nolit)
non indoctum, quæ lenitate agit, cum aliter se
habentibus? Retexo quod dixi. Nam verè illa
absynthialis de Pighio pronunciatio, suavis &
expers acoris atque amaroris videri poterit,
præ tractatione alterius supra Pighium eminenti-
ssimi.*

Baronius est, quem dico. Adagium est Itali-
cum, persecutionem omnium teterrimam, & vi-
rulentissimam, eam esse quam inferunt Adelphi.
Combesius verè se fraterno Spiritu agi probavit,
grassatus atque bacchatus petulantissimè, non vno
loco, vel obiter, sed vbiuis ferè; in hominem
qui non Catholicis tantum omnibus admirationi
fuit præ doctrinæ vbertate, & iudicii emunctio-
ne, ac diligentia miraculo; sed etiam plerisque
Allophyliis, qui rei euidencia vici, luculenta elo-
gia panxere Baronio; *stuporem mundi, patrem sacra
historia indigetantes. Sepono purpuram & gradum
in Ecclesia eminentissimum; Nam vt benè aie-
bat S. Hieronymus l. 1. in Iovin. commissap. gn.,
omittuntur nomina dignitatum, sola foritudo quaritur.*
Eius tamen doctrina aded redundat, vt non fue-
rit, cur à Religioso homulo, scriptor tam benè
de Ecclesia meritis, cuius nomen apud hæreticos
non vilescere per Catholicos, permagni prorsus
intererat, tanta ferocitate protereretur, ad om-
nem

nem datam vel acceptam occasionem. Neque hoc dico, fuisse Baronium supra hominem, ita ut nuspiam cespitauerit, nuspiam impegerit. Hoc in nullum nisi Canonicum scriptorem cadere, S. Hieronymus Epistol. 67. & S. Augustinus episto 79. rectè monuerunt; ipsèque Baronius ea appendice quam ad emissos anteriùs Tomos, immisit Tomo decimo, hominem se esse, & humani à se nihil alienum putare, tantorum Patrum exemplo, modestissimè est contestatus. Itaque in tot & tam vastis voluminibus tanta varietate differtis, alicubi hallucinatum esse Paronium, non debet mirum videri. Quod enim de Eusebio Cæsariensi ait Canus XI. de locis c. penultimo. *Nihil omni ex parte beat im. In opere (ut ita dicam) immenso, rarò peccasse, felicissimum fuit*; de Baronio iustius dictum volo; à quo proinde, cum res fert, modestè discedere, (quod fieri posse, insulsè & absurdè negabat quidam Nicolaus Visinghus;) innoxium cuius esto. Ut tamen perpetua propè acerbitate, verbis adeò mordacibus ac vilibus impetatur, quibus vile quodpiam caput ferire, non haberetur moderatum; hoc verò est, quod in F. Combefisio erga Baronium petulantissimè versato, reprehendo, nec ferendum censeo ab ullo, vel docto, vel benè morato.

Sertum horridum ac putens carptum ex Combefisij senticeto, absque diligentia, subiicio lectorum oculis ac naribus. In historia Monothelitarum pag. 15. *Non sibi constat Baronius, malè in Heraclio laudans, quod postea reprehendis, ac nec de*

Sergio agens, sibi ipsi coheret pag. 16. Equidem magnus mihi sit qui sibi ipsum Baronium in his & similibus concordem inuenerit ac praestantem quod est accurati scriptoris. pag. 19. Baronium res implicantiem, sibi quae multa contraria scriberent omnino inuenerit, pag. 26. quod ipsum Baronius verbis initio relatis, nec videns quid loquatur, agroscei. pag. 35. Importune excusat, absque congruit Baronius. pag. 40. falsam causam confingit Baronius. pag. 58. Calumniam struit Baronius ad usum sextae Synodi. pagina 191. Baronianum commentum est, nullo teste qui dicat, vel ex quo probabili saltem ratione colligat. pag. 112. Baronij mala correxit. Quot periodi, tot graues lapsus & mirabiles. Obstinato Baronius errore, bonus illustrato falsi, tribuit Theodoro. pag. 115, Baronius ad libitum fidem detrahit, additque actis Synodicalibus. pag. 118. Grauis lapsus Baronij. Sunt omnia Baronio arbitraria. Haec scio, ubi haec ita Baronius, aut quibus oculis legerit. pag. 127. in consona Baronij argumentatione & in consideratio; In eo ridiculus Baronius. pag. 77. Leui Baronius fundamento, Constantem calumniatur. pag. 140. fingit Baronius. pag. 14. alia omnino commentitia, Baronij deprauatio. pag. 153. leuius Baronij argumentatio, pag. 159. male Baronius inuertit verba Patrum, magna plane licentia ut quis illa sua quaque propositio, inuita accommodet. pag. 188. Baronius incautior Epistole Honorij primi laudator. pag. 189. Baronius procacior in Synodum. Quibus ut Baronius interminetur Paulinum anathema, valde audax est, & cui illud ipsum anathema sit timendum. pag. 662. Sanè miror historiae patrem, tam

futilibus

futilibus argumentis stabilire opinioniones suas, sic potius ridiculus facere, ut quis earum vim ad amissim exigat. 1031. porientosa Baronij hallucinatio, & in-consonantia. Adhuc hæreo in volumine primo; Secundum volumen non minùs frequentem Baronij de stercore bouum lapidationem præfert. Qualis enim est finis ille ex pag. 740. post varias minutas Baronij vellicationes? *Hæcobiter*, ex sufflandis, tot sub *u* a jere periodo contentis. & pag. 991. nimia Baronij oseitantia, & crassus error. Abeo, ÷ malens indiligentiæ notari qui tam pauca ex tanta vbertate decerpserim; tametsi confirmo ne ex primo qui dem volumine, repræsentatam à me esse, partem centesimam, probrorum, sannarum, conuitorum, proscissionum, quibus Fraterculus iste, in scriptorem immortali memoria dignum bacchatus est.

Non possum dissimulare sensum meum. Quis credidisset, scriptorem à Deo prouisum Ecclesiæ, ut phalangas centuriatorum profligaret, & Christianæ historiæ plenam lucem affunderet, tanto ad hanc diem Doctorem omnium plausu exceptum, etiam extorribus ab Ecclesia, (si paucas muscas morientes excipias,) laudatissimum; tam propudiosè ac petulanter ab homine Ecclesiæ, & Religiosi otidinis alumno, habendum? Scripsit in Baronium Casaubonus, nundinatitiis agnitæ veritatis impugnator; sed præ Combefisio scripsit temperatè, abstinens lædoriis ac probris. Quanto iustius homo Religiosus, erga vnum ex Ecclesiæ Principibus idem metrum tenuisset? Num igno-

rabat illud à Paulo quoque usurpatum, *Principem populi tui non maleducere*. Sunt verò Cardinales in Dei Ecclesia Principes: vnde vestimentum eorum de purpura conficitur. Sed errauit & impiegit Baronius. Esto. Vt tamen in vnum ex Ecclesiæ Catholicæ cardinibus, tam sæua & dira probrorum grando toties detonet, vt plurimum ob minutias, quas dispellere si præsens institutum ferre t, haud magnæ esset operæ, hoc sanè est quod me stupore defigit, Et auget admirationem, tantæ concitationis causa, quam ex fide profero. F. Melchior Canus eiusdem Cyriaci instituti, & ingenij præfidentis, ac mordacis, cuiusmodi est iste Vasco obfirmatè impiegit illi notam hæreseos Monothelitarum; & tanquam damnatum in pluribus Synodis, magna infamia oneravit. Versans postmodum idem argumentum Bellarminus, Honorium purgavit, nec nisi falsatione Græcanica adiunctum, damnatis hæreticis, demonstrauit. Ab actō Cano, Bellarmini vestigia relegens Baronius, pro Honorio item stetit; & Canum notauit temeritatis, ex præfatio Francisci Victoriæ per ipsum Canum eius discipulum literis prodito. Occasione item S. Gregorij Magni, malè à Cano demorssi, affectum suum pro Ecclesiæ Rectoribus expressit Paronius; dixitque, Canum *non nisi nomine tenus Canum; ipsa immanitatem ac oracibilem se præbuisse in his Pontificiæ lacerationibus* Hinc ille Combefisij Lachrymæ: Hinc Baronius *Calumniator falsarius, inconstans in effectu veritatis* audiuit. Leges beneuole lector, quæ Combefisius Tract. pro actis sextæ Synodi c. 2. §. 2. de

de Cano scripsit, donans eum Canonismo literario, & calces Baronio illidens; & illico penetrabis ad veritatis cubilia.

Fas fodes sit, exhaurire quod mihi reliquum est admirationis. Appetiit Baronium Casaubonus; appetiit Goldastus, prius quàm saperet reddens se Ecclesiæ Catholicæ; appetiuere pauci illi sectarij, qui vt muscæ morientes, quæsierunt exterminare suauitatem vnguenti. Accurrerunt illicò pro Baronio, Andreas Cydonius, Gretserus, Rosuedius, Bullengerus, Spondanus, alij. Nunc vno Fraterculo tantum virum adedò imfrunitè lacerante, nemo mouetur; Nemo purpuratorum de tegendo collega cogitationem suscipit. O mucro, mucro, vsquequo quiesces? Euagina te ad occidendū, lima te vt fulgeas. Gladius tā multos per longos syllabos quotannis confodiens, hæret in vagina. Stertunt Vallicellani, & quasi emarcuisset neruus eorum, nemo de tanta luminis sui obscuratone, & contundendo obscuratore, sollicitudine tangitur. Pontificij Censores, & sacrorum tribunalium in hisce causis administri, muti omnes. Quid mirum? Secretarius Indicis, qui silentibus omnibus ex officio, summi scriptoris lanium deferre tenebatur, eiusdem est cum eo instituti. Vterque Cyriacus est, æquè ac Magister S. Palatij, & S. Inquisitionis Commissarius; nec moris est, in hara, pecudem congeneri pecudi infestam esse, nisi si de pabulo aut sede meliore agatur, vel de lucello in ludo nocturno; qualis ille in quo Aue-
nzione ante annos quadraginta, cum F. Stephanus

Dulcis eas infulas tenere, vnus improvidus & malè sanus, in calore (verius æstro) ludi Serotini, socium Cyriacum collusorem, ludi legum contemptorem, adacto cul tello longo quo erat præinctus pluribus annumeratum fecit. Heu heu! Premantur talia horrida ac ut in seculo quidem toleranda. Sed quis dissimulet aut premat, quod est Sole ipso clarius?

F. F. Cyriaci indemnitate sibi omnimodam in tribunalibus concredit, & malè admissorum impunitatem debent. Hæc est causa germana cur F. Ioannes Baptista Marinus, cum extremis annis ageret Secretarium Indicis, monitus de hac sodalis sui in Baronium petulantia, egit Harpocratem & mucronem Apostolicum silere voluit. Euge Euge.

Theatrum Iesuiticum, liber est ex felle & aceto commixtis concretus. Vix aliquid fœdum aut tetrum, ex Geneuensi aut Batana incude, in Patres illos fabrefactum malitiosè est, quod ibi non representetur, etiam cum superpondio atque auctario. Is liber Hispanicè est exaratus, Goliathi (ut volunt) spurij manu, sed admistis densis Italicis, ac idiomate non prorsus exprimente Castellanam Maiestatem; Cusus verò est anno 1653. & 1654. per otium. Vbinam? Euge calame? Quid hæreo credere famulo ad prelum Typographicum collaboranti, qui retulit, cusum in cœnobio Romano S. Mariæ supra Mineruam? Firmat referentis fidem, quod liber ille cusus est, adhibita non Hispanica, sed Italica charta, signo Florentino
notata,

notata, Romæ familiari. Nihil absconditum quod non sciatur. Reperiuntur itaque etiânum famuli domestici, delatores Apollonij, absque crurifragio per Perennem irrogato. Itaque liber Iesuitas luculenter conscrpens ac lacerans, auspiciis Reuerendissimi Patris Ioannis Baptiste de Marinis, in prædicto cœnobio, Typis Fraternalis, hoc est domestico prælo, ad vsum Sancti Officij concessio, vulgatus; in Hispaniam vix vno aut altero exemplari Romæ relicto, est transmissus. Nam tametsi aliis ægerrima est librorum Roma exportatio; tamen Fratribus eo quod exportationi incumbentiq; & Syngrapham liberi com meatu aliis largiantur, vacat difficultate exportatio. Vix in Hispania liber distrahi cœperat, cum ad tribunal sacròrum Quæstitorum delatus est, & 24. Februarij anni 1655. *Tanquam impius, & hæreticus, ac innoxiorum malignus, virulentusque lacerator* proscriptus est. Tapia verò Illustrissimus Antistes qui ex Ordine Fratrum Prædicatorum in sedem Hispalensem assumptus est, tam acerbæ malignitatis perfectò odio motus, Hispali publicè per Carnificem, librum tam pestilentem, subiecto igne consumpsit. En quàm mites sint, quàmque acoris expertes, lucubrationes Cyriacorum.

Quod snbiicio, est ignorantia ac supinitatis refertum; visum tamen est huc referendum, quia in eo Virus maledicentia supra ignorantiam eminet. Ioannes Eusebius Nierembergus, vir doctrinæ nomine orbe vniuerso clarissimus, ex his vocibus, *Sanctissimus Pater & Dominus, Alexander*

giſo quotannis nitorem Conceptionis B. Mariæ veneratur. Si luberet huic atrocitati maledicendi, reponere *veriora anagrammata*, dicere liceret. *Pater Carolus Ionius*; Anagramma. *Tu orci lues*; *Par Afino*. Vel certè. *vsiori Caluino, par es*. Aut *vsſo Caluino, par eris*. Si quidem Calvinus Orbis buſtuarius, liato ſtigmatè inuſtus fuit. Liceret quoque ex his verbis, *Pater Carolus Ionius, Dominicanus*, conflare hoc anagramma. *Pol Afinus cum caro Ianſenio rudis*. Hoc eſt ſanè amentem eſſe; contra Pontificum ſcita, Ianſenio Caluino inſulato, ad labantem prædeterminationem fulciendam inhærere. Non eſt autem *amentem* eſſe, honoribus Deiparæ, fauente Eccleſia, & ſuffragantibus miraculis, ac idoneis rationibus, aſtipulari, & ex eorum ſuprema per Põntificem ſtabilitione, pacem orbi conciliandam augurari. Vt ſanè non ſemel conciliata eſt, nouo aliquo honore B. Virgini delato. Ex paucis hiſce ſpeciminibus maledicentiæ & acerbitalis Cyriacorum ſcriptorum, in autores omni laude ſuperiores; liquere puto, quàm non ſint eorum libri digni immunitate à cenſura, ex eo capite quod acore & felle careant. Plenum verò ſentice-

tum ac Rubicetum Cyriacum, Index
vniuerſalis ad ſingula eorum
opera, qui ſub incude
eſt, exhibebit.

* * *

DIATRIBA VIII.

*Sapientiâ præstantibus , quàm non licue-
rit per Cyriacos , immunitate à suc-
rum librorum censura gaudere.*

CONSTAT, zelum amarum viris bonis malorum multorum sementem facere , si qui potestatem ei zelo adiunctam habent , vel genio sint ad nocendum prono , ac scabie notandi pruriant ; vel quæ sua sunt quærant , non quæ Iesu Christi ; non iustitiæ , sed causæ suæ velificantes. Iudaicum id vitium esse , notatum est à Iustino in dialogo. Acti enim cacozelia Iudæi , nascentem Christi Ecclesiam , specie honoris Dei , & tuendorum Mosis institutorum insequabantur ; peruersè ac malignè in Christianis criminantes omnia , velut muscæ ad vlcerosa (si alicubi occurrerent,) aduolantes ; & festucas in trabes mendaciter amplificantes ; ut ne umbra quidem noxæ inerat, conclamantes in innoxios , labisque puros.

Scabiosus hic genius, mentis corruptæ ac liuentis foetus ad carpendum & alienum splendorem præstinguendum factus, plerosque Cyriacos pudem occupauit. Et acuit pruriginem dominatus longa possessio , & longo vlu proritata euectionis ac Primatus captatio. Narrabat Abbas Valumbrosanus , ex sui cuiusdam domestici , diu inter
Cyriacos

Cyriacos versati , testificatione , Cyriacorum à supremo ad imum , & à primo vsque ad vltimum, cogitationes , verba , & opera , promotionem ac primatum redolere. In eo Spiritu adolescunt minores , consensescunt maiores ; nemo huius curæ & sollicitudinis exfors. Itaque Schola humilitatis, facta est Schola captandorum honorum, & ambitione erependi ad celsiora. Inde contentiones cum reliquis omnibus ordinibus de præcedentia , Contiloriano scripto assertæ : & antèrius quoque ab Archidiacono *in cap. de decimis* in 6. & à Felino *in rubr. de maiorit. & obedient.* & in *c. cum dilecta* vers. *Ordo scripturæ.* Præter nundinatitios calamos Bononiensium , Patauinorum , & Ferrariensium , à Fratribus ad id conductos , & Baptistam Cacciapulum, quem ad hoc cum cæteris adducit Barthol. Chassanens in Catalogo p. 4. consider. 73. Ex eodem fonte prodiit , Canoniorum Clericorumque Regularium tentata depressio : & sedes ante quoscunque Generales in Concilio Tridentino ; & in supplicationibus publicis prærogatiua in procedendo.

Ex eodem pariter fonte manauit, indictio silentij , omnibus qui quoquo modo velint obstrepere receptis apud Cyriacos placitis, etiam si inexplicabilibus ; cuiusmodi est , cohæsiõ prædeterminationis diuinæ homini ineluctabilis , & libertatis expeditæ. Quomodo enim liber est , qui non potest aliter facere , ob prædeterminationem ineluctabiliter adigentem ad vnã partem ? Si quis dicat , hoc esse inconceptibile & inintelligibile. Respondent

spolident cum Banne & Cabezudo, *si non intelligunt, credant.* Contra hanc (vt vocat,) idololatricam, figmentis suis à Thomistis exhibitam, pugna fortissimè Diego Alarcon Tract. de visione Dei disp. 2. c. 11. n. 20. & Didacus Ruis disp. 59. de scientia Dei sect. 1. Et benè quoque Ægidius à Præsentatione, dicens non esse Theologi, nisi Captiosi, fingere mysteria, & imperare vt præstetur fidei iis quæ Ecclesia non præscribit esse credenda. Ita tamèn mandat admodùm præfidenter Bannes 1. p. q. 23. artic. 5. *in examine tertia opinionis, quæ est laelli cum secundo eius principali.* Ita inquam pro potestate arrogata & arrogante mandat Bannes, per audaciam ex eo quem notabam fonte viciato manantem: nec dispar gregalium sensus in plerisque. Exempla insignium virorum; quos Cyriaci quia secum non erant pessimè habuerunt, subiicio ex innúmeris nonnulla.

Raymundus Lullus, cuius memoria in benedictione est apud Baleares, domino cooperante & famam eius, (vt referunt) confirmante frequentibus signis; à plerisque Cyriacis, nominatimque ab Eymérico & Bzouio, malignè traditus est, & multorum in fide errorum in libris eius abditorum infamatus; ac decretali Gregorij X. in Lullum intorta granatus. Sed eam decretalem, nunquam à Gregorio manasse; fuisse autem à F. Nicoláo Eymérico nequiter confictam, multis argumentis euincunt, Dermotus Thadæus in Spongia Bzouiana ad annum 1375. n. 15. Et Lucas Vadingus ad annum 1315. à n. 10. Et vt aliquis obfirmatè

vicari

tricarî vellet Gregorij diploma non fuisse confectû; de eius tamen subreptione non liceret ambigere; quia articuli eo diplomate damnati, & ab Eymerico recensiti, non sunt Raymundi Lulli sed ab ipso Eymerico malignè deprauato textu, per additionem, detractionem, interruptionem, truncationem, sensus extranei subiectionem, distorti atque luxati, vt Dermitius loco allegato confirmat.

Franciscus Petrarcha, rarum sui æui lumen, per Cyriacos exagitatus est, tanquam hæreticus, eo quod Pœsim calleret. Ita refertur in vita, primo oquerum eius volumini præfixa. Excultissimi enim hi Censores, præ fidei tuendæ ardore, omnia tuta timentes, Poëtices notitiam insimularunt hæreseos. Sic igitur de Perrarcha, habet in vita ipsius Hiesonymus Squarciaficus. *Fuit illa tempestate nomen Poëticum ita inuisum, vt qui ea studia sequeretur, magum, sortilegum, & hæreticum esse dicerent. Erat tunc hæretice prauitatis Inquisitor, quidam Marcus Picenus de Solipodio oriundus, Frater Rudis, & omnium bonarum literarum omnino expers, qui temerario ausu in nonnullos iniicere manus tentauit; & ni prouisum fuisset, maxima hinc oriri videbantur scandala. Sed cognita illustriorum hominum scientia, & fratrum auaritia, qua à falso Zelo vera Religionis proueniebat; Solipodius tanquam stolidus & bonarum disciplinarum ignarus, explosus est: non tamen sine labore se purgauit Petrarcha. Hanc calumniosam ruditatem, Fratres qui profundius desipiebant, præ multiplici lectione visi*

sibi sunt bellè fundare in decreto Gelasij Papæ dist. 15. his verbis concepto. *Venerabilis viri Sedulij Paschale opus, quod hæreticis versibus descripsit.* Ain? *Hæreticis versibus?* Ita quidem vulgata illius Canonis per annos plurimos lectio, quæ Fratres Cyriacos implanauit. Sed genuina, pro *hæreticis*, legit *heroïcis*. Nam si versus essent hæretici, minimè collaudaret eos Gelasius; quod tamen ibidem facit verbis amplissimis. Itaque cæcutiebar, qui primus pro *heroïcis* legit *hæreticis*. Quo pacto cæcultasse Adrianum V I. Pontificem, malignè nimium scripsit Ioannes Pierius Valerianus, in Apologia pro sacerdotum barbis, agens de alia corruptela in Canonem quendam Cathaginensem inducta circa barbas Clericorum. Sed Adrianus vir perquam doctus & pius, tametsi Poëtastros parum castos ac pios, (quales plurimi tunc erat,) ditare noluit (& meritò;) tamen Poëtas (vniuersè loquendo,) neque pro impiis neque neque pro hæreticis habuit, vt Fratres fecerunt. Miserrima profectò Poëtarum apud Rupices ac Barbaros conditio. Venit aliquando Apuleius in suspicionem magiæ, argumento inde ducto, quod Poëticam calleret. *Quid ad magica maleficia* (inquit Apologia. 1.) *quod ego pueros Scribonij Loocei, amici mei, carmine laudauit? An idèò Magnus, quia Poëta? Quis vnquam fando audiuit, tam sinistram suspicionem? tam aptam coniecturam? tam proximum argumentum?* Idem ad criminationem Petrarchæ irrogatam, dixerim *Hæreticus est, quia Poëta*. Sunt enim criminationes affines; sicut Germanæ

Germanæ sunt (iudice Tertulliano lib. de præscript. cap. 48.) Magia & hæresis. Profundo ignorantiae nunc discussio , & ævo nunc ex cultiore , tetra viri pereruditi & ætate sua celeberrimi , criminatio per Cyriacos offusa evanuit.

Thomas Valdensis , dictus à Martino V. *Ecclesiæ ensis* , Iudicio Andreæ à Vega, fons doctrinæ vberimus , à quo puros Latices hauserunt, quorquot deinceps hæreses sunt insectati : à F. Melchiore Cano , & aliis Cyriacis , exagitatus est. Canus I I. de locis c. 7. Valdensem notat iniuriæ erga præsentem Ecclesiam ; quasi ei negauerit auctoritatem definiendi suborientes de fide controuersias , deferens eam auctoritatem seriei Apostolorum ac posteriorum Apostolicorum , laicis non exclusis. Ita quidem ex mente Valdensis, Canus. Et affinia in eo carpit F. Petrus Soto in lectionibus ; addens insuper , Valdensem locasse Pontificem subtus Concilium ; & auctoritatem Ecclesiæ ; statuisse minorem , auctoritate scripturæ : cui proinde pronius assentiendum sit quàm Ecclesiæ , de Valdensis sententia. Denique F. Dominicus Soto Valdensem tundit , eo quod negauerit , præsentem Ecclesiam posse novos articulos fidei condere. Nihil horum à Triumviratu hocce Cyriaco in Valdensem intortum , tanti viri decora deterit , vt fusè ac validè euincit F. Ioannes Baptista Rubeus , subiunctis ad Valdensis elucidationibus. Sed Valdensis , quia insignis sua ætate vir fuit, Cyriacarum Harpiyarum vngues

effugere non debuit.

S. Bernardinus Senensis, vir & sanctissimus & doctissimus; melleæ verò in dicendo facundiæ, delatus est à Cyriacis ad Martinum V. tanquam hæreticus; eo quod nomen *Iesu* radiatum, in tabella proponeret adorandum; & suaderet populo sanctissimum illud nomen ante ostia domorum depingere, malorum auerruncum. Incurrere eum cultum in diuinæ Eucharistiæ adorationem, causabantur Cyriaci; eo quod ea adoratio nominis depicti, eam imaginem cum diuinâ Encharistia æquaret, ut ipsi quidem criminabantur. Ita intelligitur ex Ænea Syluio l. de viris illustribus; qui subscribente S. Antonino 3. p. histor. titulo 14. c. 5. §. 2. addit Martinum V. vrgentibus Cyriacis & saltem alicuius superstitionis timorem incutientibus; principio prohibuisse vsum inductum à S. Bernardino. Eo tamen postea audito, Martinum V. probasse vsum illum, & renocasse priorem suam prohibitionem, habetur in Actis S. Bernardini c. 30. Et rectè sanè Martinus, priorem suam sententiam retexuit. Nam nomen *Iesu* esse adorabile, rectè probat Gabriel Vasques 3. p. disput. 108. c. 21. Videsis etiam quæ pro S. Bernardino habent Molanus l. 3. histor. imag. c. 1. Henricus Sedulius in historia Seraphica ad Acta S. Bernardini c. 30. Et quos in Martyrologio Franciscano signauit ad diem 20. Maij F. Arturus à Monasterio.

Alfonsus Tostatus Abulensis Episcopus, stupor mundi, & cuiusvis scibilis scientissimus discussor;

cussor; quia præ multitudine doctissimorum voluminum vt sol fulgebat in templo Dei, Ecclypsim nonnullam visus est subire, interponentibus opacitatem suam Cyriacis, Duce F. Ioanne de Turrecremata tunc in minoribus constituto. Insimulatus est Tostatus variorum errorum. Sed ille; quæ erat doctrinæ vbertate & ingenij vi, *defensorium* emisit, quo aduersariorum conatus infregit, & honorem suum sartum tectum seruauit apud posteros; quamuis tunc temporis, (vt ipse Abulensis in defensorij præfatione testatur,) visus est causa cadere, ob negatam defensionis copiam; quod ipse ad iniquitatem planè summam, & iuri naturæ aduersantem refert; quâuis sit praxis perpetua Cyriacorum. Sanè in prima nominatim conclusione, quæ Cyriacis videbatur corruptissima, vix erat cur tanto astu feruerent, cum ex libello supplici Taltati ad Eugenium I V. subiecto post clausulam primæ partis defensorij, manifestissimum sit Cyriacos tricanos esse circa voces, & salebras in plano quæsisse, vt esset viro doctissimo notando, & denigrando locus,

Ioannes Picus Comes Mirandulanus, ingenij ac doctrinæ æuo suo Miraculum, quod supra ætatem, & præter morem gradus illius hominum, laude recondita doctrinæ, etiam Theologicæ, supra quoscunque Fratres micaret; & Romæ inprimis, Cyriacorum regnum literarium sibi arrogantium, luminibus officeret, variis eorum artibus & criminationibus patuit, apud Innocentium VII. Eoque processit criminationis acritudo, vt

homo ea conditione, iisque natalibus, solum vertere & apud Gallos & Allobrogas liberius cœlum captare sit adactus, ut testatur Reuclinus l. 1. de arte Cabalistica pag. mibi 758. sic de Pico scribens. *Noui ipsum olim, domo exulantem apud Gallos & Allobrogas pulsūque paria, & tugurum acerrimè ab Inuidis, quadam detestabili persecutione, propter eximia Philosophica studia sua, & nobile ingenium. Est adeò genus hominum (ait Terentius) qui esse primos se omnium rerum volunt, nec tamen sunt. Ex cornu forte nati, qua aui usque ad Coronei annos, (ut est in fabulis,) vestita prius albis plumis, postea riu nigris, colorem indumenti eis prabet; candidi & atrī, unde Fratres atrati dicuntur; quippe volucris ea ob impiam delationem semper odiosa Phæbo. Hi tunc fuerunt obstrum, hi Mastiges, hi Canes tam generi, & tam eruditi Christiani nostro saculo. Disseminati ex huius turbinis imperu rumores, effecere, ut insignis nebulo Foxus, Ioannem Picum in suum Calendarium, cum illius æui hæreticis impudentissimè retulerit, atrocis calumniæ reuictus à credito Alano Copo, dialo. 6. c. 27. Benè item pro Pico Bonfrerius in proloquiis ad scripturam, Pentateucho præfixis cap. 21. sect. 2.*

Ioannes Capnio aliàs *Reuellinus*, primus Hæbraicæ Linguae (quam Lutetiæ à Ioanne Lapidano Illustri Theologo didicerat,) apud Germanos Professor, Trithemio in Catalogo scriptorum Laudatissimus; à Cyriacis duce Fratre *Iacobo de Hogostrato*, variè primùm diuexatus est, concitatis in eum Fratribus per Ioannem

nem Pſesferthori , Apellam Neophytum , pro librorum omnium Thalmudicorum abolitione ſatagentem. Ei obſiſtens Reuclinus , & eſſe in illo ſtercore gemmas ob quas libri illi cum cautela retineri poſſent , demonſtrans ; incurrit in odium Cyriacorum , qui barbarie , ignorantia & inuidia ſtimulantibus , (ait Euleutherius Bizenus ,) multiplicatis intra & extra Germaniam calumniis , & ſcriptis Reuclini , non ſecus ac perditiffimi ſycophantæ omni ſœda nota inuſtis , miſerrimè hominem diuexarunt ; donec Cæſare & variis Magnatibus excitatis , tantum lumen literarum , extinctione eſt prohibitum. Quod longo carmine Epico , cui titulus *Triumphus Capnioni* , deſcripſit Eleutherius Bizenus , de artibus & malignitate Cyriacorum in doctos , addenſans pleraque. Additio ſecunda ad librum Trithemij de ſcriptoribus , habet , Petrum Galatinum Ordinis Minorum , opus ſuum *de Arcanis* idcirco emiſſiſſe , vt conſtaret , quàm inanis eſſet excitata iu Reuclinum tempeſtas ; nec dubitaretur , poſſe cum Hæbraicarum literum cognitione , & prudenti Thalmudicorum librorum verſatione , profeſſionem fidei catholicæ cohærere , quod negabat Hogotraſtus Cyriacus.

S. Ignatius Loyola in primo pietatis tyrocinio , rudis in ſpeciem rerum Theologicarum , exarauerat aureolum libellum *Spiritualium exercitiorum*. Sed Vnctio eum docuerat de omnibus. Itaque vt eſt apud Maſſieum , c. 17. vitæ Sancti viri , in Salmanticenſe S. Stephani cœnobium , adhuc

ſæculari pro Chriſto pauper, per ſpeciem prandij allectus; poſt prandium à Priore variis circa eum librum percunctationibus agitatus; quamvis nihil niſi pium & ſanum reſpondiſſet, arrogata autoritate, tentus per triduum eſt; nec dimiſſus niſi vt ad publicum carcerem, implanato per Fratres, Epiſcopi Vicario abduceretur. A Vicario, adhibiti ad eum libellum recognoſcendum plures docti & graues Cenſores, nihil in illo niſi ſanctum ac nitens deprehenderunt. Neque tamen Fratrum in eum librum intemperię ita ſunt ſedatę, vt non recruduerint: vnde poſtulatione Franciſci Borgię, tunc Gandię Ducis, Paulus 3. auditis Cenſoribus librum exercitiorum ab Ignatio conſcriptum, tanquam omni ex parte ſanum & pium, autoritate Apoſtolica approbavit. De eo libello, per ipſam Deiparam commendato, ſummęque eius inter Aſceticas ſcriptiones præcellentia, videndi Philippus Alegambe in fronte Bibliothecę Societatis I. Nicolaus Orlandinus l. 13. hiſtor. ſociet. à n. 33. & Daniel Bartoli in *Ignatio*. Inuentus tamen eſt, qui eum librum autoritate Apoſtolica approbatum, & tot doctiſſimorum hominum ſuffragiis communitum, non allatraret tantum, ſed etiam Canino riſtu morderet, *anquam continentem multa, temerarię effuſa; non pauca quę pie ac Catholica auris reſpuerent; quędam etiam perſpicuę heretica.* Cenſura hæc fuit F. Melchioris Cani, qui multis ſugillationibus margini illitis, librum de honeſtauit. Eas ſugillationes cum Mancius Profeſſor Complutenſis, vr-
gente

gente Ioanne Siliceo in Ignatium & suos malè affecto legisset; quærenti eidem Siliceo, ecquid de libro videretur; respondit, omnia in eo esse sancta & pura, præter Cani fugillationes; quas solas sordere, & expungendas esse, pronunciauit.

Ioannes Ludouicus Viues, Philippi secūdi Hispaniarū Regis quondam præceptor, magno vir ingenio, eoque ameno; vocatus est vrgentibus & Cyriacis, quia de Fratre Thoma Valois, & Nicolao Triu & F. Iacobo de Passauant minùs honorificè locutus fuerat, in præfatione ad suos Commentarios in libros Diui Augustini de Ciuitate Dei. Scripserant enim tres hi Cyriaci in eosdem Diui Augustini libros Commentarium, supra quàm dici potest in sulsum; atque præ Ignorantiis quibus scatet ridiculosissimum. Et cum contigisset, Ludouicum Viuem ad idem opus illustrandum se accingere, resciuere hoc nonnulli Cyriacorum; & deridentes Ludouici laborem, tanquam qui actum ageret, eo quod tres illi fratres ad miraculum erudi, tèdextrè, exactè, fœliciter, & ita vt nihil supra, in illud opus scripsissent, infœliciter cessurum nouam in illud opus operam sunt hariolati; idque vt Viues resciret, curarunt. Accepto Viues eo nuncio trium illorum Fratrum ineptias, ignorantias ac (si simpliciter dicendum est,) asinitates, ingenuè ac nitidè aperuit; non quidem colligens accuratè omnia; sed tamen attingens quedam illius generis notabilia. Hoc illi reputatum est, non ad iustitiam (vt verè erat im-

putandum,) sed ad grande piaculum. Itaque tota præfatio cuius titulus erat, *de veteribus interpretibus huius operis*, recisa est & libitinæ addicta.

Reliquum verò opus, iussum castrari. Scio alia quædam in ea præfatione reprehendi, & ob quæ præterea admotum esse cultrum causati sunt Fratres; Nempe quod Erasmi se amicum professus ibi, sit Viues; & quod eidem laudes nonnullos panxerit. Hoc tamen ad recisionem præfationis non potuit sufficiens videri: Nam S. Leo, se professus est Eutycheti beneuolum; eumque collaudauit. Videsis Facundum l. 7. c. 3. Zozimus Papa fouit aliquando ac collaudauit Pelagium ac Cælestium, nondum tunc compertos hæreticos. S. Paulinus Epistola 1. & alia ad S. Hieronymum exarata, collaudauit Vigilantium. Ipse S. Hieronymus, tantus postea Vigilanti aduersarius, eum valdè celebrauit Epistola 13. extrema. S. Maximus apud Photium Cod. 194. Pyrrhum postea detectum Hæreticum, laudibus extulit. Quid igitur mirum, Viuem laudasse Erasmus, qui nunquam se gessit pro apertè hæretico, & in ea barbarie morum ac doctrinæ quæ tunc orbem occupabat, habebatur celeberrimus? Ipsi Romani Pontifices, Leo X. & Paulus III. datis ad Erasmus literis, gratias agentes pro dicata ipsis Paraphrasi in Nouum testamentum, quæ multo morbosior videri poterat quàm Commentarius Viuis in Augustinum; adeò effusi sunt in Erasmi laudes, ut præ his Pontificibus, Viues siluisse de Erasmo videri possit. Quid ad hæc effertati in Viuem Cyriaci,
prætextu

prætextu laudati Erasmi? Cætera ob quæ Viues in hoc Commentario notatus est, prostantque apud Possëuinum in Sacro apparatu V. *Aurelius Augustinus* non fuissent expeditu aut expolitu difficilia, nisi Fratres commemoratione intulsiatum & ignorantiarum in focis à Viue obseruatarum, censuissent eum vsquequaque inexcusabilem. Quæ verò ista agendi ratio est? Vt Fratrum Supinitates lateant, dispareat Viues? Vnum aut alterum illarum insulsiatum specimen multiceps, retuli supra diatriba V. Sunt autem adeò insipidæ, vt nullo quantumuis accumulato pipere adhibito, defatuari queant. Mihi facile esset, è Commentario illo Trium Fratrum, nunc quidem infelicitate sua, vel Fratrum de tot stultilogiis erubescen-
tium studio, ægerrimè in manus peritorum veniente, decerpere iustum volumen ineptiarum atque gerrarum omnis generis, intactis iis paucis, quas attigisse carò stetit Ludouico Viuesjo. Nam humanitate viri doctissimi in eum Commentarium incidi; & eundem per otium percurrens, hæsi non semel, & obstupui ad tantas supinitates quibus sipario obducendis, Viues Eunuchizandus fuit. Sed quod tam malè collatæ operæ in euoluenda tam misera Fratrum lucubratione pigeat ac tædeat, absisto pluribus;

Leonardus Lessius rarum æui sui Sydus, Doctor soliditate & Christallina pelluciditate celeberrimus; in Vniuersali per Europam applausu, non euasit Cyriacorum, dentes. Quod enim adamantinas prædefinitiones æternas actuum omnium

nium humanorum , ex mera Dei voluntate , inconsulto quomodocunque homine , cufas , non probaret ; & ferreas prædeterminationes , tactæ diuinitus hominis voluntati ineluctabiles , non admitteret ; Pelagianismi notatus est ; & vrgentibus Cyriacis , peregrinitatis Doctrinæ , ac periculofæ nouitatis damnatus. Adeò enim inoleuerat apud Cyriacos prædeterminatio Physica voluntatis , vt quisquis aduersùs eam mutire auderet , compertus fuliginis Pelagianæ pronunciaretur. Igitur quod Lessius , traditiones Cyriacorum de Deo ad quæuis opera , (etiam scelera ,) prædeterminante reiiceret , & gratiæ efficacis tactum , si homo vellet , abiici posse doceret ; graui censura , agentibus Cyriacis , pro Humanæ libertatis deuinctione sollicitissimis perculsus est ; etiam priusquam Molinæ discors concordia prodiret , & tot Decumanis , turbinibùsque Bannesianis , in Hispania impeteretur. Præludia ad Lessij librum de gratia , postea cufum , malè recisa ex editione Parisiensi , anni 1626. exortum & sedationem motuum illorum in Lessium , explicatè proponunt. Et videri item potest libellus de eiusdem Lessij vita & moribus c. 5. vnde liquet , non alia ex causa inferbuisse tot motus in Lessium , quàm quia Cyriacam fatalitatem respuebat ; nec assurgebat Banni , & gregalibus , libertatem humanam in extricabiliter implicantibus immissione nexuum voluntati inexpedibilium , & (vt Synodus Batauica Dordracena barbarè dixit) *irresistibilem* ; ita vt homo quamuis independenter à sua voluntate

voluntate contactus ; tamen ex quo contactus est, non possit non præstare quod fert tactus ille ; sed consensum elicere adigatur. Quod ἀρρυτον My-sterium Cortinæ Bannesianæ ; pro quo retinendo ac tutando Gyriaca Phalans vniuersa , vel si liber-tatis expeditæ periculum adeundum sit ; ad extre-mum vique spiritum certare fixum habet. Negan-ti autem Lessio ac similibus, se id posse intellige-re ; inconciliabile enim humano intellectui videri, exsolutum manere , & ad vtramque partem ver-tibile , si astrictio ad vnam partem facta diuinitus, nec ab homine impedibilis aut amouibilis infera-tur ; Reposuit alto cum supercilio Bannes , *si non intelligunt , credant.* Hac de causa , agentibus & implacabiliter frementibus Bannesij partiariis, Lessius damnatus est : & illa item eius doctrina in capite libri nigro Theta deformata , qua dixerat, *Deum omnibus hominibus sufficientia ad salutem me-dia prouidisse.* Conclamatum est à Cyriacis in eam Lessij Doctrinam. Sed Sixtus V. tunc ad Ecclesiæ clauum sedens , sanam pronunciauit : & vt à se quondam docendo probatam amplexus est, vetuit-que improbari. Hinc ille Cyriacorum in Lessium stomachus ; quem quia in ipsum effundere non potuerunt , iteratis Romanis iudiciis repressi , in eius demortui imaginem denique profuderunt. Nam Lessij imaginem lenibus Typis expressam, libello de Lessij vita præfixam, quod circum appi-cti essent, de more vbiuis recepto, Angeli , tan-quam Apotheosim Lessij præferentem ; abolere omni studio faterunt. Sic panthera ferocissi-mum

mum animal, implacabili hominis odio æstuans, cum in personam effundere iras prohibetur, oblatam eius imaginem lacerat : antitypa Diaboli (ait S. Basilius homilia in Lacizis) qui quod in Deum furere nequeat, hominem eius imaginem, rabiendo persequitur, ac si queat, discerpit.

Ioannes Ferus Ord. Minorum, scriptor & Concionator in Germania Nobilis; à Dominico Soto Cyriaco, tanquam multiplici scabie turpis, est dehonestatus. Sed eum Michaël Medina Ordin. Minorum, accuratè purgavit; demonstrans quæ in eo morbosa videbantur, potuisse non incommodè ab errore liberari; nec fuisse cur viro optimo, & nauo diuini pabuli chironomo, dedecus à quo maximè aberat, per Cyriacos affricaretur.

Ludouicus Molina, Theologus in paucis excellens, apud F. Dominicum Bannem, & reliquos Cyriacos, grauitè offendit, quod nihil moratus Cyriacas traditiones Seniorum, de auxiliis ineluctabiliter mouentibus, (quæ quomodo cum vertibilitate humanæ voluntatis conciliari possint, arduum est intelligere;) viam excogitasset, & expeditam & solidam, efficacitatis auxiliorum cum iuribus libertatis concordandæ, illustrata & ad illud negotium adhibita, diuina scientia futurorum sub conditione; cuius scientiæ interuentu, & diuinæ prouidentiae erga electos infallibilitas ac certitudo; & humanæ libertatis diuinis auxiliis tactæ exolutio, percommode aperitur. Itaque Bannes, impar congressus
Achilli,

Achilli, pro domesticarum traditionum conseruatione Molinam adorsus, & tanquam primum constanter eatenus retentæ doctrinæ eradicator, incusans; egit omnibus studiis, vt damnetur. Similiter & omnes trans Pyreneos & Alpes, Cyriaci fecerunt; & omnibus artibus ac dolis annisi sunt, vt scripta Molinæ (aliqua saltem ex parte,) notarentur; sed semper frustra. Vt enim rectè dixit Syluester Maurolycus l. 5. Oceani Religionū *Ludouici Molina eruditius de auxilio partus, positus in fornace examinis Pontificij, & sapius igne probatus, deprahensum est aurum omnibus numeris purgatissimum.* Iactatæ quidem sunt Bullæ Clementis V I I I. & Pauli V. in Molinæ doctrinam, ex quibusdam Francisci Peñne Schediis. Sed recens decretum Romanæ Inquisitionis, approbante Pontifice nuper vulgatum, declarauit nihil vnquam à Pontificibus contra Molinæ doctrinam esse constitutum, & Bullas quæ prodiisse iactabantur, partus fuisse malignitatis æmulorum. Quod verò Molinæ assertio de repudiabilitate gratiæ efficacis, insinulata ab iisdem æmulis fuerat Semipelagianæ Hæreseos, deinceps non iactabitur. Nam Innocentius X. ex Sedis Apostolicæ Specula, notauit hæreseos, dicere Semipelagianorum errorem in ea gratiæ efficacis repudiabilitate situm fuisse: cum potius assertio elutabilitatis auxiliorum efficacium, sit dogma Catholicum, traditum in Concilio Tridentino sess. 6. can. 4. quod Concilium, nemo nisi insanus, dixerit approbasse Semipelagianam doctrinam.

Et quamvis excogitatis voluntariè sensibus compositis, tentata sit elusio illius Canonis, à Cyriacis; æquè ac F. Nolanus per sensus subuentaneos in suo cerebro natos, tentauit illudere Innocentio X. tamen Canon Concilij ad eo clarus est ac planus, vt frustra captentur ad eum declinādum officia & salebræ. Quod item securus dico de Innocentij decreto, vt benè agnouit Mater Academicarum, damnans sensus Chymæricos affictos constitutioni Innocentij. Quare vt in Molina sistam, deinceps præcluditur perfugiū miserorum, solatium sibi quærentium à iactata clancularia Molinæ per Pontifices damnatione. Hoc audiant Ianseniani & Cyriaci eorum Collactanei, F. Nolanus, F. Reginaldus, & Dux Gregis ipse caper, F. Ioannes Baptista *de Marinis*, qui & suos Lutetia ad standum pro Iansenio fortibus literis impulit, & Romæ aggressus, Pontificem à damnando Iansenio auertere, capitulauum ex Palatino lixiuio, retulit, nihilque præterea. Omnes istos tangit ea depulsio probri, Ludouico Molinæ hætenus impacti, quia communis eorum crocitus hucusque fuit, Molinam esse Semipelagianum, quia efficacis grætiæ repudiabilitatem admittit.

Robertus Bellarminus, viuum sapientiæ ac virtutis simulachrum, absens in Gallia Legati Pontificij Henrici Caëtani assecla, per Cyriacos insimulatus est erroris, ob negatam temporalem Pontificis potestatem directam super Orbem vniuersum; & idcirco eius Tomus. I. relatus est in
Indicem

Indicem librorum vetitæ lectionis, vt narrat in
eius vita Iacobus Fuligatius. Quanquam mox,
defuncto Sixto V. cui Cyriaci imposuerant, sa-
crum Collegium, latum aduersus Bellarmini lu-
cubrationem decretum abrogauit; & dehonestatio
hominis erga Ecclesiâ beneficētissimi, in caput
criminatorum retorta est. Eidem Bellarmino, F.
Dominicus Graulina, negotium facessere adorsus,
eo quod in opere de gemitu columbæ, scripsisset
fontem vnum lachrymarum, esse aliquorum Re-
ligiosorum cœtuum laxatam disciplinam; eo rem
deduxit, vt perparum abfuerit, quin vir tantæ in
Dei Ecclesia Eminentia, tótque eximiis pro fide
Catholica lucubrationibus illustrissimus; agente
vno Fraterculo, ipsomet Romæ in purpura pri-
dem fulgente annis ac meritis graui, in columna
infami, cum impiis, hæreticis, obscœnis,
Atheis, scriptoribus prostaret. Sed Deus inno-
centia tutor ac vindex, suscitauit spiritum Fran-
cisci Sfortia, Cardinalis *Catiferrei*, qui de tanta
indignitate questus, nec leuia illi Fraterculo com-
minatus, si libri aded innoxij proscriptio euin-
ceretur, effecit, vt abstererent timorē pœnæ, quos
non refrænabat reuerentia iustitiæ. Er sonè Lu-
dovicus Blosius qui se *Dacriam* dixit, siue *la-*
crymantem, ob salem suæ Religionis infatuatum
libello integro, & in præfatione ad Sacellum ani-
mæ, contestatus est, hanc esse dignam sanguineis
lachrymis materiam; eodem iure quo Bellarmi-
nus (id est nullo) fuisset dehonestandus: vt etiam
Trithemius pro libro Penthico, & Ioannes à

Bosco pro Threnis sui Benedictini cœtus, variis locis conuulsi.

Franciscus Suares, Theologiæ iubar eximium, quo clariùs micabat, vehementiùs Cyriacorum Inuidia flagrauit. Aggressi sunt aliquando eius Tomum secundum in tertiam partem, vbi admittit, (saltem vt probabile,) Beatam Virginem suppeditasse omnem concursum & actiuum & passiuum, quem vera mater ad fœtus generationem subministrat. Hoc iuxta Cyriacos, in Suarezio reprobum, dissimularunt in Caietano 3. p. q. 31. artic. 2. & nuper idem disertè docuit Paulinus Zacchia, Medicus Romanus egregiè doctus. Feliciùs cessit Cyriacis, tritatio circa absolutionem moribundi, qui sacerdotem ad confitendum expetiit; & doloris peccatorum signa externa dedit; sed sacerdote seriùs adueniente, amittit sensum vsum, ante iudicij absolutionem. Hunc (vt supra attigi,) S. Leo, & Concil. 4. Carthaginense, decernunt absoluendum esse à sacerdote, vbi aduenerit, & statum ægri ab idoneis testibus didicerit. Fratres Pontificem ferè impeggerant in foueam, vt contrariam Soti & Cani absurditatem auctoritate Sedis Apostolicę firmarēt. Sed Deus qui Ecclesię suę semper adest, prouidit, vt Pontificium decretum verbis conciperetur, quibus sensus legitimus subesset, cum perpetua Ecclesię praxi probè cohærens. Quem sensum Pontificij decreti, Suares per ea tempora Tomum quartum in 3. partem quo de pœnitentia disputatur, prælo subiiciens, egregiè aperuit, dignus ob id studium

dium Ciuica corona. At Cyriaci, magnos apud Clementem tunc superstitem conciuere rumores, aduersus Suarezium; quod ausus esset Pontificis decreto aliū subiicere sensum, quàm erroneum illum quem ipsi subiecerant, fulciendæ suorum ~~ex~~errationi; quàm postmodum Paulus V. Clementi suffectus, ab Ecclesia exulare voluit, edito & ex cathedra probato, Rituali Romano, quo doctrina Suarezij iuxta antiquum Ecclesiæ morem est comprobata. Vt mirum sit, post Paulum V. non modò Petrum Fay atque Coquetium Cyriacos, doctrinæ illius impugnationi instituisse, sed etiam quendam causam Societatis Iesu, agentem, admisisse, eam Suarezij doctrinam, à Societate Iesu reiici, nec posse admitti: Cum tamen certum sit, aliud dici non posse, quàm quod Suares dixit. Esto, (quod F. Ludouicus Caspensis è Capucinorum familia benè notauit;) Paulus V. saluam voluerit totam Suarezij doctrinam, erasa duntaxat Clementis mentione, vt periculum labendi, in quod Clementem inducere Fratres tentarant, posterius lateret; tametsi providente Deo, & suum Vicarium infallibili assistentia dirigente, verbis quibus Clemens decretum concepit, sensus idoneus substratus est, quem Suares aperuit; à Fratrum quidem Intento alienum, veritati tamen, & S. Leonis, ac Veterum Conciliorum sensui exquisitè conformem. Sategisse Fratres liquet, vt per Clementem, antiqua decreta ad stabilienda domestica placita conuellerentur. Hoc premi voluit Paulus V. & è Suarezij libro expungi, incolumi

eius vniuersa doctrina ; Quod in Clementis potius ac Fratrum dehonestamentum cessit, vt per se liquet. Eidem Suaresio, F. Franciscus Combefis, insultat, tanquam oscitanter, aut etiam mendaciter dixerit, iuxta D. Thomam, & omnes Theologos, veritatem coniugij B. Mariæ cum Iosepho, ad fidem pertinere. At hoc non satis inconsultò, (vt alia pleraque,) à Combefisio factum, affirmare licet, cum Theologi omnes (ipso affirmante Combefisio,) agnoscant, ita ex scripturis liquidò haberi. Vbi ergo pudendum (vt garrit Combefisius,) Suaresij *μορμολικεῖον* ? Num quod liquidò ex scripturis habetur, dici nequit esse de fide ?

Ferdinandus Mascarenhas, vir natalibus, sapientia, & supremi in Lusitania de fide Quæstitoris munere clarissimus, à Fratribus tanquam reus Maiestatis Cyriacæ, traductus est ; ob notatam Cabezudi petulcitatem, & reiectas admantinas prædeterminationes Bannesianas. Itaque non creta sed carbone notatus est, eiúsque aureæ de auxiliis disputationes, vnicum post naufragium eruditissimarum in 1. 2. lucubrationum tanti ingenij specimen, vbi potentia Fratrum viguit, suppressum est ; non tamen cis Alpes, & trans Pyreneos, vbi ranæ Cyriacorum non coaxant.

Martinus Delrio, autor fuit disquisitionū magicarum, operis omnigena literatura refertissimi, quod Ioan. Iordanus l. de proba stigmatica c. 2. & Petrus Ostreman l. de stigmatismo effusè laudant ; Dæmones verò in sagarum conuenticulis (eodem Iordano referente,) proscindunt. Huic auctori,
honoris

honoris periculum creare studuit F. Thomas Maluenda, in additione *ad pag.* 319. editionis primæ, operis de Antichristo; suggerens, Delrium magica impugnare quidem; at referre tamen; atque adeò docere; proindèque opus illud supprimendum esse. Sed Delrius in depulsione Apologetica posterioribus plerisque editionibus præfixa, contestatus est, se absque noxa retulisse, quæcunque magica retulit; iis truncatis quæ esse possent pro veneno. Itaque repulso Maluenda, Delrius mansit intactus; & ut in simili dixit S. Hieronymus Epistola 8. *liber mansit, homines præterierunt.* Imo ipsa Maluendæ calumniosa suggestio, è postrema editione, cultro Sodalium de ea erubescens, resecta est, incolumi ac integro perseverante Delrij opere; aduersus quod eodem artificioso prætextu acturum se putabat F. Maluenda, quo Inconsulti quidam Hoplothecam Bellarminianam appetiuere; dicentes adduci quidem à Bellarmino argumenta hæreticorum ut refellantur; sed tamen adduci, & improvidos posse eorum lectione, irreriri. Qua securi æquè excinderentur scriptiones S. Augustini contra Faustum, Cresconium, Petilianum, ac Iulianum; itémque scriptio S. Cyrilli contra Apostatam; quia omnibus his scriptionibus, lucubratio hæretica vel pagana inseritur, subiecta confutatione.

Philibertus Marchinus, scripsit opus luculentum cui titulum fecit *bellum diuinum*, in quo omnes quæstiones quæ circa pestem à Theologo agitari possunt, & quicquid ad praxes curationis,

illius diuinæ in homines plagæ , adhibendas pertinent , excutitur valdè accuratè & solidè. Idem scripsit de Sacramento Ordinis , plenius quàm vllus ante ipsum. Verùm Cyriacos irritauit Marchinus , quia voluit approbare doctrinam Theophili Raynaudi (de quo postea ,) de martyrio eorum qui ex charitate inseruiunt ægris , & in eo ministerio mortem obeunt ; quam doctrinam Cyriaci propter Raynaudum , qui eam (vt ipsi volunt ,) inuexit , exosam cum ipso habent. Non potuit Marchinus vllis per Cyriacos admotis machinis ab eo sensu diuelli. Itaque primùm liber ille *de bello diuino* , curantibus Cyriacis proscriptus est , & carbone notatus ; cum tamen omnium Doctorum Iudicio , sit liber bonus , & in suo genere optimus , grata doctrinæ varietate pascens lectorem , & in tempore necessitatis peropportunus. Sed hanc necessitatem non multum attendunt Cyriaci ; nec volunt librum sibi esse vsui in illa tempore. Nam proximè superioribus annis , grassante in tot Prouinciis pestilentia , multi passim auditi sunt FF. Minores, Capucini præsertim ac Recollecti, in eo pio officio defuncti ; multi item Iesuitæ , & aliorum aliorum ordinum : Cyriacorum vix vlli. Itaque non est mirum si librum tempore pestis necessarium nauis Dei ministris , non curarunt retineri. Deinde ad cumulum vindictæ , librum quoque Marchini *de ordine* , voluerunt proscribi ; tantùm quia autor secutus est vnâ sententiam circa extremam Vnctionem , cuius praxis approbat in publico Rituali Archiepiscopatus Merchliniensis ;

Quales in magnos Scriptores, Cyriaci. 191
chliniensis; & in rituali Episcopatus Ruremundensis, ac in Geneuensi per hominem Dei Franciscum de Sales, cōcinnato; & à duabus Belgij vniuersitatibus, Louanensi ac Duacēsi, admittitur vt legitima. Sed illę Academię quāuis refertę viris Doctissimis, nesciuerunt, Cyriacos eam sententiam in Marchino reprobaturus, propter quadrigas Aminadab. Iacobus Marchantius in Candelabro mystico tract. 5. lect. 3. refert Nuncium Apostolicum scripto publico idem approbasse. Et ipse cum Hesselio & Molano, eidem assertioni subscribit. Ei autem nemo obstrepit, quia non interest Cyriacorum.

Aloysius Nouarinus Clericus Regularis, à Fratribus appetitus est pro vno verbulo, cui optimus sensus subiici poterat. Sed F. Baptista Marinus inceptor rumoris, ad omnia obliuiscit. Itaque vir bonus, & Ecclesiasticę Bibliothecę nauus locupletator, cum impiis, & sceleratis scriptoribus reputatus est, nec aliquid ad eum turbini marino subducendum valere, tam multę scriptiones ab eo emissę, Catholicę semper ac pię. Nimirum qui in *Umbra sua Virginea*, Conceptionem Deiparę immaculatam; & à peccato originis ac etiam à peccati debito immunem astruxerat studiosissimę; non poterat aliud à Fratribus expectare, quàm eam reactionem, quę sola ad manum est Fratribus Cyriacis, cum aliqua ex parte vrgentur. Quia enim non valent argumentis in se intortis oblistere, & legitimę respondere; in illud met, vel in aliquod aliud infesti auctoris opus, vertunt

iras ; & proscriptionem operis , auctori pro cruci-
 ciatione reponunt. At tu optime Nouarine , (nam
 quasi viuentem alloquor ,) Matri sanctissimæ in
 Conceptionis causa faueras ; seriùs itaque aut
 ocyùs , sentire debuisti auersos ictus Cyrlacorum,
 quales Ioabi in Amasan. Quare occino tibi illud
 Poëticum,

*Sus dederat pœnas ; exemplo territus huius ,
 Fa'mite debueras abstinuïsse caper.*

Vincentio Carrafæ , idem meritò occinuerim;
 quem sub persona *Ludouici Syderei* latentem, pro-
 pugnata strenuè Conceptio immaculata , F. Ba-
 ptistæ Marini furori obiecit, propter nugas obie-
 ctionum ; verè nugas, sed malignitatis refertas at-
 que veneni. Nempe manebat alta mente repo-
 situm. fœlus Vincentij , cum Ioanne de Neapo-
 li initum , pro tuenda Conceptione immaculata,
 contra clancularias piæ sententiæ suffossiones, per
 illum crinè rubrum. Qui etiam dolorem suum de
 damnato Iansenio , & alis prædeterminationis
 recifis , lenire voluit , ea apicis Iesuitarum (vt il-
 le vocabat ,) deiectione. Sed quas dixi nugas, vi-
 ri optimi criminationi prætextas ? Audiant Cen-
 sores Marino lenocinati , & erubescant. Audiant
 quos hæc malignitas non attingit , & de ea succen-
 seant. Nugas ergo dixi , damnare Ludouicum
 Sydereum , quia dixit B. Virginem in templo ci-
 batam esse cælesti nectare per Angelos. II. quia
 gratiam Deiparæ , iam à primo vitæ eius mometi-
 to , dixit fuisse superiorem gratia purarum qua-
 rumuis creaturearum. 3, quia citauit S. Bernardi-
 num.

Quales in magnos Scriptores, Cyriaci. 193
num Virgini tribuentem nomen *Dea*. Non dicam,
O Cenforum supinitas ! ô Cauillationes argutatorum ? Sed dicam , ô cæca malitia Cyriacorum ,
talìa vocantium in inuidiam in viro optimo , quæ
alibi innoxia habent, neque fugillant , imo adscrip-
tione sua firmant.

Igitur quod primum culpatur , ridiculè in hoc
tantum scriptore culpatur. An enim adèdò igno-
rantes sunt Romani Cyriaci , & quos subornant
Censores , vt nesciant , eam assertionem esse gra-
uissimorum Patrum , & scriptorum recentiorum
plurimorum , queis nemo idcirco obstrepuit ? Ita
sanè S. Germanus orat. de Virg. præsent. Andreas
Cretens. orat. de dormit. Deiparæ. Georgius Ni-
com. orat. de oblat. Virg. (ad quã orationem Com-
bessius Dominicanus ait omnes alios consentire.)
Cedrenus in compendio histor. Isidorus Thessà-
lon. orat. de præsent. S. Bonauentura in Medita-
tionibus vitæ Christi cap. 3. Ex nuperis , idem
habent Ioannes Maria Zamorus l. 3. de eminent-
tissi. Deiparæ perfect. c. 6. à num. 5. Castro in
histor. Deiparæ c. 3. Lancilotus in viticula Ma-
riana Pampino 6. Nouatus de eminentia B. M.
Virginis tomo 1. c. 5. Coluenerius in Kalendario
B. Virginis ad 21. Nouemb. n. 9. Benzoni in
Psalm. 86, c. 22. & c. 40. tradit. 9. Canisius l. 1.
de Deipara c. 13. Hippolytus Maraccius ad orat.
1. & 2. S. Germani de præsent. Georgius Schro-
telius ad eum tirulum Litaniarum , *Ianua Cæli*
Morales l. 1. in Matth. tract. 19. num 20. Et vide-
tur annuere Suares Tomo 2. 3. p. d. 7. *intio*. Pi-

credi posse , ait Vasques 3. p. d. 121. num. 126. Si damnandus propterea fuit Lud. Sydereus quia hoc dixit , æquè damnandi erant omnes isti. Vel ergo F. Caput cucurbitæ, eiúsque incenitor F. Ioannes Baptista de Marinis , autores damnationis Syderei , sciebant tot & tantos viros eadem dixisse, vel nesciebant. Si nesciebant, valdè ignorantes sunt. Si sciebant, qua fronte potuerunt illud damnare in hoc vno , quod in tot aliis dissimulant?

Quod secundò culpabatur , purum reuera est, & traditum ab omnino multis , qui ita acceperunt illud Psal. 86. ad Deiparam aptatum *fundamenta eius in montibus sanctis*. Sic Benzonius Episcopus Lauretanus in opere Romæ cuso & approbato , exponens illum Psalmum ; Iacobus Marchantius lib. 2. Horti Pastorum tract. 4. lect. 3. Spinellus in opere de Throno Dei c. 4. à num. 3. adducens alios. Nec non Suares t. 2. 3. p. d. 4. sect. 1. & ferè recentiores. Et quamvis nemo id explicatè dixisset , quis tamen nisi hostis conceptionis immaculatæ , potest inficiari , eam assertionem esse piam atque probabilem, cum abyssus gratiæ & immensitas , quam Patres & DD. absque temporis limitatione atque adedò ab initio, agnoscunt in Deipara , (nominatimque Damascenus orat. 2. de assumpt. & orat. 1. de natiuit. Anselmus de excellentia B. V. c. 8. Epiphanius orat. de Deipara , Bounauentura in speculo Virginis lect. 5.) eam assertionem satis insinuent ? Denique quisquis hoc decus B. Virginis reprobare volet,

Quales in magnos Scriptores, Cyriaci. 195
let, monstret, hoc decus excedere dignitatem
Matris Dei. At hoc nunquam monstrabit.
Igitur damnatio vana fuit atque malignè cu-
rata.

Culpabatur 3. quod Sydereus allegasset S. Ber-
nardinum, dantem Deiparæ nomen *Dea*. At si is
qui allegauit in eam rem S. Bernardinum, noxius
est, multo magis noxius fuerit ipse S. Bernardinus;
qui proinde damnari primo loco debuit. Deinde
Romæ, approbante P. Vincentio Candido M.S.
P. cusus est eodem tempore, P. Hyppoliti Mara-
cij ex Congregatione Matris Dei, commenta-
rius ad orationes Isidori Thessalonicensis, in quo
circa eam quæ est de Præsentat. B. V. num. 8. per
decem integras paginas, refellitur Theophilus
Raymandus, quia in nomenclatore Mariano, di-
xerat, B. Virginem non esse vocandam *Deam*, &
pro appellatione *Dea* tributa B. Virgini allegan-
tur à commentatore illo Albertus Magnus, & S.
Antoninus, ac Nicolaus Richardius, omnes Ordini
Prædicat. Prætereaque Nazianzenus (verius
Apollinaris) in Tragædia *Christus patiens*. S. Bo-
nauentura, S. Bernardinus, Ioannes Mauburnus,
Ludouicus Blosius, Petrus Canisius, Ioannes
Carthagenæ, Ioannes Baptista Nouatus, & præ-
ter alios multos Iustinus Michouiensis, qui non
obiter, sed plenè id confirmat. Nemini istorum
mota est lis ob hanc causam. In solo Ludouico
Sydereo, hoc fuit damnandum. An quia Gene-
ralis fuit, Ordinis in quem liuet gens Cyriaca?
An quia Sydereus, fœdus Iniiit pro conceptione
imma

immaculata , cum Ioanne de Neapoli ? Explicet se F. Caput Cucurbitæ , & eius in Sydereum flaturarius F. Baptista de Marinis.

Ioannes Rho , Christianæ facundiæ & omnigenæ literaturæ vbertate laudatissimus , Societatem Iesu Matrem suam , & parentem Ignatium , à Constantini Caëtani Semiuesani Scriptoris , & ab ipso suo Ordine eo in opere , decreto publico exautorati ; necnon à Castaldi morsibus duplici lubricatione vindicarat. F. Ioannes Baptista de Marinis , qui tunc Marinus erat , & rotam Congregationis Indicis agebat , quia erat in ære Augustini de Bellis , bipedum omnium artificiosissimi , & Castaldo coniunctissimi , vt Ioannes Rho de Castaldo impugnato pœnas daret , opus contra Castaldum dimisit intactum ; opus autem eiusdem Rho , contra Caëtanum curauit damnadum , vt saltem eo indirecto modo , Castaldus dolorem suum leniret , aduersario dehonestato. Micat sanè hac in re artificium Fratrum. Nam liber Ioannis Rho contra Caëtanum , & simul cum libro Caëtani per Ioannem impugnato , suppressus est , agente Marino per Bellum stimulado. Quamquam vt Caëtani famæ utcunque consuli videretur , actum cum eo est perinde atque cum Morione. Programma enim damnationis , præferebat , Caëtanum illud opus non agnoscere suum ; quod tamen ipse tunc superstes constanter asseribat. Ioannes verò Rho qui directè impetebatur in Castaldi & Belli gratiam , non est ea larvata galea munitus. De opere autem Ioannis Rho contra Castaldum altum
 silentium

silentium fuit. (En hîc Marinianæ & Bellianæ artis insignem Stropham :) quia si liber Ioannis Rho aduersus Castaldum fuisset pro scriptus , cum non alia prætexi posset damnandi causa , quàm boni pacis , & retinendæ charitatis, oportuisset & Castaldi & Ioannis Rho libros cadere atque pro scribi , sicque Castaldus non abiisset indemnus, nec Rho solus excepisset recruciationem , vt ferebant Marini ac Belli pacta conuenta. Quare plectendo aliqua ratione Ioanni Rho , sine Castaldi dehonestatione, larua charitatis inter Rho & Castaldum retinendæ prætexta est ; de Castaldi autem & Ioannis Rho conflictu, quasi nihil ab eo incommodaretur charitati, altum silentium fuit ; iuxta veteratorias Marini & Belli agitationes. *Nihil occultum quod non reueletur , neque absconditum quod non sciatur.*

Ioannes Eusebius Nerembergus, vir est doctissimus , & ingenij amænissimi , ac copiosa literaria fœtura prænobilis. Itaque non potuit vngues harpyiarum effugere , pro sorte omnium qui extra ordinem Cyriacorum micant in literis. Inter multa & insignia volumina quæ eximius hic autor emisit , numeratur opus Hispanicum *de vita S. Ignatii de Loyola*. In eo opere , narratur insigne miraculum , patratum in sacerdote , qui Manresæ, dum viueret , sensui Cyriacorum de maculata Deiparæ conceptione inhæserat. Vitâ verò functus, cum in templo per tempus sacrorum mortualium iaceret in feretro , subitò exsurrexit, affirmans iussu se esse ad vitam regredi , vt falsam suam sententiam

tentiam de maculata Deiparæ conceptione retractaret. Id quod fecit significantissimè , & magno in illud mysterium affectu. Ea narratio , quo tempore S. Ignatius Manresam appulit, vivebat in omnium memoria , & in parietibus templi Manresani picta prostabat , hodièque prostat. Et quamvis Fratres Cyriaci , omni cura in obliterationem illius picturæ incubuerunt ; tamen profecerunt hili-um ; quia Inquisitio Barchinonensis semel atque iterum re accuratè discussa , stetit pro miraculi & narrationis veritate. Quod hæc in eo quem dixi Eusebij librum referrentur , incurrit in odium Fratrum , apud quos nihil inultum remanebit ; siue ordo ipse in suis sententiis , siue quæpiam ordinis persona violata videatur. Videntes ergo frustra à se quæsitam miraculi obliterationem , librum Eusebij , aliunde quæsito colore , proscribendum curarunt ; præstantes in Eusebij libro , quod in parietibus Manresanis præstare frustra tentarant. Sic obeuntur à Cyriacis munia publica ; sic iustitiæ ac Ecclesiæ seruiunt.

Baptistam Pozam , (velint nolint Cyriaci ,) virum ingenio ac doctrina præcellentem Fratres supra Lutherum & Calvinum , & si quòd est aliud ominosum nomen , infamarunt , ac prosciderunt. Ad eius vel simplicem appellationem cohorrescunt , nec aliter de eo quàm de aliquo impietatis carcinomate , loquuntur ; si quando adiguntur memores esse nominis eius per labia sua. Sententias aiunt , ex eius incude prodiisse , *intolerabiles, erroneas, hereticas, impias, sacrilegis sordibus, propè atheis*

Quales in magnos Scriptores, Cyriaci. 199
atheisimis infames. Ipse quidem Poza, triplici for-
ti Apologia, doctrinam suam stabilivit, monstra-
uitque nihil abs se dictum, quod non dixisset an-
te ipsum Cyriacus quispiam; & signat cum fide,
libros & capita. At Fratres velut aspidēs surdæ
obturant & continent aures suas. Et sodalibus
quidem similia prælocutis parcunt; nec ob eas-
dem sententias, negotium facessunt: Miselli au-
tem Archemori, Elucidarium adeo altè infossum
volunt, ut emergat nunquam, nec nisi per anti-
phrasim luceat. Quærenti tantarum irarum cau-
sas, illa monstrata est primaria & valentissima;
quod postremi tractatus Elucidarij, toti sint in
detegendis ac publico exhibendis, scriptorum Di-
ui Thomæ adulterationibus atque falsationibus
per Cyriacos. Hoc est POZÆ peccatum, scrip-
tum in vngue adamantino: peccatum in Spiritum
sanctum, quod à Fratribus non remittetur in hoc
sæculo, nescio an in futuro. Usque adeò flagrant
in illum odiis, ut Frater Nicolaus Rodulfus, in
cuius senile caput, quæ iunior negotiatus erat, re-
torta diuinitus sunt, ne librum quidem Balthaza-
ris Villelæ, de bona ad mortem comparatione,
ferri voluerit; Tantum quia quæ pollebat odora-
vi, sibi visus est ex libelli eruditione, ac pietate
deprehendere, eum ex Pozæ officina prodiisse.
Itaque nomen Pozæ, Fratribus, per omnia sæcu-
la consequentia erit abominationi, & ipsis vrgen-
tibus apud vulgus computrescet, quia dixit, Cy-
riacos falsasse, adulterasse, interpolasse, libros San-
cti Thomæ; præsertim quoad immaculatam Dei-
paræ

paræ conceptionem, vocando quæ non erant, tantumquam ea quæ erant. Sed Deus iudex iustus omnia in tempore reteget, cum iustitias iudicabit; & quidquid latet, apparebit.

Secundum Baptistam Pozam, vix fuit in quem Cyriaci vehementius exarserint, quam in Theophilum Raynaudum. Irarum causa, ducta est ex Petro Paulo de Bellis, Ordinis Prædicatorum Apostata. Is Genevæ degens, rogatus est sententiam de affinitate doctrinæ Bannis cum doctrina Caluini, quoad libertatem, & efficacitatem gratiæ; ut quando ipse in Caluini tunc Castris merebat, prius autem Bannesij Asseda fuerat, nitidè ac syncerè renunciaret; essetne inter Bannem & Calvinum quoad ea capita, doctrinæ Germanitas; de quo inter Catholicum & hæreticum, lis Lugduni mota fuerat, eius arbitrato ex compromisso decidenda. Respondit transfuga, bellissimè Bannesio & Caluino in punctis propositis convenire. Syngrapha adscriptione eius firmata, superest apud doctum Theologum Augustinianum, qui Apostatam scripto repulit. Eius lucubratio, Theophilo Raynaudo qui affuerat concertantibus, attributa est, à quodam pileo tenus Doctore Cyriaco, cui nomen *Portier*. Is de re tota, Nicolaum Rodulfum, Lutetia tunc redeuntem, cum Lugduno transiret, admonuit; libellum obtulit, & suas de auctore eius Theophilo, imaginationes obtrusit. Respondit Rodulfus, carò constitutam Theophilo eam operam. Nec mora. Vix Romam redierat Rodulfus, cum omnes Theophili libros ad eam diem

diem vulgatos, per totidem Fratres Hypercriticos excuti diligentissimè mandat. Sed post scrutationem in lucernis; nihil repertum est cui inædificari vindicta posset. Verùm non ita multo post, apparuit liber Theophili *de martyrio per pellem* in quem confestim Nicolai Richardij Monstri, feroces baubatus; insonuerunt adedò altè, vt ex ipsa Gallia exaudirentur. Itaque decretorium libri interdictum, priusquàm in publicum efferretur, potentibus intercessionibus Serenissimorum Principum, & Cardinalis Ducis Richelæi, per Excellentissimum Ducem Crequium oratorem Regium extra ordinem ad præstandam Pontifici obedientiam submissum, publicatione est retardatum. Et ad fortia Oratoris Regij, ac Sabaudiani, postulata; Urbanus VIII. librum accuratè recognosci præcepit; ad id adhibitis Eminentissimo Cardinali Oregio, & Reuerendissimo Francisco à Potentia, necnon Illustrissimo Boccabella Sancti Officij Assessore. Ab his integerrimis & doctissimis Censoribus liber recognitus est, & vsquequaque labis purus pronunciatus; ita vt suo & adiunctorum nomine, Eminentissimus Oregius confirmarit Pontifici, *ex eo libro, ne syllabam quidem tolli posse.* Superfunt Romæ, qui id ex ipsius Cardinalis ore acceperunt. Succensuit Pontifex prioribus Censoribus, quod librum innoxium vocassent in discrimen; & deinceps omnia pacata esse, nec vllam ampliùs mentionem stringendæ in eum librum censuræ fieri, mandauit; de quo testis omni exceptione maior, testimo-

nium locuples tulit. At F. Baptista Marinus, penes quem erat primum illud decretum, quod aiebam non fuisse euulgatum; siluit quidem secundum mandatum, dum superstites fuere, Urbanus Pontifex, Card. Oragius, Apotentia Antistes, & Boccabella Assessor. Iis verò ad patres suos appositis, non destitit exsufflare carbones, donec flamma erumperet; Vulpino astu proferens decretum antiquatum; tacita antiquatione, & antiquationis ratione. Itaque post fluxum annorum sexdecim à primo turbine, recruduit tēpestas, per subitā & prorsus inopinam euulgationem primi decreti; quod prius publicè pependit, quàm de eo quicquam audiretur. Reclamatum est apud eos quos F. Marinus implanauerat. Obiectum Urbani mandatum; & testimonium de eo lato prolatum sed responsum datum est, esse Apocryphum, & de quo minùs constaret. Cum verò non ita multo post, aduenissent literæ attestantes veritati, inde transmissæ, vnde mens indubia Urbani, constare poterat, responsum est, esse literas priuatas, quæ non sufficerent ad faciendam certam fidem. Nihil affingo. Illustrissimus Holstenius compertissimam habet omnium quæ refero veritatem. Delatâ ad Sanctissimum Innocentium X. querelâ, dati sunt Censores noni; sed in quorum labiis gladius fuit; ita vt cum Pontifex mandasset librum recognosci, iussi sint diuerticula quærere, iubente eo qui honoris sui interesse contendebat, rem iudicatam (etiãsi per errorem ac obreptionem) stare inconculsam. Et dixit quidẽm, si res non esset facta,

Quales in magnos Scriptores, Cyriaci. 203

facta, non fieret; quando quidem verò facta est, & agitur honor Iudicum priorum, habeat libri Autor patientiam. Quare extorqueri nunquam potuit, vt Censores sensum suum aperire sinerentur, vno dempto Reuerendissimo Hilarione Rancato; qui intrepidè semper professus est, in librum *de martyrio per pestem*, nullam posse intorqueri censuram; cum doctrina in eo contenta, esset saltem probabilis, atque adedò extra aleam damnationis. Instaurato rursus iudicio, Pontifex, homini qui maximè libro & auctori fautorus putabatur, (certè debuerat;) rem totam commisit. Sed is rationibus suis ac spebus consultum volens, veritatem cognitam, & sæpè priuatim comprobata, in iniustitia detinuit; nè incurreret in eum qui sua iudicia irretractata volebat; sicque vno calculo candido, suæ subuectionis vltioris executionem minueret. Res artificio Fratrum, sic gesta est in vrbe. Sed vniuersæ Europæ aliter visum. Nam Theologi insignes vltra ducentos, ex Lusitania, Hispania, Gallia, Belgio, Germania, Polonia, Lithuania, Italia; Antistites item lectissimi non pauci; & Academiae celebres duodecim, astipulatione sua firmare veritatem; nequicquam emotis eam ob rem feris fluctibus Marinis, despumantibus confusiones suas; & detritum priorum Iudicum honorem causantibus. Sed vera ratio ducenda fuit ex genio Mariniano, quem vir grauissimus eius benè gnarus, sic Italicè exprimebat. *Fa sempre gli sui pasticki: puoi non vole, che se gli contradica.*

Quales in magnos Scriptores, Cyriaci. 205
qui benè causam Pontificum egisset, sentes Theologicos amanaſſet, pietatem cum eruditione nexuiſſet; frustra omnis huiusmodi Vmbo pro eo. In Sanctum Dominicum, cui manus sunt prælongæ, (aiebat vnus eorum, in conuiuio Diui Petri Martyris pariter porantium;) veniendum sibi fore, recogitare debuit, cum loca Bannesij, & Caluini committebat, tanta accuratatione, vt de vtriuſque consensione liquidò constaret, vt aliud prætendere videretur, & aduersùs eam consensionem postea disputaret. Tam probrosæ consensionis, vel meminisse, piaculare est. Nec id nouum, eius fursuris hominibus; Nam etiam Leo Sanctius cum Albertum Megnum Magiæ in simulatum propugnaret, reiectus inexorabiliter est; quia retulerat, quæ in illum intorta erant, mox depulsurus. Quo calumnioso agendi modo, in discrimen veniet S. Thomas: qui confirmaturus Dei existentiam, primùm proposuit Atheorum argumenta, illicò ea disiecturus.

Ne sit graue S. Ecclesiæ Principibus suggestionem postremissimi hominum, audire. Nam etiam Moyſes populi Dei Princeps, Iethro hominem infidelem salubria monentem, non est aspernatus. Fodicat mihi pectus, & lancinat animum, agendi ratio quæ in propositis exemplis micat. *Homines magni virtute, & prudentia sua præditi, nunciantes in Prophetis dignitatem Prophetarum, & imperantes in præſenti populo, & virtute prudentiæ populis sanctissima verba,* (Periphrasis est à Siracide adhibita, exprimendis magnis viris,

optimè de Republica meritis , qui Dei negotia strenuè gesserint ,) non rarò per subreptionem , plerunque per calumniam traducti , in programmate infami pependere , & cum sceleratis reputati sunt , admisti interdum Atheis , Magis , Hæreticis. Alios verbulum anceps , & cui bona subici notio haud ægrè potuisset , invidia liuoreue æmulatorum apud fratres potentium , inauditos dehonestaui. Nam ipsos quidem fratres , qui vel linea , & quantumuis obiter tetigerit , sine remissione conteretur , & infamis tota cantabitur vrbe , imo toto Orbe , quàm latè patet. Quosdam , (ita demus ,) leuicula calami exerratio , cui mederi nullo negotio fas fuisset , autoribus paternè monitis , summum ius quod summa iniuria est , inhonoros fecit. Vbi charitas ? vbi æquitas ? vbi laborum pro Ecclesia exantlatorum condigna pensatio ? Quid Cyriacorum negotia , & priuatæ offensiones , ad Ecclesiam , vt vltio de eis sumenda sit , per concreditam ab Ecclesia authoritatem ? Ex vltimo exemplo adducto , Iudicium feratur. Indicata , vel tacta , (non enim asserta ,) à prætenso libelli autore Theophilo Raynaudo , Caluini & Bannis , quoad libertatem expeditam , & gratiam consensio , tota origo fuit procellarum , quæ in eum scriptorem detonuerunt : Ea tamen indicatio , adeò non fuit damnabilis , vt consensionem illam postmodum à Iansenio explicatè traditam , amplexati lubentissimè sint Cyriacorum plerique ; & pro remoranda , vel etiam prorsus impedienda , Caluini illius infulati , (sic nominant Galli ac Belgæ Catholicæ

Quales in magnos Scriptores, Cyriaci. 207
tholici,) iustissima per sedem Apostolicam damnatione, omnem lapidem mouerint, contestante F. Thoma Turco, tuendum strenuè esse suburbium, ne vrbs ad deditionem cogatur; id est standum Cyriacis esse pro Iansenio, ne prædeterminationo pessum eat, aliâque Bannesiâ placita concidant. Quin etiam post damnatum hæreseos propositionum Iansenianarum quinarium, non defuerunt in ipsa vrbe Roma, & alibi cis ac trans Alpes, Cyriaci; qui eidem maledicto quinario accurrerint patroni, & per sensus epicoënos, ridicule, (ne insanè dicam,) affictos, Pontificiæ definitioni illuserint. Et nominatim illud Caluino Iansenianum effatum, de libertate incolumi cum necessitate, sola coactione exclusâ; Cyriaci Parisienses, propositis publicè conclusionibus, illime esse dixerunt, neque vnquam ab Innocentio X. damnatum. Et tamen indicasse antè, eam assertionem Banni & Caluino fuisse communem, capitale fuit; & prætensi autoris, de Ecclesia benè meriti, iugulatione piadû. Obsecro, tanti ne sunt apud Ecclesiam, domesticæ Cyriacis opiniones, vt quisquis eas vel extremo digito attigerit, ludibrium ventis ac Marinis fluctibus, ex necessitate debeat? Hoc S. Ecclesiæ Principibus humillimè suggestum, volui, in clausula recensionis illustrium scriptorum, artibus Cyriacis, pessimè habitorum; quod si benignè audiat, adscribere licebit *Bonum factum*. Sin secus, Deus Iudicum Iudex cum acceperit tempus, Iustitias iudicabit.

DIATRIBA IX.

Cur specialiter scriptores Societatis Iesu, à censura immunes esse per Cyriacos prohibeantur.

Nihil à Iesuitis expecto ; vt tamen iustitiæ ac veritati sit locus , iuuat vnum aliquid in hac causâ ad eos attinens non præterire. Est enim huiusmodi vt plerosque nec abs te, admiratione defigat. Hugo Cauellus Armacanus Archiepiscopus cap. 5. vitæ Ioannis Dunsij, denominati. *Scoti*, ingenuè scripsit, Romæ Minores & Iesuitas, sub Tyrannide Cyriacorum genere. Videmus tamen iam à multis annis, vix Minores Indicem librorum vetitæ lectionis augere ; sed tyrannis illa Minorum, ferè tricis Ciriacorum circa facultatem edendi, exhibendam ad prælo subiicienda opera continetur. Sæpè enim cum idcirco adeuntur, pilum in ouo, & in stupa nodum quærent. Nec tamen tricæ illæ sunt adeò frequentes circa *Minores* ; quia pridem cautum est à Pontificibus, vt cum aliquod punctum controuersum, *Scoti* autoritate fulciretur, Cyriaci eo indiscusso, Minoribus suam doctrinam permitterent. At Iesuitarum (quia nullum huiusmodi

modi frænum est , quòd Fratres coërceat ;) plerasque editiones, truncant, elidunt, impositi super capita eorum Cyriaci : nec tantùm ad edenda opera , sed etiam quoad edita volumina , liberè grassatur in Iesuitas licentia Cyriacorum; quorum velint, nolint , iugum subibunt , aiebat de Iesuitis Gregorius Donatus. Obsetuatum ergo iam pridem est , quoties aliquando , aut etiam sæpiùs in annò , prostant in programme infami scriptores reprobi , Athei, Magici, Hæretici, obcæni , I semper inter eos pendere aliquem è scriptoribus Societatis Iesu. Ex aliorum ordinum scriptoribus , non nisi infrequentissimè aliqui proscribuntur : Dominicani nunquam. Nisi verò aliquis è Iesuitis comædiam completeret , non videretur drama omni ex parte perfectum , aiebat grauis I. C. Romanus , cum in programma recens affixum incidisset , & inscriptum in eo Iesuitam deprehendisset. Quæritur vnde hæc sollicitudo Cyriacorum , tanta cura satagentiùm , vt semper aliquis scriptor Societatis Iesu , in eum Catalogum intrudatur. Nam hoc moretum Cyriaci Iesuitis interunt , vel soli , vel præcipui , vt est compertissimum. Ratio vel se tenet ex parte Iesuitarum , vel ex parte Cyriacorum.

Excutiendo primum caput , videtur manifestum , causam talis tractationis , non posse referri in demerita corporis Iesuitarum , in Ecclesiam Catholicam. Nam orbis vniuersus clamat , nec Pontifices ipsi dissententur , magna extare illius

O s ordinis

ordinis merita, in Ecclesiam, & Catholicam fidem. Et vt mundus vniuersus sileret, nec Pontifices id agnoscerent; starent pro Societate Iesu exornanda, meritisque cumulanda, euentus secundi in plantanda fide, & excolendis noualibus apud Indos Eoos, atque Occiduos, apud Brasilos, apud Æthiopas, apud Afros, apud Canadenses, apud Huronos, vltioresque eis Iloquenses immanitatis propè ferrinæ, & apud alias plagas ab orbè nostro semotissimas. Nec minùs laborat idem ordo in Catholicismo fulciendo ac instaurando, apud Anglos, Scotos, Hyhernos, Hollandos, Germanos. Danos, Dacos, Polonos, Gallos, Græcos, aliósque; apud quos, vel lolium solum, vel immixtum tritico infœliciter sobolescit. In fidei autem calore inter Catholicos fouendo, & promouenda pietate, quàm impigrè, & infatigabiliter laborent Iesuitæ, etiam qui quærentes quæ sua sunt, illos sæpenumero exterius mordent, taciti agnoscunt. Melancthon expuens furuam animam, hoc cum singultu fateri adactus legitur. Non ergo adeò alperè tractantur, ac quotannis traducuntur scriptores Societatis Iesu, ob demerita corporis ipsorum in Ecclesiam: cum potiùs extet immensus meritorum cumulus, ab iisdem in omne genus humanum, ac nominatim in sacrum ordinem, & eius verticem Romanum Pontificem cuius asserendæ in vniuersam Ecclesiam supremæ potestati, nullos defugiunt labores, nullis vigiliis, sudoribus, algoribus, parcunt:

cunt : Et eo nomine sapè numero , non ab hæreticis duntaxat atque Schismaticis , sed etiam à personatis Catholicis deuorent magnas haud vno loco molestias.

Sed neque ignorantia Iesuitarum , potest adeò frequenti infamiæ locum præbere ; cum constet , eos vbiuis terrarum laudem referre à præstantia doctrinæ , & doctorum virorum copia. Siquidem non est inter eos rara avis , homo à literis optimè constitutus , vt in quibusdam aliis ordinibus vsu venit ; sed multi & præcellentes inter eos in omni studiorum genere , & sacra ac profana literatura reperiuntur. Opera quæ illi faciunt , testimonium perhibent de eis. Consulatur Petrus Ribadeneyra in opere de scriptoribus Societatis Iesu : ac longè plenior illustriorque de eodem argumento lucubratio Philippi Alegambe ; tametsi valdè mutila , quam Chiliade librorum augere fas sit. Si labor consulendi & euoluendi eas scriptiones fastiditur ; adeantur Bibliopolæ , & exquiratur ab eis , ecqui sint in vnaquaque facultate scriptores maiore inpretio : & constabit , vel omnes in orbe hallucinari , captando scriptiones Iesuitarum adeò auidè ; vel aberrare à vero qui illis impeggerit ignorantiam. Nec ex hoc igitur capite , toties traduci censendi sunt Iesuitæ. Nulla esset in hac parte difficultas , si constaret quid damnarent Censores in libris Iesuitarum quibus notam inurunt. Appareret enim non esse , (vt plurimum ,) autorum inscitiam ,
cui

cui Censura rependitur ; sed Cenforum auersum animum , vel non satis illustratum , intellectum. Nunc autem quia in Regno Fratrum , censura librorum est negotium perambulans in tenebris ; ita vt damnetur quidem liber , sed quid in eo improbetur , arcanum sit , & supra Eleusinia mysteria prematur ; timentibus sibi Cenforibus , à iusta Censura , ac sollicitè præcauentibus , ne impegissè damnando deprehendantur ; non est ita facile , ignorantia notam amoliri ab eo cuius liber proscribitur , vt fieret Lutetjæ , Salmanticæ , & vbiuis alibi ; vbi apertè exponitur quid in libro improbetur : idque consentaneè ad ius naturæ ac gentium , ne à Pilato quidem violatum , qui Christum patibulo addicens , causam addicendi non tacuit , sic scribens *Iesus Nazarenus , Rex Iudaorum*. Tamen cum denique erumpit pressa veritas , seriùs ocyùs , quid Censores morbosum duxerint innotescit ; & non scriptoris sed censoris ignorantia fit plerumque manifesta : in quam rem , abvndamus exemplis , quæ proferrentur si liceret per honorem eorum qui à Cyriacis implanati , honoris scriptorum leuissima cura tanguntur. Igitur tot Censurarum in Iesuitarum libros , causa non videtur referri posse , in Iesuitarum ignorantiam.

Non denique licet obtendere damnari crebriùs libros Iesuitarum quod sint libri incocti & mustei , vt Sidonius loquitur ; quod scilicet sint libri præcoces , & fusi præcipiti editione.

Nihil

Nihil horum in libris Iesuitarum iure notari potest. Nam neque cuius inter eos scribendi otium datur; neque quibus ea facultas obtingit, soli sunt scriptorum suarum arbitri: sed multi præterea, (tres ad minimum,) ingenio & doctrina valentes, à maioribus extra urbem, clam autoribus delecti, lento examine excutientes omnia, pronunciant denique, an liber alia quam flammarum luce sit dignus; nec nisi superante suffragiorum numero, sit edendi libri potestas. Quid ad eam accuratorem iute quis desideret? Igitur non penes recognitionis inaccurationem & iusto festinationem educationem in publicum, clades de qua agimus, libros Iesuitarum inuoluit. Ac proinde necesse est, tam frequentis infamiae causas, aliunde repetere quam ex parte Iesuitarum.

An ergo causæ tam frequentes tundendi grandine infesta, libros Iesuitarum, ad Cyriacos à quibus ea molestia infertur, aut curatur, sunt referendæ? Hoc si verè dicatur, exquirendum est, an apud Cyriacos odium Iesuitarum, aut liuor, aut incommodum à Iesuitis creatum, causam det vexationi; ita ut quod doctus & grauis Iudex, (quippe murice tinctus,) qui omnia cominūs perspexerat, de libro quodam damnato assererat, de aliis quoque Iesuitarum libris exagitatis sit dicendum; *Persecutionem illam non fuisse libri, sed auctoris.* Attingamus obiter singula.

Odiorum

Odiorum inter Cyriacos & Iesuitas semen-
tem, primus, aut è primis vnus, fecit Alpha
penulatorum F. Melchior Canus; qui etiam-
num harena in cœnobio Salmanticensi, hor-
rendam procellam in Iesuitas excitauit, vt
latè describit Nicol. Orlandinus l. 8. histor.
Societ. à num. 44. postea verò idem Canus,
vt narratur lib. 13. eiusdem histor. num. 33.
quod apud principem offendisset, deiectus Ca-
nariensi Episcopatu ad quem assumptus fuerat,
exarsit vehementer in Araozium Iesuitam, quem
sibi in aula offecisse suspicabatur; & paruum
ac suis animis indignum ratus in vno sistere,
ad omnes eiusdem instituti personas, diffudit
vires; eo acriores, quo hominis præfractum
ingenium prætenfa nec nisi accepta occasione
proritatum, efferbuit violentiùs. Itaque ad
veteres querelas, & antiqua in Iesuitas probra,
quod *Ignygiani* (sic ab eo appellantur Iesuitæ,)
essent antecursores Antichristi, & illusores
nouissimorum temporum ab Apostolo prænun-
ciati; quæ omnia idem Canus de cœnolis
scrobibus Guilelmi à S. Amore petita, & in suum
ordinem iactata, S. Thomas opusc. 19. cap. 24. &
25. retulit, tanto post in Iesuitas intorsit. Ad
ea inquam exoleta probra, irritatus subsecuta de-
iectione sua Canus, addidit nouas nœuias; ni-
mirum de herba pudica, qua assidui inter fœmi-
nas puritatem in tuto locarent; de maiore peccan-
di licentia ex non assumpto cucullo captata; de
aliis denique gerris, notas, (vt ipsi quidem vi-
debatur,)

debatur ,) emissariorum Antichristi præferentibus. Inde odiorum in Iesuitas semina , inter suos copiosa iecit , quæ aliquorum eiusdem instituti virorum proborum , & sapientia illustrium , vt Bartholomæi Torrensis , Bartholomæi de Manyribus , Ludouici Granatensis , flagrantibus studiis prohiberi propagatione nequiverunt. Franciscus ipse Romæus , furente Cano Magister ordinis , fortibus literis Roma datis , lenire & ad officium reuocare hominem conatus , lussit operam. Nam semper Canus , & qui ei inhæserant , in concepto semel iudicio & eius Iudicij frutice , auersione à Iesuitis , obduruerunt. & dubitari de Cano potuit , an in morte quoque , animum mutarit.

Rebus Societatis Iesu , inter multa aduersa , (vt fert stylus diuinus ,) semper florentioribus , odium per Canum sodalésque conceptum , accreuit per inuidiam ; quam prosperitas aliena facile conciliat , & odio annectit. Vnde Philosophus , inuidiam esse *odij particulam* , dixit. Inuidia autem tabificum malis venenum , quos semel corripuerit , efferat (vt Sanctus Basilius differit ,) & præoccupato affectu propè exoculat ; ita vt livido motu aliena facta suo colore tingente (iuxta præclaram Petri Cellensis observationem episto. 158.) obuersentur inuidio , longè aliâ , quàm reuera sint facie ; & detestatione , ac incensiore semper odio , digna appareant. Itaque Cyriaci non pauci , in tanto licet rerum suarum splendore , ad promicantem Ignighico

Ignighicorum lucem in dies adultiorem cæcuerunt. Et fuisse de eis aliorum similem querelam, quod invidia tangerentur, & liuore in viros fama claros vrentur, Eleutherius Bizenus in Triumpho Capnionis, his verbis cecinit, post tres Cyriacorum Eumenides in Reuchlinum siue Capnionem futes, descriptas; annectens hanc quartam.

*Quarta loco, misera inuidia est, turpissima rerum
Non despecta tamen, sed culta frequentibus
aris,*

*Dominici primo dignantur honore sodales,
Ipsa ascendenti similis summumque petenti,
Torna, minax, truculenta, furens, nisi pelle
tegatur.*

*Ossea, macra gena, neglecto pallida somno,
Tristis, inops, sine vi semper, mastissima semper;
Prompta nocere bonis, alieno laeta dolore,
Lata malo; cumque haud posset, quos perdere
vellet,*

*Quassatos acuit tacito sub murmure dentes
Sanguinis huic nihil est, nihil intra viscera
succ:*

*Felle viget solo, picciæque alimenta veneni;
Esuriem vincunt. Sed cum sine tegmine tres
sint,*

Hæc ferrugineo sola est velamine cincta.

Tres sine tegmine Cyriacorum furia, quas prius descripserat, sunt *superstitio, barbaries, ignorantia*. Quarta quæ sola cupit latere, zeli specie, ipsa est inuidia, quâ maximè flagrare Cyriacos,

Cyriacos, ait hic Poëta, describens F. Hogostrati Cyriaci furores in Reuclinum. Sed idem de omnino multis Cyriacis, (planè omnes quis ausit dicere, quum contrarium liqueat de Francisco Romæo, Ludouico Granatenfi, Bartholomæo Torres, Bartholomæo de Martyribus, & aliis quibusdam;) de omnino itaque multis Cyriacis similiter in Iesuitas animatis, ac in Reuclinum Hogostratus, idem dicere candidè liceat, laborasse nigro liuore in Iesuitas. Inflammanuit verò licentia, pectora aliunde quoque exacerbata crescens in dies doctrinæ fama, quam ad alios difundi, malè habebat Cyriacos, de eius regno illhuc usque gloriatos. Conspersere denique ignibus adipem Iesuitæ, eum arietasse Cyriacorum placita sunt visi: præsertim verò cum excusso iugo, nec ultra morati traditiones Cyriacorum, sententiam de prædeterminationibus libertati humanæ ineluctabilibus, conuulsetunt: in quo suæ sapientiæ arcem tentari, molestissimum Cyriacis accidit. Sed & nitentissimam Magnæ Matris Conceptionem, quam à suis cunabulis Societas Iesu statuente Ignatio parente, omni studio tuendam & illustrandam suscepit, Cyriacorum stomachum vehementer in Iesuitas emouisse, in confesso est.

Accessit postremò ad anteriora odiorum incentiua, timoris quem timebant haud ferus euentus; nimirum quod per Iuuenes, de-

pontani facti sunt senes. Noui inquam isti recentésque , antiquorum luminibus offecerunt. Regnabant scilicet antea Cyriaci , in Scholis atque suggestis. Si quod dubium exoriretur , ad eos referebatur vndecumque. Per exortum verò Iesuitarum , nonnullo fieri cæpta est tanti Principatus decessio ; non omnibus deinceps consultoribus sola Cyriacorum ostia pulsantibus. Et accreuit acoris materia , quia aliis plerisque sacris familiis , Iesuitarum exemplo excitatis ad sacræ literaturæ studia diligentius excolenda , corriuarunt ipsæ quoque in suas areolas , doctrinæ latices ; vnde Cyriaca Dyorix , quæ ante videbatur trames aquæ immensæ de fluuijo , parcius fluxit ; & diuisus in multos ad sapientiæ aquas concursus , minor factus est apud Cyriacos. Hinc illæ lachrymæ , & à primis detritionis pristinæ gloriæ auctoribus , auersissimus animus , nigerrimis effectibus , (quoties dare se visa est qualiscunque occasio ,) testatissimus. Et tentarunt quidem aliquoties summî ordinis præfati , post Romæum (de quo superius ,) odia extinguere , charitatem redaccendere ; Vnum excipio Baptistam de Marinis , de quo pluribus autor historiæ Marimanæ , siue Commentarij in nouum titulum Iuris Canonici de Monacho per saltum promoti. Hic enim homulus , post annos vnum supra viginti extra Cænobium , pleno sui arbitrio , absque vlla regulari disciplina exactos , vñne sub prio-

ris quidem munere , in Religioso statu functus
esset , subitò per scandulas secularis potentiae , ad
summum ordinis verticem , saltu insolentissimo
euasit. ' Si hunc ergo vnum excipias , qui nul-
lam vnquam prætermisit nocendi & incendium
Odiorum amplificandi occasionem ; Cæteri
alias sæpenumero cogitationes cogitauerunt ; sed
cassa ferè opera. Nec ita pridem , cum Nicolaus
Rodulphus , priusquàm illideretur , & Mutius Vi-
tellesius ad ineundas solidæ concordiae rationes
conuenissent , (vt Paulus V. commendauerat ;)
ingerentè Mutio mentionem litetarum pacifica-
rum , in eam rem ad suos ab vtroque ex aranda-
rum ; *Faciam* (inquit Rodulphus,) *sed eum eo*

abs te discrimine ; quod scribes tu. & di-

cto audientes habebis tuos ; scribam

ego & audiar sicut qui

surdus canit.

* * *

DIATRIBA X.

Media quibus prospici posset , ne Cyriaci , quos vellent autores immunitate donarent . essentque ipsi quoque , sorte communi ceterorum.

QUæ hæcenus sunt proposita , euincunt manifestè, iustum esse, per eos ad quos attinet , iniici frænos licentiæ, & occasiones malorum quæ ex abusu Pontificiæ autoritatis , Cyriacis circa libros concredita, timeri meritò possunt, sollicitè præcludi. Id qua via præstari possit, non est obscurum.

In primis curandum videretur , vt tractarent fabrilia fabri , & negotium inuidiosum; ac cum statu Religioso ob violandæ charitatis ac iustitiæ frequens periculum , minùs consentiens , curandum sæcularibus tradere-
tur ; quod in magnum & Religiosi instituti bonum , ac puritatem in exercitio muneris integrius obeundi adaugendam , & aliorum tranquillitatem verteret. Aio id cessurum magno ordinis bono ; quia exercitium munerum illorum , ferè infert cladem humilitati , ac paupertati per censum vberem adiunctum , & obedientiæ ob emancipationem à
iugo

iugo Religioso , talibus Pontificiis administris collutam. Potestas enim in quoscunque alios , exsoluta planè , qualem in hac parte sortiuntur Cyriaci , est nouerca humilitatis , præ typho quem ingenerat , velut lignum teredinem , iuxta Bernardi comparisonem. Fruitioni verò pinguis stipendij annui , prorsus liberè à Religioso impendendi , etiam si absit dominium ; facile adiungi potest paupertatis oblatio. Aureorum mille quingentorum censu annuo , potitur M. S. Palatij : Nec parciùs obsonatur Commissarius S. Officij , ambo Cyriaci : & vterque est planè sui iuris in eorum prouentuum vsu. Cæteris Cyriacis ad munera cum his nexa adhibitis , sunt sua emolumenta & commoda. Quis non videt , Religiosæ paupertatis obseruationem periculo non exiguo obicere , per eam exsoltam tanti census fruitionem ? Aut quomodò vir Religiosus , non firmaretur stabilius per saburræ sanctæ demissionis , ac expoliationis rerum caducarum , si abesset ea impotenter efferendæ mentis illecebra , quam *opes superba* (sic nominantur ab ipso Spiritu sancto Prouerb. 8.) improuidis inferunt ? Commodaret ergo apprimè Religioso statui , ea in seculares munerum periculorum translatio. Et potest etiam ex alio capite , fructus in ordinem inde deriuandus , agnosci. Nam etiam si daremus , munera de quibus agimus , omnium incommodorum

Quæ idonea frenandis Cyriacis, via. 223

Deo. Quàm ergo periculosus est , ne timore displicendi cætui pleno Domesticorum quibus cum tota vita exigenda est, homo nutet in recti tenore , & deflectat ad dexteram vel sinistram ; veritus ne domestici, si à sensis ipsorum tantisper auertatur , circumdent eum sicut apes , & exardescant sicut ignis in spinis ; quem esse vsum nimium quantum frequentem, vtinam diffiteri ad veritatem liceret.

Ego hoc non nisi obiter, vno aut altero exemplo quod occurrit illustro. F. Thomas Turcus nuper Summus Cyriacorum Magister, non erat , (cuiusmodi nunc est F. Ioannes Baptista de Marinis,) rudis in Theologicis : sed qua valebat ingenij vi , & Theologicæ facultatis vfu diuturno , optimè perspiciebat , ecquid de suorum sententia circa maculosum Virginis conceptum , esset statuendum. Agnoscebat inquam , piam sententiam quæ conceptus illius nitorem adstruit, esse longè probabilissimam ; & (vt cuidam amico externo aliquando in aurem insusurrauit ,) longè verissimam. Rogatus , cur ergo tanto ardore , apud supremos de fide Quæsitores vrgeret , vt decretum clancularium , & vndecunque nullum de titulo *immaculata* , non appingendo conceptioni , staret ; neque euerteretur , ad quod totius propè orbis studia connitebantur ; Respondit , *nisi sic me gernerem , Fraures tales erga me essent , quales erga*

Benedictum & Romualdum turbantes inolites sensus Monachorum, se præsiterunt aliqui inueterati dierum malorum. Erubesco explicatè referre, quod ille eam in rem, securè in amici aures dimisit: sed intelligentibus pauca. Constat, ex eodem Cyriacorum cætu benè multos in eadem controuersia peripateticos agere; id est quod de Aristotele ab Origene est proditum, metu Socraticæ tictæ, vnum agitare animo, aliud verbis exprimere. Vnde cum primùm per insulas liberantur metu domesticæ vexationis, renunciant sententiæ in cœnobio propugnata. De prædeterminatione Physica, ineluctabili humanæ libertati, compertissimum est per septentrionem, vbi Calvinistæ attollunt Cornua, & vmbonem suo errori de fato, prætendunt à Bañnis & prædeterminatorum sententia; pleròsque Cyriacos in omnia alia abire, cum non timent iras suorum: & vel Pampinis verborum, & quasi foliis faculneæ velare pudendi Bañnis, vel apertè prædeterminationem reiicere. Quod volebat Frater Ioannes Alemandet Ordinis Minimorum disput. 4. Physica partit. 4. Clypeo 2. cum dixit, non obstantibus insultibus Bañnis & suorum partiariorum, Molinistia opinio abrogans ferreos illos libertatis humane nexu, altiores semper radices agit; Thomistica vtrò, (Imo Bannesiana.) Prædeterminatio, iam dormitat, etiam in eorum Scholis. Vtique vb. fratres possunt & audent, nec extimescunt ferros

Quæ idonea frenandis Cyriacis, via. 225
ros fluctus Marinos , qui in despicientes
inolitōs sensus ordinis , emouentur. Hæc obiter
tacta , sufficiunt vt intelligatur , semper metuen-
dum esse , ne qui in cætum aliquem sunt coop-
tati , abripiantur sensu suorum communi , contra
priuatum sensum suum ; & sibi timentes , ac offen-
sionem domesticorum declinantes , aliter pronun-
cient quàm mente concipiunt.

Externorum denique paci , oportunissima
esset ea mutatio. Nihil enim facilius , quàm
vt per rectum muneris exercitium , qui plecti-
tur , extranea causetur ; & cum deberet iudicij
iustitiam agnoscere , referat violationem suam ,
in simultatem quæ ipsi aut corpori cui conse-
ritur , eum corpore Cyriacorum , vel aliqua
singulari inter eos persona intercesserit. Næ-
uius enim est cætuum , sacrorum vt violatio
vnius ad omnes pertinere censeatur ; & qui
peccat in vnum , fiat eo ipso omnium reus.
Itaque si quæ corporis in corpus , aut singu-
laris personæ in idem corpus , vel eius cor-
poris aliquem , abalienatio præcesserit ; re-
positam sibi innoxio vicem , ex non causa vt
causa expostulabit , qui iudicio aduersum se
lato percelleretur. Quæ incommoda præclu-
derentur , si Religioso numerosi cætus mem-
bro , sæcularis quispiam qui singulariter
esset , constitueretur. Saltem verò si Iudex
esset sæcularis , & nulli corpori Religioso
consertus , leniretur externorum plaga , ex
spe mutandæ aliquando faciei (vt sic di-
P 5 cum;)

acti in transfuersum , vt iis facile est accedere , qui vni alicui sacro corpori conferuntur : sed vitæ integri , & nullis domesticis opinionibus antroccupati ; quales potius sunt qui sunt sui iuris , nec alienis sensibus oppignerati. Quidni verò (vt innuit Gerſo,) eadem ſollicitudo habeatur pro ſana doctrina, quæ habetur pro cauſis temporalibus , & bonis humanis ! Quandoquidem ergo ad deciſionem litium forenſium de rebus temporalibus , conſtituta eſt Romæ Rota duodenarij lectiſſimorum auditorum : Ita ex voto Gerſonis , par eſſet , ſubalterna iudicia de doctrina ſana & libris reprobis , (nam ſuprema ſolius Pontificiæ perſonæ ſunt propria ,) exerceri non per vnos aliquos Religioſos , ſed per Rotam duodenarij ſelectorum prælatorum, quos iudicij bonitas , & doctrinæ ſoliditas commendaret. Idem ſibi eſſe deſiderium, nuperrimè expreſſit Hieronymus Columbus Peruſinus , ſub finem repetitionis de Euchariſta pag. 158. Neuter tamen depoſcit aſciſci in eam Rotam Prælatos tantùm , vt à me factum eſt , & foret haud dubiè ad ſcopum propoſitum longè opportuniùs. Depoſcunt ergo tantùm ad hoc munus , delectum variorum Theologorum. Et ſunt qui velint , eos Theologos & Religioſis familiis , & aliquibus ſecularibus adunari. Qui modus componendæ Rotæ prædictæ , propter variâ adiuncta quæ nihil attinet exprimere , poſſet videri

Quæ idonea frenandis Cyriacis, via. 229

Congregationi Indicis, constat plerosque ad modum illum præposterum delectos, Theologica adyta nunquam peruasisse. Quid adyta? Sunt qui vix à limine salutarint. Quantum enim Theologus erat, qui ex eo numero, cum incidisset controuersia de sensu Patrum asserentium Beatam Virginem concepisse per aurem; (perephrasis est ad excludendum à Christi generatione coniugale commercium;) adedò impeditus est ea difficultate, vt libro typis Romæ edito, & approbatione M. S. Palatii communito, professus sit, inexplicabile esse, per quam externam partem virginis corporis, Verbum diuinum illapsum sit vtero B. Mariæ, vt humanaretur? Proh doctrinæ profunditatem? Ad eam ignorantiam, atque scribendi supinitatem, quid possit accedere, equidem non video; cum vel Rudimentarij Theologi sciant, Verbum diuinum pro immensitate sua qua omnibus spatiis circumfunditur, non potuisse subire virginis vterum per aliquam externam partem virginis corporis; quia ea subitio, supponeret verbum à virginis vtero abfuisse, atque adedò caruisse immensitate. Eam illuuiem doctrinæ, chartis suis publicè probatis & vulgatis illiuit Romæ, vnus censor siue *Qualificator* Congregationis Indicis, eo reptobo modo quem attingebam assumptus. Crimine ab vno, disce, sint minus omnes, at complures qui fauore patronorum in illud munus intruduntur.

Nec

Quæ idonea frenandis Cyriacis, via. 231

non rarò timenda sunt , ex tractatione certorum argumentorum quæ alicubi sunt odiosa, nec nisi eum damno Ecclesiæ agitari possunt. Item aberit error circa multa adiuncta, de quibus soli periti regionum statuere possunt ad veritatem. Quam ob causam, plerunque scriptores externa tractantes, turpiter hallucinantur, & risum eient indigenis.

Hæc si ad praxim reuocarentur , (quod optare possum , an sperare debeam ignoro:) nemo esset immunis à censura , si Censuram esset promeritus ; nec semper in aliquos grassaretur tempestas , quibuldam quomodocunque scribant , semper securis & immunibus. Sic ferè certò declinarentur sannæ iudiciorum, de libris prout libido tulerit , damnatis impune , vbi Cyriaci regnant quasi penes ipsos ius vitæ ac necis esset , adedò pro voluntate immittunt alieno iugulo cultrum. Nec adedò frequentes essent , si id fieret , ob locutiones de Romanis Censuris , quas sæpè legimus , sæpiissimè auribus nostris audiimus , non absque cordis singultu , obmulatorum præsertim sectariorum abalienationem à Sede Apostolica ; per cuius auctoritatem veluti stillicidio participatam , proscriptiones librorum , & infamationes auctorum , malignè non rarò , ex abusu participantium eam auctoritatem , decernuntur. Neque enim omnes extra Romam cæci sunt , vt non videant quid actum , quidve quæsitum sit. Nec omnes

omnes item , (præsertim qui violati sunt ,) tantæ sunt virtutis , vt obedientiæ cæco studio , occludant oculos ad iudicium perpèram latum ; sed sæpè sæpiùs , acuate lumina iusto dolore , censuram de Censoribus instituunt , & pro inflammatione librorum autoribus irrogata , effundunt contemptum in infamatores , & criminatores. Quanquam quid autorum ex censura malè lata infamationem allego ? Certum est , à quo tempore censuræ ad nutum F. Marini prodierunt , non duci probro proscriptiones librorum Romanas ; nec inde infamiam autoribus sic damnatis creari , aut libros eorum impediri distractione. Imo quia mortalibus solemne est , in vetitum niti , excitat prohibitio videndi libri studium ; vnde & liber cariùs vānit ob numerum emptorum , & celerius ac latius distrahitur ; vt videatur libro sic maledicto , accedere , quod cumino , adhibitis maledictionibus seminato ; scèliciùs enim crescit ac multiplicatur ; vt est apud Plinium. Quare optanda potiùs quàm auersanda autoribus videri possit ea proscripio.

Si in omnibus prædictis ærem tutudimus , concedatur saltem vnum & alterum ; quo sin minùs rarefieri , at minui saltem torrens iniquitatis possit ; & est vtrumque rationi naturali (nedum Christianis principiis ,) consentaneum , vt vix videatur iustè posse negari. Primum est , vt detur faciliior aditus expostulationi

lationibus ; nec sint maiorum aures prorsus
occlusæ oppressis ; vnde tanta securitas & me-
tus vacuitas cypressoribus. Deligantur qui
de censoribus censuram instituant , & rimen-
tur quid ab iis per ipsosmet , vel per eis suf-
fectos geratur. An odium , an inconditus
alius affectus per non dubia indicia eruperit,
clancularia & arcana , & tamen diligenti ac
fidei vestigatione perquirant. Intelligant de
Bibliopolis , num libri proscripti , aut suspecti
de subeunda proscriptione ; & idcirco ab vno
Bibliopola alióve possessore abducti , clam per
occultos proxenetas vendantur , vt fiat lucrum,
administris Pontificiæ hac in parte potestatis
Nam monstruosam hanc praxim non ita mul-
to ante viguisse , in confesso est. Has & alias
sordes , quæ non latent , præstat non emo-
uere cum turbatione pacis harum , & euer-
sione ædificationis publicæ , tamen si non
fugiunt odorem vim multorum supra vulgus
sagacium. Vestigetur , num quod perpetuo
experimento , & Romæ & per Italiam , quo-
cunque Cyriacorum potestas funditur , de-
prehensum iampridem dicitur ; nimirum vt
quisquis aliqua in re Fratribus non detule-
rit , vel in eos iure aut iniuria incurrerit , cap-
tato prætextu quopiam , tametsi tali vt mani-
festè sit prætextus ; vel solum vertere cogat-
ur , vel tradatur in neruum , aut aliter malè
ac pessimè habeatur : Aut vt de aliis iniuriis

fileam , & in libris sistam , inquiratur an liber nullo iure vetitus , si non sit ad gustum Cyriacorum , certò sitprehendendus , & possessori subducendus in perpetuum ? Nomina-
tìmque , si appellat Romam , vel ad aliquem Italiæ portum liber aliquis , qui probet Conceptionem Deiparæ fuisse immaculatam ; vel qui dicat , Cyriacos falsasse aliquid circa eam , idque euidenter monstret, quæraturn an liber ille harpagetur à Fratribus, quamuis permaiores hoc non habeant in mandatis.

Postulatum alterum , est æquissimum , & quod omni iuri , diuino , naturali , humano Canonico , & Ciuili congruit , proindeque pati repulsam non debet ; soluaturn lex aut praxis iratissima , de tenendo silentio circa causam damnationis libri. Refugitur enim quam diligentissimè euulgatio causæ damnationis libri. Quod perinde est , atque si misero homini in carcerem contruso , denunciatur *Es agendus in furcam absque mora , & tamen obfirmatè celetur eum causa suspendij.* At cum benè constituitur ordo iudicij , non tantum reo indicitur multa sed etiam exponitur mulctandi causa. Diciturn enim noxio , *agendus es in crucem quia innocentem occidisti ; aut quia tale sacrilegium perpetrasti.* Iudicium omnium sceleratissimus Piaturn , causam damnationis in ipsa Christi
cruce

cruce proponi voluit. Ethnici alij passim, in tabella prælata Cruciariis, cum ad supplicium adducerentur, ostentabant causam pœnæ irrogatæ. Sic *titulus Christianitatis* ut habet epistola ad Asianos, prælatus est Attalo Lugdunensi Martyri. Aliàs Præconis voce inclamari iubebant coram reo dum plecteretur, quorsum ei pœnæ subiaceret, iuxta illud Flacci.

Seclius flagellis hic Triumviralibus,

Præconis ad fastidium.

Itaque nemo non videt, quo pertineat tantis septum repagulis arcanum causæ damnationis libri, iuri naturæ & vsui omnium gentium aduersans. Nimirum spectat solùm quietem damnantium, quorum ignorantia vel malignitas pateret, si damnandi causa prodere-
tur. Vnde Parisienses, & Hispani, ac quot quot habent quomodò tueantur libri proscriptionem, si quando eam faciunt, apertè produnt proscriptionis causam, eamque scripto publico exhibent. A solis Cyriacis, Romæ Pontificum administris, contra ius quædamque, damnandi causa occultatur. At vñ (inquiunt,) Sedes Apostolica, ut scitè dixit Eunodiua in Apologetico, solis Deo debet innocentiam; atque adeò non tenetur reddere factæ à se damnationis rationem. Sicut Deo, cuius Pontifex Vicarius est: nemo potest dicere quare ita facis? Audio, & an-

nuo. Sed imprimis, Cyriaci, & quotquot alij sub Pontifice iudicant de doctrina, non sunt Sedes Apostolica; neque soli Deo debent innocentiam; sed hoc verum est de sola Pontificis persona; à qua rationem reproscere, cur aliquid ad doctrinam pertinens probet aut improbet, non est Christiani, cuius est Christi Vicario ex oculatam obedientiam præstare, non autem rationem facti reproscere. At sistendo in delectis à Pontifice iudicibus doctrinæ, (vt nunc sistimus,) vt certum statuimus, Pontificem non posse illis communicare prærogatiuam infallibilis iudicij, qua solus ipse ex singularissimo Christi priuilegio potitur. Vnde non esset aded absor- dum, exquirere ab eis quare ita facitis? Verum neque hoc exquirimus, sed quod valdè diuersum est, quærimus duntaxat, vt aperiant, non quare damnent, sed quid damnent. Non inquam petimus, vt doceant & euulgent, quam ob causam aliquid in libro damnent; sed tantum petimus vt aperiant, quid sit quod damnant, vt fructuosa sit damnatio; vt damnatus si superstes sit, mentem mutet; alique qui fortè librum legerint, non perseuerent in errore inde hausto. Cum enim certum sit, nullum esse librum aded morbosum, quid sit in eo aliquid sanum; interest omnium scire, quid in eo libro damnetur, etiamsi taceatur quare illud damnetur, vt dediscant errorem quem fortè
impro


Quæ idonea frenandis Cyriacis, via. 237

improvidè combiberint ex libri lectione, prius, quam interdicto subiaceret. Nunc autem Cyriaci, absolutè & simpliciter librum damnant, & quid in eo damnent, ignoratur; & autor si adhuc superest, sæpè ne diuinando quidem, scire potest, quid in libro damnatum sit, & quid deinceps debeat refugere: vnde existit perpetuarum expositulationum iustum argumentum; quod euanesceat, si macula quibus doctrina libri respersa est, panderentur: sic enim patefacto libri demerito, oppilaretur os querulum, de damnatione tanquam iniusta lites miscentium. Ablegetur itaque ignorantiae vel malignitatis Azylum; pateat latebra & tenebrosa caligo diescat. Solus qui male agit odit lucem. Id si negetur, mundus vniuersus non obbruit; totus inquam mundus non est bestia. Sunt extra Romanam quoque, & Italianam, Doctores; qui discusso accuratè libro damnato, de præcipitibus, aut ex affectu incondito latis sententiis, ferant sententiam. Et etiam inueniuntur, qui non extimescant dicere, quid liceat facere, cum Cyriaci abutuntur concredita potestate. Ad consolationem quoque Cyriacorum dico, quo plus efferantur in libros innoxios, eo gratiosiores haberi, iuxta illud ex lib. 3. Epigr. 79.

238 *Diatriba X. Qua idon.frenan.Cyr.*
Nitimur in vetitum semper, cupimusque negata.
Vxor amatori sordet, amica placet.
Deformis dum seruatur, formosa videtur.
Sic vetitus, pulcher creditur esse liber.

Gustum nunc parce exhibeo. Cras,
in Indice Vniuersali ad singulos
quosque Cyriacorum libro, plenas
cuppas huius vappæ propinabo.

FINIS.















~~5-4~~

5-4

